

大清郵政局特
准掛號認為
新聞紙類

東方雜誌

第五年

第五期

光緒三十四年五月二十五日發行



初等小學習字帖

此帖與本館所編國文教科書相輔而行
書中所有者無一不備書中所無者亦不
攔入隨讀隨寫可助記憶

- 第一冊 描紅 每冊一角
- 第二三四冊 影寫 每冊八分
- 第五冊以後續出

鄭蘇堪先生手書習字帖

先生書法海內共知本館特請其手書習
字帖分爲描紅影寫臨寫三種并附行書
以爲初等小學學生之模範內容採輯本
館國文教科書及千字文古詩歌等刻已
付梓即日出版

商務印書館 * 圖畫目錄

初等小學習畫帖	學生用八冊 每冊七分	最新出版毛筆習畫範本	教員用八冊 每冊七分	初等小學畫學教科書	學生用一冊 每冊五分	高等小學毛筆習畫帖	第一二冊 每冊一角五分	最新出版毛筆習畫範本	第一二冊 每冊一角五分	高等小學鉛筆習畫帖	第一二冊 每冊一角	初等小學鉛筆習畫帖	第一二冊 每冊一角	高等小學鉛筆習畫範本	第一二冊 每冊一角	初等小學鉛筆習畫範本	第一二冊 每冊一角	中用器畫教科書	第一冊透視畫 每冊三角五分	師範黑版圖畫教科書	第一至八冊 每冊一元	師範習畫範本	第一至八冊 每冊四角	中平面幾何畫法	第九十冊 每冊五角
初等小學習畫帖	學生用一冊 每冊七分	最新出版毛筆習畫範本	教員用一冊 每冊五分	初等小學畫學教科書	學生用一冊 每冊五分	高等小學毛筆習畫帖	第三四冊 每冊一角五分	最新出版毛筆習畫範本	第三四冊 每冊一角五分	高等小學鉛筆習畫帖	第三四冊 每冊一角	初等小學鉛筆習畫帖	第三四冊 每冊一角	高等小學鉛筆習畫範本	第三四冊 每冊一角	初等小學鉛筆習畫範本	第三四冊 每冊一角	中用器畫教科書	第二冊透視畫 每冊三角五分	師範黑版圖畫教科書	第一至八冊 每冊一元	師範習畫範本	第一至八冊 每冊四角	中平面幾何畫法	第九十冊 每冊五角
初等小學習畫帖	學生用一冊 每冊七分	最新出版毛筆習畫範本	教員用一冊 每冊五分	初等小學畫學教科書	學生用一冊 每冊五分	高等小學毛筆習畫帖	第五六冊 每冊一角五分	最新出版毛筆習畫範本	第五六冊 每冊一角五分	高等小學鉛筆習畫帖	第五六冊 每冊一角	初等小學鉛筆習畫帖	第五六冊 每冊一角	高等小學鉛筆習畫範本	第五六冊 每冊一角	初等小學鉛筆習畫範本	第五六冊 每冊一角	中用器畫教科書	第三冊透視畫 每冊三角五分	師範黑版圖畫教科書	第一至八冊 每冊一元	師範習畫範本	第一至八冊 每冊四角	中平面幾何畫法	第九十冊 每冊五角
初等小學習畫帖	學生用一冊 每冊七分	最新出版毛筆習畫範本	教員用一冊 每冊五分	初等小學畫學教科書	學生用一冊 每冊五分	高等小學毛筆習畫帖	第七八冊 每冊一角五分	最新出版毛筆習畫範本	第七八冊 每冊一角五分	高等小學鉛筆習畫帖	第七八冊 每冊一角	初等小學鉛筆習畫帖	第七八冊 每冊一角	高等小學鉛筆習畫範本	第七八冊 每冊一角	初等小學鉛筆習畫範本	第七八冊 每冊一角	中用器畫教科書	前六冊 每冊四角	師範黑版圖畫教科書	第一至八冊 每冊一元	師範習畫範本	第一至八冊 每冊四角	中平面幾何畫法	第九十冊 每冊五角

商 務 印 書 館 華 英 字 典

顏 駿 人 等 編 輯

最近出版空前未有巨帙

英 華 大 辭 典

書凡十餘萬言都三千數百頁
附圖千幅是書悉按英人納韜
而氏字典參以美國危簿司德
大字典譯出每解一字條分縷
析且多引成句以證明之幾無
一義遺漏尙有專門學要語亦
照他字典譯補又附錄英文引
用各國字語解減筆字解記號
彙解華英地名錄等均用六號
字排印每字首用黑體成句用
草體甚爲醒目至於校對之詳
審裝訂之華美紙張之潔白猶
其餘事

洋裝二巨册定價十五元

華英音韻字典集成

定價 七元五角

華英字典

洋裝布面洋紙 定價一元二角五分
華裝洋連史紙 定價六角

袖珍華英字典

定價 一元二角五分

華英新字典

定價 一元五角

東方雜誌第五期目錄

圖畫

法總統福利亞

古巴總統巴爾瑪

考察日本憲政大臣前出使日本大臣李星使家駒
出使英國大臣李星使經方

社說

選論附

研學篇本社編稿

晏子春秋學案 本社編稿 續戊申第四期

論國民宜改良對外之性質 續戊申四月初八日神州日報

論人才與風俗之關係 續戊申四月二十三日輿論日報

戊申四月全

諭旨

內務

論編制法典之要素 續戊申三月二十一日津報

會議政務處等會奏議覆署河南提學使孔奏請考設

視學官及新設依治各員概免迴避摺

會議政務處奏議覆熱河都統廷奏新開蒙旗地方添設州縣摺

目錄

外務部奏覆陳壽謙奏與各國商定辦法摺

外務部奏議覆東省添設交涉道缺摺

吏部奏議覆御史葉芾棠奏請限制應補知縣選班摺

吏部奏擬改雙月並雙單月知縣選輪摺附片三件

吏部奏擬定驗看最優等州縣選用班次並准接連選

用片

民政部奏酌定各直省土地報告表式摺

民政部奏各省查報民數宜籌切實辦法摺

度支部奏議覆修訂法律大臣沈等奏變通旗民交產

舊制摺

度支部奏選看秀女事宜請劃歸民政部會同各旗內

務府辦理片

度支部奏原定則例比丁一條請劃歸民政部辦理片

東三省總督徐等會奏吉省現辦邊務情形摺

各省內務彙誌

京師 直隸 奉天 吉林

黑龍江 山東 河南 江蘇

安徽 江西 福建 湖北

廣東

地方自治彙誌

京師 吉林 山東 安徽

江西 湖南 湖北

各國內務彙誌

日本 韓 土耳其 波斯

戊申

外交

英 德 法 奧匈
 葡國 葡萄牙 美 巴西
 阿根廷 摩洛哥

論間島確係中國之領土 錄丁未口月口日東京三書日報

論粵督緝獲二辰丸案 錄戊申二月十五日廣東日報

俄政府爲第二次保和會事通告各國文

俄政府通告各國英美等國聲明各款文

海牙保和會常川公斷衙門辦事公會章程

海牙保和會常川公斷衙門萬國辦事公所辦事章程

中外交涉彙誌

各國 中日 中美 中俄
 中德 中法 中義 中葡
 中荷 中墨

間島問題

二辰丸案

西江捕權善後

香山界務辦法

各國交涉彙誌

各國 日俄 日英 日美
 德暹 俄奧 俄法 滿蒙
 法美 法暹 布基 滿蒙

財政

論國家徵稅之公理 楊毓璋稿

度支部奏議覆署直隸總督楊奏京津銅元紛雜遵章查禁並請籌辦法摺

度支部奏酌撥光緒三十四年分兵餉摺

度支部奏釐定各銀行則例摺 附則例四種

度支部奏釐定一文錢制摺

度支部奏續借洋款作抵釐金循例撥補摺 清單附

度支部奏預籌本年應還滙豐本銀片

郵傳部度支部會奏擬訂鐵路地畝納稅章程摺 附章程

綏遠城將軍貽等會奏商民赴庫倫貿易請分別准免釐捐摺

各省財政彙誌

京師 直隸 奉天 吉林
 山東 山西 河南 安徽
 江西 湖北 甘肅 新疆
 廣東 雲南

各國財政彙誌

法 美 英 俄 德

日本

法 美

實業

論礦政調查之關係 錄丁未十二月初九日津報

商務

農工商部奏籌辦農會酌擬簡明章程摺 奉硃批
 農工商部奏議覆副都統李奏請振興礦務摺
 農工商部奏陳歷年辦理棉業情形並擬現在辦法摺
 熱河都統廷奏陳辦理蒙墾情形摺
 東三省總督徐等奏清丈東流圍荒以正經界摺 附片
 開缺陝西巡撫曹奏試辦延長石油摺
 廣西巡撫張奏勘實富賀煤礦撥款開辦摺
 中俄訂立吉林煤礦合同
 各省礦務彙誌
 直隸 奉天 山東 山西
 河南 江蘇 安徽 江西
 浙江 福建 湖北 四川
 廣東 甘肅

論今日宜急開內國賽會以興工商 錄戊申二月二十八日時事報
 度支部等奏核覆通州天生港設埠辦法摺
 農工商部右侍郎考察商務大臣楊奏考察南洋華僑商業情形摺
 農工商部訂定商務總分會與地方官衙門行文章程
 中藏英印通商章程
 上海南市勸業博覽會簡章
 商辦信義儲蓄銀行添招新股章程

目錄

小說

荷屬賽會
 韓開商港
 各省商務彙誌
 直隸 奉天 吉林
 河南 江蘇 江西
 湖北 新慶 伊寧
 廣西 貴州
 山東 浙江 廣東


雜俎

光緒三十四年四月中國事紀

三

戊申

延年有術 未士遮枝 烏革迺南 洋蘇門得 拉島巨港 之巨賈也 多財善賈 藹然可 親近抵地 少作勾留 雖年已七十 有三而精神 矍鑠皓齒 童顏毫無 龍鍾態度 誠 蓋伊向年 染恙獨得 此丸之力 而占勿藥 也奉之如神 明其篤信 之深與歲 時而并增 普告未週 尙有缺點 是以不厭 贅煩此早 已傳揚遐 邇盡人皆 知第恐



不化水停 心下等症 已二卡又 五年矣雖 節盡飲食 而食後辛 苦異常 亂夜不能 寐坐臥不 安鎮日困 倦心痛肝 滯不舒以 致面色青 黃頭痛神 延和緩而 寸效毫無 當病有一 症與僕病 相若者賴 服此丸而 獲全愈 予遂將各 醫方開之 暫置不飲 而自服如 計自何生 以來未有 如今

效神脚氣 衝心衰所 此日一予 大延亂食 不普蓋古 親延 年有 術未 士遮 枝烏 革迺 南洋 蘇門 得拉 島巨 港之 巨賈 也多 財善 賈藹 然可 親近 抵地 少作 勾留 雖年 已七 十有 三而 精神 矍鑠 皓齒 童顏 毫無 龍鍾 態度 誠 蓋伊 向年 染恙 獨得 此丸 之力 而占 勿藥 也奉 之如 神明 其篤 信之 深與 歲時 而并 增 普告 未週 尙有 缺點 是以 不厭 贅煩 此早 已傳 揚遐 邇盡 人皆 知第 恐 亂夜 不能 寐坐 臥不 安鎮 日困 倦心 痛肝 滯不 舒以 致面 色青 黃頭 痛神 延和 緩而 寸效 毫無 當病 有一 症與 僕病 相若 者賴 服此 丸而 獲全 愈 予遂 將各 醫方 開之 暫置 不飲 而自 服如 計自 何生 以來 未有 如今 此烏 革君 之言 也韋 廉士 大醫 生紅 色補 丸活 人之 力立 愈一 切氣 血 所接 各處 感謝 書札 以千 萬計 均稱 全賴 此丸 後天 失宜 左癱 右瘓 衰弱 肝經 失和 皮膚 熱毒 各般 瘡瘍 等症 婦女 經期 各病 尤為 奏 效神 奇男 子操 勞過 度酒 色傷 身與 夫感 受煙 瘴者 服之 立見 奇效 各處 藥 店均有 發售 或直 向石 叻海 邊第 一度 吊橋 脚不 論遠 近一 律不 取郵 費 每樽 價銀 一元 五角 每六 樽價 銀八 大元

法 總 統 福 利 亞



瑪爾巴統總巴古



駒家使星李臣大本日使出前臣大政憲本日察考



出使英國大臣李星使經方



謙本圖旅行記

地理讀本

甲編 歐羅巴洲 每册一元五角
乙編 北美洲 每册一元二角
無錫孫毓修譯訂

本書特色一

體例新穎○地理書每嫌枯寂
此則引人入勝不啻臥游

本書特色二

考證確實○謙氏本係親歷其
境採用他種亦非鑿空之談

本書特色三

搜羅宏富○雖據謙氏一書而
參考之書則不下數十種

本書特色四

詞筆淵雅○不僅可作地志讀
且可藉以習國文研修辭

謙氏此書共有

六集本館將請

孫君盡譯之以

為地理書之大

觀丙編為南美

洲丁編為海洋

洲戊編為亞細

亞己編為阿非

利加現均在譯

述中

上海棋盤街中國教育器械館廣告

小學教授理化應用器械藥品模型及圖畫

- 物理器械甲號 四十四種 價八十四元七角七分
- 物理器械乙號 三十三種 價六十二元三角二分
- 化學器械甲號 四十七種 價三十元六角三分
- 化學器械乙號 三十四種 價十七元四角六分
- 化學藥品甲號 四十七種 價十元七角八分
- 化學藥品乙號 三十四種 價五元九角八分
- 助力器模型一組 價不等
- 救火器模型 價十四元
- 汽機剖面模型 價七元
- 汽車模型 價六元五角
- 汽船模型 價三十元至四十元
- 電車模型 價不等
- 電信機模型 價五元四角至四十元
- 電話機模型 價八元四角至三十元
- 理化示教圖五張 價一元

此外應用品目繁多另刊目錄詳載一切

小學教授生理衛生應用器械模型及圖畫

- 紙製人體模型 價式百元至三十元
- 紙製骨骼模型 價百元至四十四元六角
- 腦模型 板附 價十三元
- 肺臟解剖模型 價十元
- 肝臟脾臟腎臟解剖模型 價二十四元
- 腸管解剖模型 價二十四元
- 身長計 價七元
- 體重計 價三十元
- 量肺計 價十元
- 握力計 價二元六角
- 生理解剖圖 二十張 價四元
- 人體生理圖 五張 價一元
- 又附書 十二張 價三角六分
- 人體解剖圖 五張 價一元八角
- 同 十張 價二元五角
- 生徒姿勢圖 十二張 價一角二分

此外高等解剖模型及解剖器械均可選購

社 說

選論附

從學篇 本社撰稿

觀 雪

一。世。以。還。吾。國。內。憂。外。患。蠭。螞。鱗。萃。如。疾。雷。之。破。山。如。大。風。之。振。海。於。是。舉。國。士。民。乃。始。汲。汲。焉。以。興。教。育。設。學。校。為。事。稽。其。趣。嚮。未。嘗。不。明。於。治。本。矣。雖。然。一。閩。之。市。不。勝。異。意。焉。一。卷。之。書。不。勝。異。說。焉。淺。才。小。知。之。徒。各。自。信。其。拘。虛。篤。時。之。見。離。歧。攘。臂。乎。其。間。究。其。窮。極。乃。適。足。與。興。教。設。學。之。初。意。相。背。而。馳。荀。卿。有。言。曲。知。之。人。觀。於。道。之。一。隅。而。未。之。能。識。也。故。以。為。足。而。飾。之。內。以。自。亂。外。以。惑。人。上。以。蔽。下。下。以。蔽。上。此。蔽。塞。之。禍。也。嗚呼。君。子。觀。於。學。者。蔽。塞。之。禍。知。其。所。自。來。者。非。一。朝。一。夕。之。故。而。今。世。則。尤。烈。矣。夫。知。士。无。思。慮。之。變。則。不。樂。辯。士。无。談。說。之。序。則。不。樂。察。士。无。凌。詆。之。事。則。不。樂。元。莊。子。論。此。數。子。者。非。真。以。其。有。為。不。可。加。也。囿。於。物。束。於。教。則。不。知。所。以。然。矣。今。夫。昧。日。月。而。知。衆。星。之。蕪。也。出。崖。澗。而。歎。洋。海。之。大。也。一。曲。之。士。不。見。天。地。之。純。道。術。之。大。體。學。一。先。生。之。言。則。暖。姝。姝。而。私。自。說。其。所。乘。受。固。无。以。異。於。聾。聾。耳。夫。聾。者。无。以。與。乎。鐘。鼓。箏。簧。之。聽。者。非。不。知。聽。也。耳。有。所。不。聞。也。聾。者。无。以。與。乎。青。黃。黼。黻。之。觀。者。非。不。欲。觀。也。目。有。所。不。見。也。使。一。旦。振。聾。而。發。聾。

社 說

從學篇

七十一

戊申

則亦等倫於恆民然則曲士之未喻於道者殆其知有所困神有所不及乎

王充曰知古而不知今謂之陸沈知今而不知古謂之盲瞽吾則曰知內而不知外謂之盲
瞽知外而不知內謂之陸沈今世學者之病其大要不外於是此而非彼羨人而蔑己雖亦
如耳目鼻口未嘗不各有所明顧其患坐於不能相通夫是此而非彼者將其此之果是而
彼之果非乎明於此而闇於彼則其所明者是而所闇者非矣羨人而蔑己者將其人之果
善而已之果不善乎習於人而疏於己則其所習者善而所疏者不善矣故曰凡人之患蔽
於一曲而闇於大理悲夫聖人往而不反求其見出以知入觀往以知來者不可得矣樛里
見天子宮之挾墓幸有知被髮者之將戎彼二子者非有達際洞聽之聰明皆案兆察迹推
原事類而已關尹子曰度在身稽在人余雖不敏竊比於斯世有哲人必不河漢余言矣
大人之學為道也小人之學為利也符列子說此其所學者非不同也而所以用其學者異裹
糧學泗者成徒而休死者幾半符列子說此其意本非為學休也而事之有所必不免故夫為
學者苟不能入遊其樊而无感其名則鮮有不卒乎亂嘗試言之今之羨人而蔑己者非強
半遠託異國之學子乎其始也憤外人之相陵哀黔首之无告去父母之鄉辭倫常之好羸
糧擔簦百舍重趼而不敢息彼觀其意是欲得當以報於祖國矣其繼也顧影中原憤氣雲

踊。哀。物。悼。世。激。情。風。烈。充。其。願。量。直。欲。蹴。崑。崙。而。使。之。西。倒。蹋。太。山。而。令。之。東。覆。當。斯。時。也。激。於。事。之。出。於。不。意。恃。其。虛。矯。之。氣。忘。其。久。長。之。策。而。爲。是。駘。蕩。決。絕。之。行。覆。墜。而。不。反。火。馳。而。不。顧。是。其。於。立。政。鼓。衆。動。化。天。下。也。將。失。乎。中。和。者。哉。乃。夫。所。爭。之。無。論。勇。伎。而。不。成。則。六。鑿。相。攘。素。心。無。主。而。豔。羨。饗。於。利。祿。計。徑。之。捷。莫。若。拾。人。之。糟。粕。以。自。矜。其。知。而。後。夫。不。知。以。是。而。其。傳。言。乃。不。免。於。溢。此。則。仲。尼。所。謂。其。就。義。若。湫。者。其。去。義。若。熱。者。非。邪。若。乃。等。而。下。之。則。芒。然。於。古。今。之。沿。革。內。外。之。變。故。徒。勤。襲。一。二。西。語。自。鳴。其。得。以。爲。天。下。之。知。無。有。過。於。己。者。是。則。皆。異。日。爲。人。趣。走。鞭。撻。之。材。耳。悲。夫。此。吾。國。今。日。新。學。界。之。現。相。也。吾。何。以。知。盲。瞽。之。患。哉。以。此。

莊周曰。夫尊古而卑今。學者之流也。外論昔者揚子雲作太玄。造法言。張伯松不肯一觀。與之併肩。故賤其言。王充聞之曰。使子雲在伯松前。伯松以爲金匱矣。世論余以今世學者。是此而非彼。其蔽亦同。夫此一世。以爲無論矣。自科舉廢。私塾汰。老生迂儒。生計頓絕。然尙抱守其殘缺不完之經文。而不釋者。有之矣。言則必稱仁義禮樂。行則必中規矩準繩。目學堂則必曰夷教。媿學生則必於魑魅。然叩以五帝三王之事。迹不知也。叩以唐宋元明之事。迹又不知也。然則其所謂知內者。亦僅當身目前而已耳。雖然。當身之事。或聞或見。萬不識。

社說 晏子春秋學案

七十四

五月

一。目前之事。或存。或廢。千不識一。居。則夫。彼。知。內。者。直。無。所。知。也。夫。閉。心。塞。意。不。高。瞻。覽。昔。人。謂。之。死。人。之。徒。是。此。而。非。彼。者。其。死。人。之。徒。也。哉。悲。夫。此。吾。國。今。日。舊。學。界。之。現。象。也。吾。何。以。知。陸。沈。之。害。哉。以。此。

今。世。學。者。其。格。而。不。相。入。者。多。以。此。二。故。焉。居。鄉。里。則。公。益。莫。舉。入。政。界。則。疵。釁。日。興。人。各。為。其。所。欲。焉。以。自。為。方。雖。欲。國。之。無。病。其。可。得。乎。治。之。之。方。首。察。其。根。其。根。惟。何。曰。是。惟。短。於。德。智。德。蕩。乎。名。知。出。乎。爭。故。前。者。必。享。毒。長。覆。以。道。德。而。後。者。必。疏。淪。澡。雪。其。心。神。道。德。大。全。蚤。蚤。不。嗜。心。神。清。明。塵。垢。不。止。明。夫。此。者。庶。幾。可。與。觀。化。

晏子春秋學案 本社撰稿 續戊申第四期

蛤笑

景公游於牛山。北望其國城而流涕曰。若何滂滂去此而死乎。艾孔梁丘據皆從而泣。晏子獨笑於旁。公刷涕而顧。晏子曰。寡人今日游悲。孔與據皆從寡人而涕泣。子之獨笑何也。晏子對曰。昔者上帝以人之死為善仁者息焉。不仁者伏焉。使賢者常守之。則太公桓公將常守之矣。使勇者常守之。則靈公莊公將常守之矣。數君者將守之。則吾君安得此位而立焉。以其迭處之。迭去之。以至於君也。而獨為之流涕。是不仁也。不仁之君。見一諂諛之臣。見二此臣。所以獨竊笑也。

按此乃墨家學問之本原所以能輕生取義者以知此義而已死者人之所不能免雖上哲不能無感感焉道家惟畏死故常思所以永之於是乎齋精保神絕欲服氣以冀延引歲月而已釋家知其術之不可恃也因謂人身別有一靈魂焉軀殼雖敝而靈性可以不泯於是其有輪迴轉生之說儒者皆以為不可信矯而為順天立命之說以自解且為喪祭之禮以致其哀痛其與釋道之說雖殊要其幸死者之有知則一而已近世西儒頡德始倡為生死進化之說謂新故相嬗而世界乃日進於文明故生之有死乃造物所以仁愛萬物也此說一出泰西之學術為之一變吾國儒者方喜其持論之新奇而孰知晏子已於二千祀之前暢發此義與頡氏若合符節可不謂超世之特識耶墨氏之學惟以此為根據故非命故節葬故輕其身而急天下

仲尼之齊見景公景公說之欲封之以爾稽各端以告晏子晏子對曰不可彼浩裾自順不可以教下好樂緩於民不可使親治立命以建事不可使守職厚葬破民貧國久喪道哀費日不可使子民行之難者在內而傳者無其外故異於服勉於容不可以道衆而馴百姓自大賢之滅周室之卑也威儀加多而民行滋薄聲樂繁充而世德滋衰今仲尼盛聲樂以侈世飾弦歌鼓舞以聚徒繁登降之禮趨踰之節以觀衆博學不可以儀世勞思不可以補民衆

也。其民其道也不可以示世其教也不可以違民今欲封之以移齊國之俗非所以導衆存民也。

按儒墨相爭之異點此章盡之矣。墨學之所以叢世詬病者在此後世之疑晏子爲僞書也。亦在此要之皆一孔之儒不足以與言哲學也。哲學之與宗教本非同物。哲學是非者也。宗教辨善惡者也是非分於時勢。善惡判於道德。故善惡終古不易而是非則因時會爲轉移。甚至有同時同事兩人各執所見以相爭而兩造皆是者矣。吾國儒者以宗教學術混爲一譚。是卽爲善非卽爲惡。出入奴但以意氣相制而不察夫所據之理所因之時則宜乎學術隘而治術卑也。三代以還質文相嬗。至有周之末而文勝極矣。春秋戰國之交諸子並起各思以其所學轉移政治。雖其所挾之術人人不同而要其欲以質家之說救文學之敝則一而已。若老若墨若名法若農商皆質家之屬也。惟孔子之學以因時通變爲主。故有述而不作之言。雖深疾當時文勝之敝。時見諸言論。然及其立法改治則不過因周公之舊制去泰去甚而已。不肯盡去其舊而新之也。其後諸家歇絕而孔子之學獨巍然尊爲國教。亦因其與時世之習慣不大相逕庭耳。自孔墨之爭於今又

二千年矣。文勝之敵。以視周末。不啻過之。則所以救弊而補偏者。舍質家之說。其奚能為功哉。故讀書者。當會其通而不可援孟子之說以自解也。

燕之游士有泯子午者。南見晏子於齊。言有文章。術有條理。巨可以補國。細可以益晏子者。

三百篇。睹晏子。恐慎而不能言。晏子假之以悲色。開之以禮顏。然後能盡其復也。作復客

退。晏子直席而坐。廢朝移時。在側者曰。向者燕客侍。夫子何為憂也。晏子曰。燕萬乘之國也。

齊千里之塗也。泯子午以萬乘之國。為不足。說以千里之塗。為不足。遠則是千萬人之上也。

且猶不能殫其言於我。況乎齊人之懷善而死者乎。吾所不得睹者。豈不多矣。

按以晏子之學。與其才識。而猶虛懷若渴。能受人之盡言也。如此則夫學問才識之不及。

晏子而所處之時。又危於晏子者。其求賢禮士。當更何如哉。吾願今之公卿大夫。人人書

此為座右之銘。時時省覽也。

晏子使於楚。楚王聞之。謂左右曰。晏子齊之習辭者也。今方來。吾欲辱之。何以也。左右對曰。

為其來也。臣請縛一人。過王而行。王曰。何為者也。對曰。齊人也。王曰。何坐。曰。坐盜。晏子至。楚

王賜晏子酒。酒酣。吏二縛一人詣王。王曰。縛者何為者也。對曰。齊人也。坐盜。王視晏子曰。齊

人固善盜乎。晏子辟席對曰。嬰聞之。橘生淮南則為橘。生於淮北則為枳。葉徒相似。其實味

不同所以然者何水土異也今民生長於齊不盜入楚則盜得無楚之水土使民善盜耶王笑曰聖人非所與熙熙與字也寡人反取病焉

春秋之時列國並峙與今日歐洲之局大略相似故折衝尊俎尤高專對之才然必己國之政治修明實有以對人而無媿者然後足以服敵國之心非徒然恃口給之巧捷而已此晏子小節耳然其隨機應變實可為出疆奉使者之法故備箸之

樂高既敗田桓子欲分其家以告晏子晏子曰不可君不能飭法而羣臣專制亂之本也今又欲分其家利其貨是非制也子必致之公且吾聞之廉者政之本也讓者德之主也樂高不讓以至此禍可無慎乎廉之謂公正讓之謂保德凡有血氣者皆有爭心怨與通利生孽惟義可以為長存且分爭者不勝其禍辭讓者不失其福子必勿取

按墨家平等而法家尊君墨家主進取而老氏主退讓晏子為墨家者流而斯言也則近乎法家與老氏何也春秋之時貴族政治極敝之時代諸子競起皆以掃除貴族為職志者也然興民權以制貴族其勢逆崇君權以抑貴族其勢順此諸子所以不約而同也者惟等與主不向君權平又齊自管仲以後其治尚法晏子固不得悉以其道易之也墨之為術也豁刻於己而公利於人不自封殖則無所多取而其跡有似於退讓矣佛之說法有經有

權貴族所懼者在禍福不在義理欲止其并兼坐大之勢固不得不假殃慶之說以懾其
心於平時所持非命之旨固不相背耳

論國民宜改良對外之性質 錄戊申四月初八日神州日報

人類自原始以來以戰勝外界得存於今茲故競爭爲人類固有之性質然以範圍於地理
歷史之故遺傳習慣不免多所改移或則雄鷲或則陰柔或則活潑或則滯弱其鎔鑄而成
一種特質者幾於國各不同於是國與國相互之間其強弱勝負之衡遂恆視其民族性質
之良否爲斷輓近競爭日烈凡智力稍絀者將無以自立於天地間故列強之施政教也務
審其民性質之短長以爲補救調和之法而使之善於競爭蓋處此優勝劣敗之秋非戰勝
羣雄不足立國若循途守轍仍用其閉關鎖港之所爲正如千金之子不識世途之險一
日狎處衆朋未有不遭傾仆者故在上之補救調和尤在洞悉大勢之所趨時局之所宜而
別定方針以爲用此其事固非一時所能見效然根本之計不可不定之於預固謀國者所
宜顧慮也

中國今日之阡危論者固莫不知由於全國人民不能對外競爭之所致此種思想視前次
僅以爲我之不及外人在一技一藝者固已遠勝然其比較陳說或曰吾國人無教育或曰

吾國人不尚武。此皆舉一偏而遺全體。知現象而失本原。終未能賅括明晰。質而言之。中國人之所以不及外人者。在夫性質之有所缺失。與此時勢不宜。故屢爭而屢敗。且由其性質之有所缺失。故同一圖強之事。他人爲之則有效。吾人爲之則無功。蓋凡百事端。皆爲死物。全賴人之活用。活用之者。又必視其人之性質。與此事相宜。更與聯屬。此事者相宜。然後其效乃如所期。否則形式是而精神非。雖強爲附麗。終無濟也。

吾國民之性質。多所缺失。固不能如錮蔽者之自誇。然亦不至如外人之譏訶。謂其一無可取。第數千年來。事經萬變。而一遇外族。無不輒致披靡。近今之事。尤其昭著。顯明此其故。誠不可解。吾以意斷之。則仍爲數千年來。政教所種之因。隨時自刈其果而已。蓋數千年來。習於專制。人民之意志。幾無復得享自由。所謂英君明主。務取人民天然之性質。而變化操縱之。其初束縛馳驟。尙有間。然久而與之俱化。遂成爲第二之性質。柔懦也。愚馴也。卑劣也。拘滯也。國民性質之缺點。殆無不根於斯。在立法者。初欣於計之得售。以爲神祕之方。今而後可爲子孫帝王萬世之業也。一旦外寇侵入。舉此柔懦愚馴卑劣拘滯之民族。與強敵遇。其勝負之數。豈待著龜。故吾國民性質之不宜對外。分也。非不幸也。歷代以來。重賤。賤。謬。積習相沿。其術愈工。吾民之性質。遂愈下。不幸所遇者。又皆慄悍。鷙忍之族。益之以其政教學術。

故立即相形見絀而吾國論者不知根本方妄指一事一物絮短論長不知國之強弱視乎全體人民而人民之強弱又全在覘其性質今有西鄰日富而東家日貧論者不知西鄰之富由於子弟之佳皆奮力以圖進益而東家反是而徒謂彼西鄰者用一僕之得法儲一粟之合宜是烏可謂之知言也

今中國之衰固由當軸者措置乖方然國民亦不得辭其責但所以致此本非一朝一夕之故欲改良更化未易見功雖然天下無無果之因前此既可設法陶鑄以成今日之人民後此安見不可設法陶鑄而別成一種之特質前此之術工矣而其旨差故其效左今乃不師其旨而師其所以用術雖無速效然薰陶漸漬必有進化改良之一日今試問國人性質之不宜對外者約有幾乎若志意不能堅定團體不能固結多保守而少進取多輕率而少預謀臨事則雜亂無章事過則一闕而散此皆最大之缺失必宜速改者彼外人性質所長之處固歷歷可稽然亦根於地理歷史千百載政教之陶鑄非可一日而幾與中國缺失之由來正復相類且有可比附證明者焉

中國行政務消挫人民勇武之心故文武畫分兩途而所以爲之榮譽利益者武又遠遜於文致人以當兵爲恥文弱之習不可復挽各國則尊崇武事朝廷之宗旨社會之舊習皆有

以鼓動而獎勵之。是以人盡知兵而外侮蔑由。以致此其不同者。一中國行政務取人民之事而干涉之。致人民不得不倚賴朝廷。初不知所以自立之計。故氣習日流於滯弱。各國則權利思想自昔發達。雖有暴君污吏不能永久剝奪其自由。故其性質多沈毅。有為不至受人欺慢。此其不同者。二中國立國最古。人民之暮氣已深。且牽率太多。故沈萎之形日流於外。而不易振作。各國則多新造之邦。其人民大抵具活潑之概。冒險之性質。卽隨以俱生。凡事不憚艱險。爲之故對外之事沛然莫禦。此其不同者。三中國之教以宗法爲重。及今尙不能離宗法社會。而入軍國社會。故保守之性有生俱來。各國則以進取爲主。取進步無止之說。故凡政治學術無不易於更新。得出其長以相勝。此其不同者。四中國之教向僅足以範圍人才。非爲化民成俗而設。故大半歸於無用。且不能收普及之功。是以人民之愚頑者多。各國近代以來。所以圖教育者無微不至。凡正德利用厚生之事皆裕於學校之中。德育體育智育大彰。成效是以人無不學。國有與立。此其不同者。五中國雄長亞東。中原常爲一統。故競爭之性隨時世以銷沈。各國則戰伐無時。常有厲兵秣馬之志。故習於戰鬪而操奮之氣多。此其不同者。六此六者皆彼之所長。我之所短。而皆有所致。此之故。然則改良國民性質。得毋以根本殊

異之故。竟無可望耶。曰否。彼之所以致是者。固非無因而然。彼具此因而結此果。我具此因而結此果。無二理也。我前此所種之因。已於今日刈其果。則今日所種之因。他日亦必刈其果。是惟視其所種之因如何耳。但其事收效甚遲。則圖之尤不可不急。今日陪危之際。豈容不作救本之圖。前已誤之於先。今必改之於後。試問我國。倘人人能尚武。安有今日人人能自立。安有今日人人有活潑進取之概。安有今日人人皆學而善於競爭。安有今日往事已矣。無可言已。觀我上下。意氣之萎靡。生計之艱窘。厭滅老漁冥頑不靈之狀。是安得不速為變計耶。

夫改良一國人之性質。茲事體大。固非易言。然挈其概要。可以教育括之。惟分類至繁。為法至密。今者教育方在幼稚。於精神毫無所得。茲事安可驟期。而所以言之者。亦冀當軸於政教之更新。知早定宗旨。而不至仍誤其薪向。庶立於今日。民族帝國主義盛行時代。倘有可以自存耳。方今各國民族之特色。如英之沈毅。法之活潑。德之質實。皆足以為立國之要素。人民之精神。在此。即國家之精神。在此。中國立國。號稱數千年文明之發達。最先乃精神之腐敗。若此。即無外憂。亦必內潰。矧歐風美雨交逼而來。而以孱弱不振之病軀當之。有不立見敗亡者哉。竊謂精神不振。雖政教更新而優孟衣冠。猶無當也。況精神不振。政教萬不能

社 說

論國民立憲其對外之性質

八十三

戊申

更新哉。至人民性質。既緣於地理。歷史。則所以致之之法。自必不能與各國強同。其事宜由政府與社會交爲之。而凡一介匹夫。皆當引爲己責。克己省察。卽以盡對於國家之義務。此今日吾人所當注意者。蓋非徒侈言對外立國之本。因應如是也。

論人才與風俗之關係 錄戊申四月二十三日輿論日報

國家之強弱。係乎人才。人才之盛衰。視乎風俗。風俗之良窳。起於匹夫匹婦。一二人之心。一二人之心。習於善則善。習於惡則惡。蓋風俗者。人才之製造場。人才者。又風俗之出產品也。有斯拉夫人種。活潑強武之風俗。然後始有巴枯甯有條頓人種。剛毅堅忍之風俗。然後始有克林威爾有拉丁人種。敏捷勇敢之風俗。然後始有拿破崙以上諸人。不生於亞東。而獨生於俄於英於法者。以其風俗殊也。

凡一社會中。其才者與才者。其勢常合。才者與不才者。其勢常不合。於是才者爲一羣。而不才者又爲一羣。是二者之差。常立於絕對者之地位。吾國數千年來。崇尚專制政體。爲帝王者。必設法壓制其民。歷朝以來。豈無一二有才之士。播植於其間哉。然而外界惡潮。隨時薰染。則不啻交夷而蘊崇之矣。其根本既淨。惟有純淨不才之性質。以爲遺傳。積習相沿。寔成風俗。蓋風俗與性質。其表面爲二。而終有合一之時。以性質轉移風俗。難以風俗同化性質。

易吾國之民。既爲風俗所移。而人含有不才之性質。則其愚者。師其尤愚者。相謂曰。某也。諛諛某也。貪狠而今富且貴矣。其不肖者。師其尤不肖者。相謂曰。某也。少年喜事。某也。放言高論。而今貧且賤矣。一人倡於先。百人和於後。當此之時。其有思想溢。出社會水平線外者。則一社會之人。必誣之。奪之。在朝斥於朝。在野擯於野。積之既久。則是非混而黑白淆。而此一社會中。凡能仰事俯畜。冒股策英。其志愈得者。則其心術必愈險。其不才亦必愈甚。以此等社會。而有才之士。生乎其間。其綽悍者。必憤而爲賊。人之舉以求倖生。如暴動謀亂諸類。是也。其謹愿者。必憤而爲自賊。之舉以求速死。如婦人醇酒。諸類是也。蓋至是而後有才者。乃得二種結果。才而綽悍者。必嬰有形之禁網。才而謹愿者。必罹無形之戮辱。苟或不然。而出此二種外者。則其人必怵怵。俛俛。低首下心。潛移默化。而不自覺。以終歸於不才之途者也。

是何也。蓋有才者。其自負也高。故不肯苟同其所見者。大故不拘小節。其所慮者遠。故不爭一時之毀譽。行一事而人疑焉。出一語而衆忌焉。非斥之爲喪心病狂。卽呵之爲非聖無法。由是而才者常敗。不才者常勝。由是而社會上之心理。乃人人以才者爲戒。而以不才者爲法。人人既以才爲不才。則必以不才爲才。由是而後有才者。乃卒不得一伸其志。草草度數。

十寒暑以去嗚呼人才者所以保衛社會者也風俗者所以製造人才者也今吾國之風俗既日以製造不才爲事而歷代之學派乃成爲製造不才之學派歷代之教育乃成爲製造不才之教育不才之人愈衆而製造不才之術乃愈神固無惑乎居此社會者日逐逐於鑽營也諂媚也求八行也請雙安也舉不可告人之境而行之於大廷視之爲典禮而後不才二字乃爲吾國最普通最高尙之一科學趨向日誤而根性亦日深才不才之勢力愈懸絕社會之文化亦愈消亡而後吾國乃終於爲奴爲隸而不可復救然則今日所欲救吾國必先育才欲育才必先去不才尤必先改良風俗不此之務而猶日日號於人曰吾將救吾國也豈不謬哉

歐 美 名 家 之 政 法 書

我國言政 法者多取 法於日本 至歐美之 作譯者較 少本館特 選歐美名 著若干種 或直接或 西文繙譯 或間接由 日本重譯 茲將已成 書者列目 如下商務 印書館啓	英國甄克思原著 社會通論 一元	英國聖勃約翰原著 羣己權界論 八角	英國默爾化原著 萬國國力比較 二元五角	德國那特傑原著 政治學 四角	法國孟德斯鳩原著 法意 三元三角	美國威爾遜原著 政治汎論 一元二角	美國巴路提斯原著 政治學及比較憲法論 二元五角	英國埃爾巴路德原著 歐洲大陸市政論 一元四角
--	--------------------	----------------------	------------------------	-------------------	---------------------	----------------------	----------------------------	---------------------------

第一百二十二號

商 務 印 書 館 出 版

日 本 法 學 博 士 之 名 著

識田萬原著 法學通論 一元七角	戶水寬人等原著 法制經濟通論 二元四角	寬克彥原著 國法學 一元	末剛精一原著 比較國法學 七角	小野塚喜平次郎原著 政治學 一元	清水澄原著 行政法汎論 一元二角五分	清水澄原著 行政法各論 六角	富井政章原著 民法原論 二元	梅澤次郎原著 民法要論 近刊
--------------------	------------------------	-----------------	--------------------	---------------------	-----------------------	-------------------	-------------------	-------------------

第一百二十三號

商務印書館算學類新書

現已付印

新編初等數學教科書

中學數學教科書

代數學新教科書

查理斯密初等代數學

大代數學講義

實用幾何學初步

新編初等幾何學教科書

幾何學難題詳解立體部

平面三角法新教科書

新編初等三角法教科書

中外度量衡幣比較表

不日出書

第一百又三號

光緒三十四年四月

新撰平面三角法

每册六角

三角教科書編輯非易此書體例完善詳略適宜原著者英國算學名家日本譯而用之幾於紙貴一時今重譯以餉我國其書共分十一編錄其要目如左

定義及測角

直接圓函數

對數性質及用法

角之和差函數

反圓函數

消去法

級數之和

邊角函數之關係

斜三角形解法

三角形之性質等

用三角法測高遠

附錄試驗問題箋

洋裝一册印刷鮮明誠中學堂及師範學堂教科善本也另編

平面三角法新教科書

即日出版

第一百又四號

商務印書館發行

諭旨

戊申四月全

上諭甘肅鞏秦階道員缺著恆啓補授欽此○上諭升允奏特參庸劣不職各員請旨懲處一摺甘肅鞏秦階道英璞才具平庸操守難信狄道州知州潘力謀顛預成性聽斷粗疏均著開缺勒令休致候補知縣張成周聲名素劣同僚不齒大挑知縣楊泰遇細行不矜被控有案沙泥州州判宋登鰲因循疲軟縱役誣良大通縣知縣試用縣丞潘世孝擅放倉糧見利忘義代理清水縣知縣試用縣丞孫雲錦鑽營無恥欺罔糊塗捐升縣丞前署泰安縣典史王文郁藉差滋擾舞弊營私董志原訓導張維坊品行不端心術險詐均著卽行革職華亭縣知縣陳翰聲捕務疏懈不治輿情著開缺另補餘著照所議辦理該部知道欽此 四月初一日

上諭前因歸化城副都統文哲璋奏參貽穀敗壞邊局欺賺取巧蒙民怨恨各款當經派令鹿傳霖紹英前往確查嗣據貽穀奏參文哲璋等侵吞庫款亦卽諭令鹿傳霖等一併查辦茲據查明覆奏貽穀督辦墾務有二誤四罪等語朝廷放墾蒙地意在開荒備邊並非攘地圖利乃貽穀不顧藩部邊氓大局祇爲一己罔利起見專用小人苛索巧受以官地墾局巧立公司名目輾轉漁利定章每畝地價三錢公司輒浮收八錢墾熟之地亦復勒繳地價甚至房基廬舍舖面街道勒交租價每畝竟多至三百數十兩且縱勇濫殺燒斃台吉丹丕爾一家五命之多復羅織成獄輒將丹丕爾置諸重辟尤屬殘酷無倫所收地價以八錢計算約收銀四百餘萬兩除支撥有案及代爲約計用款外其查無用項者尙有二百餘萬之多顯係貽穀及各局員等朋分吞餉貽穀又需索蒙旗扣留荒價揀放官缺批索銀兩開設舖店剝兵扣餉似此貪殘相濟擾害蒙民敗壞墾局實屬辜恩負國綏遠城將軍貽穀著革職全開由山西巡撫派員押解來京交法部審訊

監追治罪文哲璋於庫款亦有侵挪且向日阿附貽穀聽其苛斂隨同畫策並著交部嚴加議處其隨同索賄虐蒙之山東候補道斌儀聚斂附益婪款不貸雲南候補直隸州知州景祺苛暴險詐商民共憤五原廳同知姚學鏡心貪手辣率定爰書均著卽行革職拿交法部監追治罪署東勝廳同知岳鍾麟讐蒙誣叛幾壞邊局山西候補知縣吳棟棠以兵壓民形同寇盜分省補用府經歷誌良逼追地價慘用非刑均著革職發往新疆効力贖罪候補參將譚勇發虛報冒功縱兵掠物著革職發往軍臺効力贖罪分省補用知府陳光遠直隸州知州黃桂荃山西候補直隸州知州呂繼純同知郝敬端余寶滋知縣鄭天馥林毓杜喬樾蔭通泰均屬駑詘互用迎合殃民著一併革職所有貽穀歷年辦墾保案著該部查明一併撤銷塔爾巴哈台參贊大臣榮昌著解任赴綏遠接任將軍切實查辦餘著照所議辦理至鹿傳霖等條陳善後事宜及請派員接辦等語著派信勤前往接充督辦墾務大臣暫行兼署綏遠城將軍查照鹿傳霖等各條陳辦法體察情形妥籌辦理務期痛除積弊既須振興墾務尤須深恤蒙難以示朝廷撫綏藩部之至意欽此○旨廢生貴寶著以文職用貴寶著以旗員用沈榮發著外用新設翰林院滿祕書郎二缺著景潤雲書補授新設翰林院漢祕書郎二缺著程械林華俊聲補授截取繁缺知府雲南道監察御史孫培元度支部郎中晏安瀾俱著照例用欽此○孝東陵禮部員外郎宜昌昌陵禮部員外郎寶賢理藩部筆帖式功樸擬補順天府訓導貴昌四川青堤渡鹽大使桂彥彬廣東電茂場鹽大使章文濛均堪以准其補授升補山西河東監掣同知姚楷堪以准其升補保舉直隸補用道商作霖直隸補用知縣趙宏濬均堪以照例用欽此初二日

上諭福建泉州府遺缺知府著惲毓嘉補授欽此○諭旨恭親王溥偉等奏辦理禁煙請推廣訪查一摺言官有糾劾之責自當留意訪查著於三個月後如訪有沾染嗜好巧爲掩飾者立即參奏該大臣等職司禁查責無旁貸尤當隨時查

訪嚴定章程認真摘發不得稍有瞻顧以收實效欽此○諭旨本日理藩部帶領引見之廓爾喀正使噶箕沛熱八哈都熱更札多札且底熱副使薩爾達熱噶哈新卡札噶且底熱均著加恩賞戴花翎欽此 初三日

上諭恩壽奏舉劾屬員一摺陝西存記道張藻特用道張守正鳳翔府知府尹昌齡候補知府游經候補知府劉濟坤臨潼縣知縣吳庚華陰縣知縣崔肇琳城固縣知縣李經江均著傳旨嘉獎甯羌州知州陳巴芬才具平庸尙知奮勉懷遠縣知縣章春芳優柔寡斷取不嚴延川縣知縣陳美灝才具竭蹶不治輿情岐山縣知縣邊祖祥辦事敷衍習染未除署廣施縣知縣候補知縣陳丕業性情疲緩聽斷不明平利縣鎮平縣丞景興辦事遲鈍人地不宜神木廳照磨李永春庸懦自安不知振作均著開缺調省察看懷遠縣典史江巨梓剛復自用不守官箴鳳翔縣典史傅肇銓緝捕無能且有嗜好試用府照磨劉允箴人太軟弱痼疾難除均著即行革職餘著照所議辦理該部知道欽此○上諭柯逢時電奏差缺重要勢難兼顧土稅仍須留鄂經理屏軀久病赴浙未能定期等語浙江爲海疆重地朝廷特簡柯逢時補授巡撫原爲因地擇人乃該撫一再瀆奏赴任需時而海疆要缺詎可久懸浙江巡撫柯逢時著即行開缺仍責成督辦士膏統稅事務以期專心籌辦免應成局欽此○上諭浙江巡撫著增韜補授欽此○上諭直隸布政使著吳廷斌調補朱其煊著補授山東布政使欽此○上諭福建按察使著鹿學良補授欽此○上諭福建鹽法道著陳澗補授欽此○上諭江西吉安府知府員缺著武玉潤補授欽此○上諭四川成都府知府員缺緊要著該督於通省知府內揀員調補所遺員缺著成昌補授欽此 初四日

上諭度支部奏銀行存儲國民捐款另籌辦法一摺京師前辦國民捐款原爲清償外債起見現由該部銀行收儲生息在國民捐輸踴躍具見急公好義之忱惟統稽成數清償外款尙難預期所有存儲款項自應另籌辦法以期久遠該部

現經附設儲蓄銀行著照所請由該銀行通行曉諭凡捐款之人有願將原捐取回者限期執持收照將本息取出有願改爲存款者本息亦聽其隨時收取餘著照所議辦理該部即督飭該銀行認真辦理以昭核實欽此 初五日

上諭禮部奏耆紳鄉舉重逢額懇恩施一摺二品頂戴前署山東督糧道郭慶襄早年登第筮仕青齊現屆該員鄉舉之年花甲適週詢屬藝林盛事加恩著賞給三品卿銜以惠耆年欽此○上諭徐世昌等奏查明知府收稅增多祇交例額酌擬辦法一摺吉林候補道王昌熾前在長春府知府任內徵收牛馬稅祇交例額雖係照章辦理惟當戰事甫平之後地方凋敝田土荒蕪農民購買牛馬自應減收稅課以興農業且直隸熱河以鄰省地方尙且蠲免出境赴奉牛馬稅乃該員仍復按價估徵至逾舊額數十倍之多又不報明充餉實屬貪苛膽妄王昌熾著即行革職並勒繳銀十萬兩解交吉林巡撫留爲辦公之用該部知道欽此○上諭開缺福州將軍崇善由奉恩將軍補授護軍參領游升錦州副都統歷任江甯綏遠城將軍調任福州將軍並署理閩浙總督宣力有年克勤厥職前因患病准予開缺茲聞渣逝軫念殊深加恩著照將軍例賞卹任內一切處分悉予開復應得卹典該衙門查例具奏欽此○諭旨禮部奏耆紳鄉舉重逢額懇恩施一摺內閣中書尹果加恩著賞給內閣侍讀銜欽此 初六日

上諭趙爾巽奏考查地方各員分別舉劾一摺湖北署安襄鄖荆道施南府知府施紀雲署武昌府知府鄖陽府知府黃以霖荊州府知府斌俊署江夏縣知縣王士衡廣濟縣知縣孫炳麟署襄陽縣知縣徐久緒既據該督臚陳政績均著傳旨嘉獎荆門直隸州慶春公務廢弛民信未孚潛江縣知縣調任湖南甯鄉縣知縣畢井田頹廢因循不堪造就試用通判沈廷瑜胸無主宰舉動謬妄署長樂縣知縣李綬卿闕冗額預難騰騰民社前署竹谿縣知縣陳鳴珂人既庸下性復貪復江陵縣縣丞廖久仁辦事草率署天門縣縣丞曹廷勳因案釀命均著即行革職襄陽縣知縣陳圓才難治劇民不信

畏羅田縣知縣危士修事少條理刑罰不中准補枝江縣知縣余鼎臣奏論未孚均著開缺另補藩圻縣知縣王葆善才識庸弱署通山縣知縣石首縣知縣趙震東任用家丁不孚輿論惟文理尙優均著以教職歸部銓選餘著照所議辦理該部知道欽此 初七日

諭旨本月十三日所有進內奏事當差之王公百官均著穿蟒袍補褂欽此 初十日

旨湖北鹽法武昌道馬吉樟湖北黃州府岐亭同知周濂徽四川成都府督捕通判徐襄廷雲南陸涼州知州黃玉芳廣東鹿縣知縣宗岱浙江浦江縣知縣朱國鈞江蘇鹽城縣知縣呂道象安徽涇縣知縣黃緒炳山東臨邑縣知縣金榮桂浙江永康縣知縣崔釗浙江雲和縣知縣涂震東甘肅兩當縣知縣張其縉安徽廬州府督糧通判孫繼高雲南大理府彌渡通判萬鴻鈞浙江湯溪縣知縣談長康山西汾西縣知縣華元清安徽英山縣知縣王青選四川新甯縣知縣陳純熙理藩部筆帖式椿齡明祥恩霖翰林院筆帖式積厚均堪以准其補授保舉安徽補用知縣易景瑗堪以照例用保送通判陸軍部候補主事崇培堪以通判分發省分補用欽此○旨廕生麟振著以文職用截取煩缺道翰林院撰文薛寶辰翰林院秘書郎程械林截取煩缺知府翰林院編修楊家驥翰林院檢討余炳文俱著照例用俸滿浙江嚴州府教授管世駿著仍以教職用湖北荊州府理事同知員缺著桂馨補授欽此○諭旨此次驗看之員外郎銜岑德純著賞給郎中欽此○諭旨前據貽穀奏稱杭錦貝子阿爾寶巴雅爾阻撓墾務請開去伊克昭盟盟長以副盟長烏審旗貝子察克都爾色楞哲署並以台吉沙克都爾札布署理副盟長嗣據奏稱杭錦貝子悔悟効順懇請開復以盟長記名均經准如所請現經查明該貝子阿爾寶巴雅爾尙能輸誠報効加恩著仍補授伊克昭盟盟長察克都爾色楞仍回副盟長本任毋庸署理盟長沙克都爾札布毋庸署理副盟長欽此 十一日

諭旨

四十三

戊申

上諭浙江按察使著惠森補授王慶平著補授浙江鹽運使欽此○上諭直隸布政使著崔永安補授欽此○上諭署理山東巡撫直隸布政使吳廷斌奏因病懇請開去直隸布政使一摺吳廷斌著准其開缺欽此十二日

旨翰林院侍讀著吳士鑑補授欽此十三日

上諭貴州貴東道員缺著文悌調補欽此十四日

旨分發直隸試用道凌重倫湖北試用道黃秉湘河南補用知府劉懌江西補用知府劉體仁山西試用知府元雋陝西試用知府紹康江西試用知府徐元瀛湖北試用知府英銀王孝繩直隸補用同知張銑山東補用同知郝廷瓊直隸試用同知羅耀庚張錫錦河南試用同知凌鑒山西試用同知黃中立浙江試用同知曹岳祐湖南試用同知趙世華廣東試用直隸州知州李果宗雲南試用鹽提舉葛亮元貴州補用知州李上理直隸試用知州劉觀龍河南試用知州夏瑞申李汝勳直隸試用通判王雙純江蘇試用通判程以繪湖北試用通判譚信毅廣東試用通判盛廷英陳芝芬柳謙貴州試用通判張定銜直隸試用直隸州州同郝宏祚陝西試用直隸州州同朱步瀛直隸補用知縣鮑汝璠張徵乾陳鍾伊左運樞河南補用知縣馬安仁李樹嶠浙江補用知縣湯贊清江西補用知縣左秉鈞湖北補用知縣熊寶廣東補用知縣保熊韜楊殿霖杜喬椿直隸試用知縣李庭江蘇試用知縣朱修瓊謝繼膏侯祖畚林獻楨安徽試用知縣尹宏慶馮兆昌河南試用知縣劉榮樞劉原芳王麟徵王國治豫河試用知縣周光第陝西試用知縣胡玉堂福建試用知縣游景周江西試用知縣呂學岱湖北試用知縣蘇鍾樹賴芳萬良銓馬文耀湖南試用知縣余維庚張楹四川試用知縣雷樹餘廣東試用知縣王渭陳恩沛魏希徵曾昭聲李仰高貴州試用知縣包維斗張積善福建試用鹽大使張紹寶廣東試用鹽大使方新兩廣試用鹽大使鄧嵩燾均堪以照例發往開復前甘肅候補知府裕璠准其開復原官仍發原省照

例用欽此○旨截取煩缺知府翰林院編修伍銓萃夏啟瑜翰林院檢討謝崇基俱著照例用欽此○諭旨此次驗看州縣事實列入最優等前井陘縣知縣卓異官阜城縣知縣離任景州知州直隸試用道謝鑑禮著以道員仍留原省儘先補用欽此十六日

旨歸化城副都統著三多署理欽此○諭旨達賴喇嘛到京後住錫普靜禪林著內務府理藩部會同預勘估計修理欽此十七日

旨軍機大臣奏浙江鹽運使王慶平具呈聲明原籍應否迴避據情代奏等語王慶平著毋庸迴避原籍欽此○旨瑞洵著仍發往軍臺効力贖罪餘依議欽此○上諭京師入夏以來雨澤稀少現在節近小滿農田待澤孔殷朕心實深寅盼允宜虔申祈禱本月二十一日派醇親王載灃敬謹前往 覺生寺恭代拈香 大高殿派禮親王世鐸敬謹恭代拈香

時應宮派員勒載潤 昭顯廟派員勒載洵 宣仁廟派員子溥倫 凝和廟派鎮國將軍載撲同於是日分詣拈香以迓甘霖而慰農望欽此十八日

諭旨郵傳部奏請改派湖南粵漢鐵路公司總理一摺奉錦山海關道朱恩絨著開缺賞給四品卿銜余肇康著賞還原銜餘依議欽此○諭旨前吏部主事勞乃宣著於本月二十四日預備召見欽此○諭旨盛宣懷奏創辦萍鄉煤礦道員積勞病故懇恩優卹一摺已故二品頂戴湖北候補道張贊宸加恩著照軍營立功後積勞病故例從優議卹欽此○上諭王士珍現在丁憂江北提督著徐紹楨暫行署理欽此○上諭奉天奉錦山海關道員缺著周長齡補授欽此十九日旨伊克昭盟盟長等缺既經奏准派署乃該部據呈率行奏請簡放未經詳細聲明實屬不合所有辦理此案之堂司各官均著交部議處前次圈出盟長副盟長之案著一併撤銷仍遵此次諭旨辦理欽此二十日

諭旨

四十五

戊申

上諭此次驗看之廷試游學畢業生進士章宗元程明超均著授爲翰林院編修陸夢熊王建祖均著授爲翰林院檢討
稽本孫著改爲翰林院庶吉士熊崇志著以主事按照所學科目分部補用舉人高紳錢應清施時本孫海環邱中書均
著以主事按照所學科目分部補用廖世繪王季點沈鈞鄭彙葉基楮屠師韓羅會坦易恩侯梁志宸均著以內閣中書
補用黎適秦岱源陸家薰黃立猷陳耀西鄧振瀛陳威胡振平趙學均著以七品小京官按照所學科目分部補用顏蔭
慶著以知縣分省即用陳仲篋著以部司務分部即用郭鍾詔虞順德李應泌均著以部司務分部補用宋發祥著以知
縣分省試用郵傳部候補主事林蔚章著以本部主事即用內閣中書權量著仍以中書儘先補用分部主事周宏業著
按照所學科目分部補用分省試用知府張鴻藻分省同知屈德澤均著以本班分省補用欽此二十一日

旨翰林院侍讀著照方隆補授欽此二十三日

上諭陸寶忠奏假期已滿病仍未痊懇請開缺一摺都察院都御史陸寶忠著准其開缺欽此○上諭都察院都御史著
張英麟補授欽此○上諭五品卿銜吏部主事勞乃宜著以四品京堂候補在憲政編查館行走欽此○上諭陝西巡警
道員缺著張嘉猷補授欽此○上諭馮汝駉奏查明屬員優劣分別舉劾一摺浙江杭州府知府卓孝復嚴州府知府錫
綸署台州府知府許鄧起樞署海甯州知州前署平湖縣知縣張懷信署錢塘縣知縣前署石門縣知縣伊象昂長興縣
知縣丁維晉署鄞縣知縣黃羨欽天台縣知縣杜光佑慈谿縣訓導關維震象山縣教諭丁謙既據該撫臚陳政績均著
傳旨嘉獎試用道周世巖舉止乖張聲名甚劣候補同知周延祚罔利取巧心術不端前署黃巖縣候補知州汪燭昏瞶
糊塗辦案草率前管帶錢江水師試用通判李濱營務廢弛縱勇擾民前署臨海縣試用知縣蕭邦愷遇事操切罔恤民
隱前署甯海縣試用同知江文光辦事任性不守正規前署孝豐縣候補知縣曾壽才具關背操守難信試用知縣占元

前辦釐卡侵公肥私大負委任試用知縣史致祥營私罔上物議沸騰試用知縣楊鴻藩素善鑽營聲名最劣臨海縣縣丞楊寶鑄縱差擾民臨海縣典史陳寶麟嗜好甚深均著一併革職試用道吳煒燠文理不通年力亦衰著以原品休致另片奏督帶湖州水陸巡防副將銜補用參將提標候補游擊張立德習氣甚深罔知振作管帶浙西內河水師第五隊候補都司高本亮所管防地屢出劫案併有缺額等弊均著卽行革職驅逐回籍不准投効各路軍營餘著照所議辦理

該部知道欽此 二十四日

旨左翼監督著烏珍去右翼監督著棍布札布去欽此○旨烏里雅蘇台將軍著堃補授欽此○旨廂黃旗漢軍都統著馬亮補授欽此○上諭理藩部左侍郎著達壽調補寶熙著補授學部右侍郎欽此 二十五日

上諭五月二十四日夏至大祀 地於方澤遣禮親王世鐸恭代行禮四從壇派錫霖英慈承蔭秀綸各分獻欽此○上諭禮部奏香紳鄉舉重逢懇恩施一摺前署貴州布政使糧儲兵備道黃元善早年登第曾任監司現屆該員總舉之年花甲適周洵屬藝林盛事加恩著賞給內閣學士銜以惠耆年欽此○旨廂白旗漢軍副都統著顧瑛補授欽此○旨廕生海續著以旗員用給事中員缺著陳鏞補授欽此○旨擬補內閣中書金葆楨關鼎勳唐古忒學助教桂溥月選起居注筆帖式銘保均著以准其補授截取內閣中書劉晉榮保舉四川補用知縣寶鳳陽均著以照例用實授北河同知陳汝鈞著以准其實授吏部學習主事張名振著以准其留部欽此○旨錫良電奏悉趙金鑑督率各營轉戰越日收復四陞洵屬異常奮勇趙金鑑著先賞給靖勇巴圖魯勇號以示優異尤爲出力各將弁准其查明奏請優獎並著錫良嚴飭趙金鑑等乘勢長驅克復孺酒以期與白金柱兩路會合早奏膚功現值溽暑伊邇滇邊煙瘴素惡士卒冒暑苦戰朝廷軫念時殷特頒發痧藥平安丹各三十匣回生第一仙丹十五匣由驛發交錫良分給各路軍營以資調護欽此

諭旨

四十七

戊申

諭旨

四十八

五月

二十六日

旨廂紅旗漢軍副都統著連魁補授欽此○旨溥綱著賞給副都統銜作為科布多參贊大臣照例馳驛前往欽此 二十七日

上諭前任都察院都御史陸寶忠謹慎持躬學問優裕由翰林入直南書房洊升卿貳迭掌文衡擢任都御史宣力有年克勤厥職前因患病准予開缺茲聞溘逝軫念殊深加恩著賞給陀羅經被派貝勒載濤帶領侍衛十員卽日前往奠醊照都御史例賜恤任內一切處分悉予開復應得恤典該衙門查例具奏伊子農工商部主事陸大坊著以員外郎補用欽此三十日

商務印書館歷史書目

專史	教科書	戰史	傳記
<p>埃及近世史 每册四角五分</p> <p>俄羅斯史 三編 每册四角</p> <p>俄羅斯史 一編 每册五角</p> <p>俄羅斯史 二編 每册五角</p> <p>日耳曼史 每册五角</p> <p>法蘭西史 每册五角</p> <p>羅馬史 每册五角</p> <p>希臘史 每册五角</p>	<p>最新初等中國歷史教科書 二册 每册一角五分</p> <p>普通新歷史 一册 一角二分</p> <p>簡易歷史課本 一册 一角</p> <p>國史初級教科書 一册 三角</p> <p>最新初等中國歷史教科書 四册 第一二册每册一角五分 第三四册每册一角</p> <p>小學中國歷史教科書 二册 一元</p> <p>中學新體中國歷史教科書 二册 八角</p> <p>夏曾佑中國歷史教科書第一二三册 每册五角</p> <p>高等東洋歷史教科書 二册 每册一角五分</p> <p>高等西洋歷史教科書 二册 每册五角</p> <p>小學西洋歷史教科書 二册 每册五角</p> <p>亞美利加洲通史 二册 每部七角五分</p> <p>中學萬國史綱 洋裝一册 每册一元</p>	<p>歐洲新近政史上編 每册八角</p> <p>歐洲新近政史上編 每册八角</p> <p>歐洲最近政治史 每册五角</p> <p>世界文明史 每册六角</p> <p>泰西民族文明史 每册三角五分</p>	<p>東亞西洋倫理學史 每册六角</p> <p>支那教育史 每册四角</p> <p>日本明治學制沿革史 每部五元</p> <p>泰西學案 每册八角</p> <p>日本近世豪傑小史 每册五角</p> <p>拿破崙傳 每册四角</p> <p>克萊武傳 每册三角</p> <p>納爾遜傳 每册三角</p> <p>關地名入傳 每册一角五分</p> <p>義大利獨立戰史 每册四角</p> <p>法國革命戰史 每册四角</p> <p>普奧戰史 每册五角</p> <p>美國獨立戰史 每册四角</p> <p>尼羅海戰史 每册二角五分</p> <p>飛騰賓獨立戰史 每册三角</p> <p>日俄戰紀全書 全書洋裝五巨册 每部五元 零售三十册 每册二角五分</p>

上海商務印書館發行

商務印書館發行
實用幾何初步

幾何之理即事物而具
然尋常理論之書於應用
或多從略是書則皆就實
事實物一一指點

第一編測直線之長
第二編測直線所圍之面積
第三編測平面及直線所圍之立體
第四編測曲線之長
第五編測曲線所圍之面積
第六編測平面及曲面所圍之立體
第七編測圓面所圍之立體
第八編畫幾何圖形
第九編陸地測量并製圖法

繪圖立說無不生面別開
在幾何書中可謂別具一
格以此示初學領悟既易
趣味尤多

洋裝一册 * 不日出版

第一百十三號

初等小學國文教科書及教授法

學部審定之評語如下

編輯者高鳳謙張元濟蔣維喬莊俞

教科書○文辭淺易條段顯明圖畫美富板本得中
章句之長短生字之多少皆與學年相稱事實則取
兒童易知者景物則預計學期應有者並將一切器
物名稱均附入圖中使雅俗兩得其當皆此書之特
長也●定價第一册一角五分第二至第十各二角
教授法○與初等小學國文教科書相為表裏書中
取五段教授法之意分為三段教授曰預備曰教授
次序曰運用兼列要旨參考習問凡誦讀習字作文
談話諸法均略具其中小學教員用商務館國文教
科書必不可少此書也●定價第一册四角第二至
第五各三角第六三角五分第七至第十各四角

發行者上海商務印書館

第一百十六號

內務

論編制法典之要素 錄戊申三月二十一日津報

自倍根倡編制成文法典之議。繼起者若英之邊沁。德之提巴。莫不鼓吹成文。爲一國之大經大法。其後法律學家。多主張不文主義。相率反對其說。謂成文法典猶結晶體。光芒燦爛。外觀有耀。而其內容實無生育發達之活力。意謂成文法典。不若不文者之有活力。可以隨時變通也。雖然。不文之國。一切法律關係。多遵慣習。及判決例而行。不必規定成文。勒爲成法。時或頒布單行法。及附屬單行法之特別法規。未嘗不切於用。然歐洲大陸。僅英爲不文之國。他國俱屬成文者。何也。蓋一國有一國之性質。立法未能從同。而不文國之程度。又由於國民政治經驗。法律知識發達。最早習慣。自然而未易一蹴而幾也。中國幅員廣大。戶口殷繁。風俗不齊。民情不一。交通之機關未備。公共之道德未隆。四方各自爲風氣。安能遵一隅慣習。用以判全部是非。況胥吏舞文弄法。是其慣技。若用不文主義。益得上下其手。出入從心。流弊不可究詰。故中國欲進於法治。非亟編制成文法典。定百年之大計。不足使全國有整齊畫一之觀也。近頃朝廷勵精圖治。百度維新。先後飭設法律館及憲政編查館。參

內務

論編制法典之要素

二百六十九

戊申

酌各國法規。揆合本國性質。編制一切法典。實已見於成文法典之必要。舍此無由冀預備立憲之始基也。獨是編制之要素。最宜注意者有四。

(甲)顯明。顯明就文詞言。法文艱深晦澀。非普通人民所能解。甚且不顧本國之習慣。濫用他國之名詞。同一辦理之法。也不言辦理而言手續。以爲新同一增減之數。也不稱增減而稱異動。以立異是謂不顯。是謂不明。若夫引用列國法文。圖吞棗鉤。格磔不可卒讀。更無論矣。夫古代文化未開。立法者恆以奧義深文爲愚民之具。今文明各國務爲開通民智。使上下皆守法律範圍。不顯不明之文詞。所深惡而痛絕也。故編制法典。第一在乎顯明。以人人能解爲要素。

(乙)正確。正確亦以文詞言。倍根有言。法律之最高品格。在乎正確。正確者。措詞恰當。確切不移。所謂懸諸國門。不能易一字者也。故法典之文詞。必須幾經磋商。詳加討論。使有正當之的解。而無一毫之假借。方不愧經邦大典。非然者。糝糊影響。非特易啟誤會。且遇鍛鍊周內者。將藉一字之出入。顛倒全體。之是非爲害甚烈。若夫探列國民事訴訟之法。而不酌劑盈虛。則不合國民生活之程度。用列國刑事裁判之法。而不分別損益。則不合社會歷史之習慣。何有於正。何有於確。故採仿各國之法制。當揆合本國之性質。非自調查入手。不爲

功。

(丙) 槩括。槩括就意義言。蓋法律以適於社會之需要爲目的。但社會情況隨時變遷。有非立法之初所及料者。則必槩括於法義之中。以容法律家解釋之地。並以供裁判官伸縮之用。法學家所謂良法必有彈力性者是也。即如法國拿破崙法典。距今百餘年。其時並無電車。今法國公堂遇有電車案件。猶可藉法典以判斷。無他。以其法義精妙。足以槩括一切。早爲今日審判者留解釋之餘地。供其伸縮以濟用也。故立法尤貴乎槩括。

大抵法典者。維持秩序。保守安甯。上與國家之生存。下與社會之幸福。有莫大之關係。則於文詞意義。不得不慎重者。固其所也。然而論編制之法。則不可不注意者。尤有數端。請復申論如左。

(丁) 定本位。制法律必定本位。今將從義務本位乎。抑或取權利本位乎。夫以義務爲本位。則對於保障人民之權利。法或失之不足。實不若以權利爲本位。而對於擔任人民之義務。法仍兩持其平。此大較也。方今世界法律。多取權利本位之說。故國家重視其人民。人民尊愛其國家。上下皆範圍於法律之中。權利義務交相得。即交相勉也。然則編制法典。應以權利爲本位。殆無疑義。

(戊)定原則。法典以總則爲最要。蓋立法雖極細密。萬不能取社會未來之狀況。及所起法律之關係。無大無小。無遠無近。悉規定於條文之中。故名法家之立法。必先求共通之原理。立爲總則。而後綱舉目張。言近指遠。即遇有罪案。爲條文所不明。亦可按原則判定。是以比國法學名家普蘭斯有言。犯罪者。非謂其刑法條文實犯產出法典條文之大原則也。即如竊盜者。無論其所犯事實。曾否爲條文規定。皆可比例以定罪名。以其罪。即爲條文所無。而實犯不可竊盜之大原則也。故立法最宜注意於原則。揭明原則。定立總綱。乃成最良之法律。

(己)定範圍。一法有一法之範圍。一事有一事之範圍。日本法學家穗積氏嘗言。一切法律不應盡入法典。故範圍宜先畫定。如關於軍人之刑罰。應別爲軍法。而不必編制刑法。法典之中。關於商事之訴訟。應別爲商法。而不必編制民法。法典之中。他如農工森林航海及一切特別規定之法。則無論限於一定地方。一定期限。或一種人民。一種事業。均不入法典。範圍即一切罰則。亦有不入刑法。法典者。如租稅罰則。當附屬於租稅。法郵電罰則。當附屬於郵電法。所謂附屬於單行法之法。規也。範圍定而秩序明。法治乃有進步。

(庚)定主法。主法與助法迥別。主法尙簡。助法求詳。主法提綱。助法明目。主法有固定。不

動之性助法以隨時俱進爲宗此性質之別也然尤宜辨者主法成獨立之體裁助法則以主法爲準則不得相背而馳例如憲法民法刑法行政法皆爲主法而議院選舉之助法必以憲法爲準則民刑訴訟之助法必以民法刑法爲準則行政裁判之助法必以行政法爲準則如此則綱以包舉諸目目無抵牾於綱脈絡乃貫通焉

總而論之國家之編制法典所以爲人民之保障促社會之進步者也故編制之要素尤在適於社會之需要雖然社會者瞬息變遷之有機體也法律者固定靜止之無機體也故法律之實質對於社會之現象二者日趨於離而其所離之度有廣狹卽爲社會幸福之多寡所由判蓋立法者縱極周密萬不能日久年深常合社會之需要斯亦無可如何者也然當編制之初雖採他國之法制必度本國之性質以求適合社會之習慣是爲第一要著及行之既久與社會漸離則又必設法改良填其缺點然後國家之法律乃可永供社會之需要焉

會議政務處等會奏議覆署河南提學使孔奏請考設視學官及新設佐治各員概免迴避摺

本年六月二十四日准軍機處鈔交署河南提學使孔祥霖奏考設視學官普興教育一

內務

會議政務處等會奏議覆署河南提學使孔祥霖請考設視學官及新設佐治各員概免迴避摺

二百七十三

戊申

內務

會議政務處等會奏請置河南提學使孔奕齋考設視學官及新設佐治各員概免通避摺

二百七十四

五月

摺奉 硃批會議政務處學部議奏欽此原奏內稱視學官既非額缺又乏薪俸往往濫竽充數奉行不力今擬普設視學一官以各省高等學堂豫科及中學堂畢業生爲合格現任候補教職亦准與考但須於教育行政及教授管理法實有心得者一體選錄所有考取委用詳細章程請 飭速議頒行等語臣等查光緒三十二年四月二十日學部奏定各省學務官制清單本有提學使下設省視學六人各廳州縣勸學所設縣視學一人兼充學務總董選本地紳衿品行端方曾經出洋游歷或曾習師範者由提學使札派委任給以七品虛銜一條又勸學所章程選舉職員一條亦稱總董由縣視學兼充薪水公費多寡各就本地情形酌定是視學一官雖未明言缺額而員數已定責成自專雖未明言俸章而品級既分薪水酌給近聞各省已有由督撫提學使選擇札派之處大都國文通暢科學諳習及曾充管理員教員之人辦理尙無不合今該署提學使奏請專以高等學堂豫科及中學堂畢業生爲合格及兼用現任候選教職亦係慎重學務起見惟現在各省高等學堂中學堂學生已經咨報畢業者尙少恐仍不敷分派至各省教職人員人品亦頗不一若僅以考爲憑或多遷就調劑之弊不如暫由各省提學使慎選無論士紳爲教官爲學生但查明實係品學俱優熱心教育者均准札派委用將來學堂畢業人數漸多再由憲政編查館會同學

部另訂考試視學官專章奏請 通飭遵行又該署提學使孔祥霖請將新設佐治各員概免迴避一片奉 硃批會議政務處吏部議奏欽此原片內稱新設佐治各員概免迴避本籍視學員勸業員尤宜專用土紳其或參用外省人員必實係人地熟習言語相通乃能裨益地方等語本年訂臣等會奏續訂直省官制通則本有視學勸業兩員并可參用本地士紳由州縣採訪輿論舉其賢能端正者一律詳請與考委用一條又同時奏准將各省畢業學生先以鄉官考試任用摺內稱由州縣官於中等學堂以上學生採訪輿論舉其人品端正者先試以國文再試以地方應辦之事以驗其學問才具由鄉官漸擢至佐治各員以至州縣以上本無迴避本籍之說今該署提學使復以佐治各員概免迴避本籍爲請臣等再四商榷應請將嗣後添設之佐治各員除視學勸業兩員准由州縣官採訪輿論參用本地士紳外其餘各員雖不必限制省分仍應一律迴避本府庶於爲地擇人之中仍示慎防流弊之意謹 奏奉 旨依議欽此

會議政務處奏議覆熱河都統廷奏新開蒙旗地方添設州縣摺

光緒三十三年十二月二十一日准軍機處鈔交熱河都統廷杰奏新開蒙旗各地方亟應添設州縣等缺一摺奉 硃批會議政務處議奏欽此竊維熱河形勢控制邊疆拱衛

內 務

會議政務處奏議覆熱河都統廷奏新開蒙旗地方添設州縣摺

二百七十五

戊申

畿輔所屬蒙旗地面極爲遼廓從前以游牧之地事簡人稀設官無幾迨光緒二十九年
前都統錫良卽以熱河州縣轄治動輒數百里非添官不能兼顧等情奏添一府兩縣近則墾
務日闢旗務日繁蒙漢雜居尤應酌增員缺以資治理原奏謂赤峯一縣兼轄翁牛特等九
旗內阿魯科爾沁東西札魯特以及巴林左右翼等旗又皆散處於潢河以北及阜新縣屬
之小庫倫一旗毗連錦義爲馬賊游匪出沒之區距該縣治四百餘里均屬鞭長莫及各等
語既經該都統審度形勢妥籌布置自係因地制宜應卽准其於阿魯科爾沁東西札魯特
三旗地方添置一縣曰開魯縣於巴林左翼地方添置一縣名之曰林西縣而以原有之赤
峯縣升爲赤峯直隸州知州以兼轄新設兩縣其原設赤峯縣典史改爲州吏目以符體制
并准其於小庫倫所屬庫街地方建立一縣益之以奈曼一旗名之曰綏東縣仍歸朝陽府
統轄其東土默特喀爾喀二旗則仍隸阜新縣管理以便鎮攝而分權限至所稱建置伊始
當爲根本改新之圖屏去繁文講求新治及遴選委員分別試辦試署各節係屬便事核實
起見並請 飭下該都統等遵照所擬認真經理此外如應設佐治各缺及畫分地段後
之詳細圖冊慎揀委員後之廉俸印信并建葺衙署一切未盡事宜統由該都統會同署直
隸總督妥爲籌畫隨時奏咨辦理庶幾款不虛糜而事皆實踐謹 奏奉 旨依議欽此

外務部奏覆陳籌議禁煙與各國商定辦法摺

光緒三十二年十月初六日准軍機處鈔交本日會議政務處奏籌擬禁煙章程摺單一件奉旨依議欽此欽遵到部查原奏清單第十條內開洋藥來自外洋事關交涉應由外務部與英國使臣妥商辦法總期洋藥與土藥逐年遞減屆期同時禁絕又印度洋藥而外尚有由波斯安南南洋和屬輸入中國者亦屬不少如係有約之國可商諸該國使臣一體嚴禁如係無約之國可施行我國自治法權嚴禁進口並由各將軍都統督撫等督飭所屬暨稅務司於各該省水陸邊界設法稽查以杜走漏闖越又查有嗎啡一名莫啡鴉及刺入肌膚之嗎啡鍼其損體傷生較之鴉片尤甚應查照中英續議通商行船條約第十一款中美續議通商行船條約第十六款切實申明分飭各稅關如查有不因醫治使用販運來華者一概不准進口並嚴禁中國舖戶無論華人洋人均不准製煉嗎啡及製造此項之鍼以期弊絕風清等語當由臣部商擬辦法六條一洋藥分年遞減以五年內進口總數折中定額自一千九百七年以後年減一成十年淨盡一印度之嘎里古達爲洋藥總匯之地由中國派員前往監視拍賣打包得知發運洋藥實數一土藥稅每擔現已加抽至一百十五兩洋藥力量倍於土藥而原有之釐稅併徵祇一百十兩應照原定之稅數加倍徵收以徵爲

內 務

外務部奏覆陳籌議禁煙與各國商定辦法摺

二百七十七

戊申

禁一香港爲洋藥熬膏之地應由港督協助嚴禁煙膏不得運入中國境內一租界內煙店
煙館及各吸煙之所并各行店售賣煙具其清查籌禁之法照中國地方官辦法一律辦理
一嗎啡及嗎啡鍼之害設法禁止已載在中英中美新約惟須有約各國應允照行方可舉
辦現擬即時舉辦切實施行繕具節略面交英國駐京使臣請其轉達英國政府上年該使
臣迭與臣等晤商往來文牘議定第一節印度洋藥以運往各國之全數爲限制以印度出
口五萬一千箱之數爲定額按年遞減五千一百箱自一千九百零八年爲實行之始十年
減盡第二節派員前往印度之嘎里古達監視拍賣打包申明該員祇查發運洋藥實數並
不干預他權第三節洋藥稅釐徵收加倍以土藥統捐及土藥價值非一時所能調查明確
所有加徵稅釐之議稍緩續商第四節香港所熬之煙膏禁止運入中國境內兩國各行設
法自防在本境私人之弊聲明港膏禁止出口入華并禁止煙膏由華入港之貿易第五節
各口岸租界內禁止煙館及吸煙處所并不得售賣煙具如華官在各項租界外實行照辦
各該處工部局不俟華官之請自行設法辦理第六節禁止任便運入嗎啡及嗎啡鍼一俟
有約各國全允即應照行經英國政府應允由該使臣照覆臣部在案至洋藥有從越南及
南洋各島運入者經臣部照會法國和國駐京使臣協助嚴禁查澳門亦爲洋藥轉運之地

又爲洋藥熬膏之區并經臣部照會葡國駐京使臣分行申禁各在案惟波斯爲無約之國得可自行設法限制洋藥進口已由臣部咨行稅務處轉飭總稅務司籌擬辦法其嗎啡及嗎啡鍼禁止任便運華本先於光緒三十二年三月間通行照會各國陸續准各該使臣照覆多已應允祇有日本尙未照覆計此事關係善舉諒亦無不贊成此臣部與各國商議禁煙辦法之情形也竊維禁煙一事原屬美舉各國本有同情而印度爲洋藥所從出之區經臣部與英國駐京使臣籌商報告政府即允爲竭力相助決議印度出口之洋藥自一千九百零八年正月起爲實行減遞運數之期是英國之有意協助禁煙足徵睦誼惟曾經聲明試行三年視中國於栽種及吸食實行減少限滿再行遞減等語是於減種土藥一端必須自行切實辦理并如何嚴禁煙館之開設與煙具之售賣務須認真查辦使吸食者日形減少方可以對待外人查西歷一千九百八年之正月爲中歷三十三年之十二月自彼時起在印度之洋藥業已減運來華轉瞬三年即爲限滿所有英國聲明各節全視中國之能否切實施行機不可失而事無可緩臣等公同商酌擬請 飭下民政部度支部速行會訂稽核章程通頒直省責成各該督撫實力奉行其府廳州縣卽以此爲考成不得玩誤因循空言搪塞庶期沈痼可去而大害以除足鼓國人振拔之新機并足副各國贊成之美意謹

內 務

外務部奏覆陳壽謙禁煙與各國商定辦法摺

二百七十九

戊申

奏 奉 硃 批 另 有 旨 欽 此

外 務 部 奏 議 覆 東 省 添 設 交 涉 道 缺 摺

光緒三十三年十二月十三日准軍機處鈔交署理北洋大臣直隸總督楊士驥署山東巡撫吳廷斌會奏東省酌設辦理洋務商稅專員一摺奉 硃批該部議奏欽此欽遵到部查原奏稱東省洋務日趨繁重不但威海膠澳交涉緊要此外凡有商埠路礦教堂之處無不關係全省大局必須設有專員妥慎經理擬請酌量設缺援照奉天添設交涉司成案添設山東全省交涉道兼兵備道銜責成該道辦理全省洋務兼監督濟南周村濰縣三商埠事宜并擬在濟南設關在周濰兩處添設分關專抽火車所運貨物稅捐其關道即以奏設之交涉道兼充所收稅捐留撥三商埠常年經費該道應領廉俸公費暨本署應支各款擬請從優核給再聲明該道俟奏准設缺後遴選熟習本省洋務人員先行奏補一次以後再按照各海關章程辦理等語臣等查東省洋務近來益行繁重原屬實在情形署北洋大臣等擬請添設辦理交涉道員自係因時制宜起見惟以道員管理山東全省交涉事務則該省原有登萊青道監督東海關向來管理該地方交涉事宜於權限殊有未清若歸其統轄於體制亦有未合如援照奉天添設交涉司成案議設交涉司則職權又未免過大臣等公

同商酌署北洋大臣等所請添設東省交涉專員之處應暫緩置議俟改定外官官制一律實行後再行照辦該省洋務緊要原設有洋務局應暫行責成該局員隨時稟承該撫臣辦理所有濟南周村濰縣三商埠監督并議仍照向章由濟東泰武臨道兼充以免紛更而重責任至設關徵稅一節查該處洋貨悉由膠州進口業經該關徵稅後已無可重徵祇該處土貨出口得有應徵稅項但係出洋貨物則膠關自必按照稅則徵收似於稅項尙無關係且一經設關常年經費浩繁稅項所入恐亦未必能抵所出當該三商埠初開時原奏明暫不設關徵稅以廣招徠現在各該埠商務亦尙未見興旺并議仍暫緩設關徵稅應隨後體察地方情形再行斟酌辦理其辦公經費如何核給補缺章程如何核定現既緩設交涉專員所請應毋庸議謹 奏奉 硃批依議欽此

吏部奏議覆御史葉芾棠奏請限制應補知縣選班摺

本年七月十三日准軍機處片交本日御史葉芾棠奏服滿知縣選班太優各班輪選無期亟宜設法疏通一摺奉 旨吏部議奏欽此欽遵鈔交到部原奏內稱吏部銓政原分期月單月而單月知縣一項除散館年分攤擠外平時插班祇有 特旨卓異各項不過三四年即可一周自海防鄭工開捐遇缺先鄭工先海防即每班插入遂以五缺爲一小輪

內 務

吏部奏議覆御史葉芾棠奏請限制應補知縣選班摺

二百八十一

戊申

其大輪知縣非六七百缺不能一周以每年部中得缺七八十計單月祇得三四十缺非二十年不得一輪其丁憂服滿人員向歸應補班大輪選用二十年前部臣破格改章爲改五缺後准插一名已視各班爲優然尙未占盡各班選額癸卯夏間吏部忽又改章服滿知縣單月遇缺儘選於是各班靜候有數月而不得一缺者迄今五年大輪正班所選無幾單月之缺不啻全歸服滿人員而大輪各項知縣非五六十不能一周未免過於偏枯擬請

飭下吏部將銓政秉公酌裁丁憂人員以禮去官固當量爲體恤而單月選缺各班知縣過於擁擠亦宜設法疏通以昭公允等語臣等查應補知縣新章儘數選用致單月各缺盡爲所佔誠有如該御史所云者惟受病之源不在應補而在新舊例大花樣人員何以言之自捐例迭開每五缺均先用各例遇缺先四人始用各項一人其捐納之小花樣及勞績所保各名目復照正班額數先後插選於是單月知縣定例二十六缺一周者遞廣至五六百缺而猶未已而坐補即用數缺等項諸不入輪次之內者按月多寡尤難懸定臣部前以應補一項曾任實缺與他項人員不同其先祇於五六百缺中輪選四缺其後亦祇於每缺用過五人後插選一人較之初任之遇缺先人員雙單月均得先用者終有善壤之別故輾轉定爲今制不獨體恤以禮去官人員亦所以抵制遇缺先也惟是應補人員各有原省即各

有先儘請補之望乃近年此項人員起復後並不呈請分發甚至十餘年前丁憂之員亦皆紛紛赴部候選其數既漫無底止又遇缺先既爲應補所壓則各項到班愈更無期皆係自然相因之勢今欲限制應補先當限制遇缺先既限制遇缺先則各項插班花樣名目亦當酌加刪併而後正班人員始有實際尤有進者單月之輪次既改則雙月亦不容獨仍舊貫此外道府同通直隸州散州知州等官皆須另定辦法而後足以昭畫一臣等自改訂官制以來先已督飭司員逐一編纂粗具梗概徒以事體重大繕表列說尙非旦夕所能蒞事既據御史葉芾棠奏請將應補知縣 飭下臣部秉公酌裁擬請自明年光緒三十四年正月起改爲三缺一小輪以一應補一遇缺先一各項相間輪用俟遇缺先用竣後卽統以應補人員抵補其各項大輪如何刪併之處容與雙月選法隨後另摺具奏如此先定大綱應補知縣暫時雖似減額日久仍占優數於體恤此項人員之意亦可不悖至該御史所稱各省丁憂縣缺雙單月並出亦宜雙單月並用等語是則意在限制應補轉不啻愈無限制自應毋庸置議謹 奏奉 旨依議欽此

吏部奏擬改雙月並雙單月知縣選輪摺附片三件

竊臣部於上年十一月二十二日議覆御史葉芾棠奏請釐定應補疏通各項知縣選班案

內 務

吏部奏擬改雙月並雙單月知縣選輪摺

二百八十三

戊申

內務

吏部奏擬改雙月並雙月知縣選補摺

二百八十四

五月

內聲明限制應補當先限制遇缺先擬自光緒三十四年正月起將單月知縣一項改爲三缺一小輪以一應補一遇缺先一各項相間輪用等因又查光緒三十二年十月二十六日臣部議覆御史徐定超請變通遇缺先選法案內奏明州縣佐雜遇缺先到班時先用正途及曾任應升者二人再用各項出身者一人等因先後奉 旨依議欽此均欽遵辦理在案本年正月分議選知縣各缺各項固大爲疏通即遇缺先坐得三缺一到班亦因之加速是此項人員在單月已占優數矣至雙月並無應補歷選計十缺且占其七臣等先以事例之行已數十年未便於在後之員獨加歧視併議更張惟查現在正途出身之遇缺先已將次用竣勢須專用異途若僅限制單月而不限制雙月亦與三十二年奏准變通之意未合竊思正途莫先於進士而進士截取知縣率十餘年到班一次其在新科進士入館肄業一經考列中等即得比照散館班次儘數選用即 廷試授職知縣之舉貢但在到省後下月所出之缺亦均得不論煩簡聽該督撫酌量題補獨此科分在前之員或先經歸班或由京職改就其中豈無績學轉以限於舊例不能及時自効揆諸事理本欠持平臣等公同商酌近年捐保兩途屢煩 聖明致意而地方自治及學生收效均尙待他年是今日仕途與其多用一俊監實不如多用一科甲或尙收拔十得五之效應請將雙月知縣從本月

二起除坐補卽用及數缺人員不計外亦改爲三缺一周卽以一進士一遇缺先一各項相間輪用俟嗣後進士用竣再酌量奏明以截取揀選舉人接選如此則正途之氣日伸卽遇缺先人員亦必爭自濯磨以無負朝廷曲成不遺之意而雙單月選法亦同爲整齊畫一此外道府同通直隸州知州散州各官均應以次類推不論雙單月每到班時均先用遇缺先一人次用各項一人相間輪用其各項中應裁應併之處并佐雜鹽務等官班次仍俟分別釐定後再行另摺具奏謹奏奉旨依議欽此

再查向例知縣雙月用進士五人繙譯進士一人新進士二人單月用進士四人繙譯進士一人新進士二人其由部屬中書改就知縣者仍歸進士原班銓選由散館部屬改就知縣者歸於進士一班之後儘數選用又新章進士知縣雙月到班捐納進士先勞績進士先勞績進士後各班插用五人後各接用正班五人單月到班捐納進士先勞績進士先勞績進士後各班插用四人後各接用正班四人歷經遵辦在案現在雙月知縣旣請以進士與單月應補對待計進士三缺得一與從前定有額數者不同應請將原定新增各項進士知縣本班查銷繙譯進士卽歸併滿漢文進士班內一律辦理其選用次序應以散館部屬改就者爲第一項榜下欽點部屬中書改就者爲第二項奉旨歸部銓選者爲第三項

內務

吏部奏擬改雙月進士單月知縣選舉

二百八十五

戊申

丙 務

吏部奏擬改雙月進士單月知縣選舉摺

二百八十六

五月

均按科分甲第名次。每項各選一人。周而復始。如已捐有本班。先暨勞績保有本班。先本。班後。花樣人員。將來到部。仍照章按各該員捐案。卯次暨保舉奉。旨日期。各於本項先後。插用一人。俟再用本項時。再先後各插用一人。並請將單月進士各班一律停止。銓選。以免。偏重。其新進士一項。近年久無其人。除本年正月分業經照例將舉人抵選。新進士一缺。下次應再儘舉人抵一缺。外。以後即與雙月新進士名目一併刪除。其餘各項輪用。班次單月。用至拔貢主事。改就人員。雙月用至特用舉班。後人員。仍應跟接辦理。至庶吉士散館。欽用知縣。并學部奏准。比照散館班次。選用之員。仍照例章歸於即用班內。不積進士之缺。統俟奉。旨後。通行各衙門。各省一體遵照。謹奏奉。旨依議。欽此。

再應補知縣。既與遇缺。先各項相間輪用。所有知縣以上。道府同通直隸州暨散州知州。服滿赴部候選者。未便兩歧。應請嗣後。均照知縣一律辦理。至服滿改指他省候補人員。前經河南巡撫陳夔龍論奏。臣部業已定有限制。奏明在案。其仍回原省人員。本係以禮去官。且為該省熟手。自應仍照京員收缺之例。先儘補用。以示區別。謹奏奉。旨依議。欽此。

再查定例。私罪降革後。經開復捐復。如本係補用委用試用人員。准其分發省分。仍歸各原班。補用本係實缺人員。俱令赴部候選。其有報捐分發者。始准分發。以上無論簽分捐分。均

不准仍回原省暨銓選原省之缺公罪開復捐復雖原省不在限制之列惟實缺銓選分發之例亦同現在選班壅滯開復班到班極難而官員望誤離任後又多無力報捐分發轉不如先未得缺人員雖係私罪一經還職便可赴省自効揆之情法未免牴牾擬請嗣後實缺捐復暨另案開復人員照補用委用試用人員例准其一體分發俱歸入候補班內由該督撫酌量補用仍先查明公私罪分別配簽願歸部選者聽係公罪願捐指原省者亦聽其本案開復人員並准逕發原省照錢糧開復之例辦理如蒙 兪允嗣後此項引 見驗放人員臣部即照此分別擬 旨謹 奏奉 旨依議欽此

吏部奏擬定驗看最優等州縣選用班次並准接連選用片

再查定章道府至州縣等官如先經捐納復保薦奉 旨以原官選用及以原官即選之員均歸於雙單月各積各缺俟各項輪用班次用過五人之後選用一人其同班人員並不得接連選用等語本年十二月十一日准軍機處片交軍機大臣面奉 諭旨此次驗看州縣事實列入最優等之選用道員選用知府在任候補直隸州知州江蘇銅山縣知縣李普潤著在任以道員儘先選用欽此臣等查道員本非知縣應升之階此次李普潤以捐納雙月候選道蒙 恩給予儘先選用字樣核與明保人員先經捐納奉 旨以原官

內務

吏部奏擬定驗看最優等州縣選用班次並准接連選用片

二百八十七

戊申

內 務

民政部奏酌定各省土地報告表式摺

二百八十八

五月

即選者情事相等惟明保不必有事實而最優等係得諸考驗若不量加區別亦不足以勵將來臣等公同商酌擬請嗣後此項人員無論捐保道員暨捐保知府但奉旨以原官即選或儘先選用者均歸於不論雙單月是否積缺一併計算五缺之後選用一人不積各項班次之缺到班時除坐補即用截取人員仍先儘銓選外如輪用此項人員應無論同班若干員並准其接連選用以示優異而昭畫一謹奏奉旨依議欽此

民政部奏酌定各省土地報告表式摺

竊維夏書分九土之區詳徵物產外史掌四方之志備載險夷自封建變爲郡縣數千年來地勢變遷初無一定若欲詳加考察自非分類列表不能綱舉而目張臣部於本年訂二月間曾經具奏調取京外各處圖志奉旨允准業已通咨京外各衙門遵照在案旋據陸續咨送者已有數省臣等詳加覈閱內有租界商埠鐵路礦山等項圖說尙屬詳明其餘方輿圖志按之各省現在形勢大率未能盡合且東三省新疆暨山陝邊外等處或係行省初設或係蒙盟牧場從前本未有志書則更無從咨送臣等伏維推行民政在在與地面有重要之關繫若地勢未能明瞭則措置必至失宜謹悉心籌畫酌定土地報部表式以州縣於地面係屬直接而全國實爲州縣之所積故表之首格即冠以州縣之名次藩屬次沿革次

治所次疆界次經緯度次土壤次鄉鎮次山川次道路次區域次關隘凡疆理應有之職掌罔不依類附麗纖悉無遺謹恭繕表式進呈 御覽擬請 飭下各將軍督撫大臣督飭所屬州縣按照表中所列詳細查明依式填註其有藩屬土司等地附隸於府廳者即責成該府廳辦理俱限令於奉 旨後六箇月內詳由該管將軍督撫大臣咨報臣部以憑查覈方今欽奉 明詔預備立憲百端新政次第待舉則地方區域自必時有變更嗣後各州縣所管地面如有增析裁併之處務須隨時按照表式詳晰填報每屆年終無論有無變更俱應詳報一次以便彙覈臣部應隨時斟酌情形派員前往調查如有實力奉行考查詳確或虛應故事所報不符即由臣部酌覈會同該管上司分別勸懲以免視為具文致多疏漏臣部爲鄭重土疆起見應俟各處報齊後派員詳覈編輯不特地域廣輪之數按籍可稽卽風俗形勢之各殊亦得以各因所宜敷布政教實於民政不無裨益謹 奏奉 旨依議欽此

民政部奏各省查報民數宜籌切實辦法摺

竊查臣部接收度支部移交案內開乾隆四十年十月緣各省奏報滋生戶口相沿積習率多量爲加增欽奉 上諭各省督撫等嚴飭所屬嗣後務須查明實在民數具奏又乾

內務

民政部奏各省查報民數宜籌切實辦法摺

二百八十九

戊申

隆五十九年正月欽奉 上諭各省年終彙奏事件毋庸陸續具奏著於每年十月內截數咨報軍機處仍交部分別核議具奏等因欽此欽遵在案旋經該部陸續咨送各省造報光緒三十二年分民數清冊前來並稱尙未送到之各省應由臣部自行催取等語查此案前經臣部奏請清查京城戶籍復請詳查京城丁口及各省戶口先後奉 旨允准業由臣部頒發表式並行咨催去後至今尙多未能造報其已造報各省亦多未能照填表式辦理既非一律卽彙核亦等具文雖屢經前戶部奏請將延不造報之各該督撫照逾限例查參而各省敷衍因循已成習慣若不認真整頓力除舊習不特各省丁口終難知其確數卽形式亦不免參差臣等再四籌商與其循例奏報各省仍視爲故常縱令請 旨嚴催亦不過任意開造丁口若干希圖塞責卽如此次造報光緒三十二年分各省民數直隸之熱河承德府所屬奉天之新民洮南昌圖海龍各府所屬及吉林江南山東山西河南陝西新疆浙江江西湖北湖南四川貴州等省均已造報其黑龍江安徽江蘇福建甘肅廣東廣西雲南等省及直隸之保定奉天之錦州等府均未造送到部至安徽江蘇甘肅廣西雲南等省則並光緒三十一年分民數亦未補造在各督撫明知逾限不報例應查參而積習已深挽回非易不若就臣部接收伊始籌一切實辦法俾之簡而易行庶民皆樂從而官無煩

費擬請。飭下各省督撫責成各該府廳州縣分鄉分區自行調查其各鄉區實在丁口確數統以每年十二月底截算其自次年正月起所有生卒遷徙等事概歸下屆彙造以清界限該管地方官隨時申報督撫仍限每年十月送部彙奏以歸畫一倘再有逾限不報者應由臣部照例參處如蒙 俞允臣部即通行各省督撫均自本年爲始一體欽遵辦理其造送光緒三十二年分及補送三十一年分各省民數統俟三十三年分造送到部併案奏報合併陳明謹 奏奉 旨依議欽此

度支部奏議覆修訂法律大臣沈等奏變通旗民交產舊制摺

修訂法律大臣沈家本等奏變通旗民交產舊制一摺光緒三十三年十二月初七日奉

旨度支部議奏欽此欽遵由軍機處鈔交到部原奏內稱 大清律例戶律典買田宅門內有旗地旗房不准民人典賣及八旗人員置買各省產業勒限變價歸旗等二條與戶部則例旗民交產門內准旗戶民人互相買賣之例不符從前刑部例文大致照戶部則例添纂是爲舊制咸豐年間旗民准其交產故同治年間戶部修改則例遂添纂旗民交產各條當時刑部條例未及修改故彼此參差嗣光緒十五年戶部奏規復旗民不准交產舊制而則例未經修改故又不相符不准旗民交產固爲惠愛旗民起見然民間仍多私相授受

內務

度支部奏議覆修訂法律大臣沈等奏變通旗民交產舊制摺

二百九十一

戊申

終屬有名無實且刁猾之徒轉得藉例禁爲勒措之地貧乏者急不能擇更受挾制虧損彌多實於八旗生計初無裨益擬請嗣後旗人房地准與民人互相買賣悉照咸豐年間成案辦理所有戶部則例旗民交產門內各條仍一律遵用至旗人之出外居住營生者准其在各省隨便置買產業毋庸禁止舊時刑部例文二條應即刪除事關田賦請飭部核議施行等因臣等伏查旗民不准交產例禁綦嚴定例之初實爲惠愛旗民起見咸豐年間因私相典賣涉訟繁多量爲弛禁同治十二年臣部修改則例於是始增纂旗民交產各條其時刑部例文未及修改嗣光緒十五年臣部以開禁以來民人置買甚多旗產恐日見少奏請申明例禁又在案惟臣部則例僅同治十二年舊本光緒二十四年臣部奏請纂修則例編纂未集屬以庚子之變案卷殘缺先後咨由各省錄送舊案迄今未能成書是以臣部前請申明例禁雖經奏准在案實未入例此該大臣等所稱彼此參差之實在情形也現該大臣等以生理之源當令相濟相通始各有以自養請嗣後旗民房地准與民人互相買賣其外出居住營生者准其在各省置買產業戶部則例旗民交產各條仍一律遵用將舊時刑部例文二條刪除竊維張弛之道因時制宜況奉 明諭化除滿漢畛域亟應及時變通用昭一道同風之治至該大臣等稱規復舊制以後民間私相授受者仍多究屬有名無實且刁

猾之徒轉得藉例禁爲勒措之地貧乏者急不能擇更受挾制於八旗生計無益等語臣等詳加體察尤屬實情擬請照該大臣等所奏辦理除臣部則例旗民交產各條仍請一律違用外其舊時刑部例文二條卽請飭下修訂法律大臣刪除以歸一律謹奏奉旨依議欽此

度支部奏選看秀女事宜請劃歸民政部會同各旗內務府辦理片

再恭備 選看秀女事宜前經臣部奏明劃歸值年旗會同各該旗辦理茲准值年旗以京旗衙門凡咨行外省文件例應由部轉咨不准逕行專文且無專員專款奏請仍由度支部辦理等因咨行到部臣等查戶口等事已歸民政部職掌所有恭備 選看秀女事宜若仍由臣部辦理按之職掌實有未符應請劃歸民政部會同各該旗內務府辦理以昭慎重謹 奏奉 旨依議欽此

度支部奏原定則例比丁一條請劃歸民政部辦理片

再臣部原定則例內有比丁一條每屆三年奏請 飭下在京及 盛京江甯等省駐紮之滿洲蒙古漢軍都統將軍副都統城守尉等各傳行該管官員將滿蒙漢軍新舊投充三代細數按戶出具佐領驍騎校領催聯名圖結繕冊送部如有可疑不堪入比應由各該旗

內 務

度支部奏選看秀女事宜請劃歸民政部會同各旗內務府辦理片
度支部奏原定則例比丁一條請劃歸民政部辦理片

二百九十三

戊申

內 務

東三省總督徐等會奏吉省現辦邊務情形摺

二百九十四

五月

驗明確實卽行裁除現在清查戶口等事業經奏明劃歸民政部職掌所有比丁事宜應請一併劃歸民政部辦理以專責成謹 奏奉 旨依議欽此

東三省總督徐等會奏吉省現辦邊務情形摺

竊查本年丁八月間曾因吉省延吉廳地方邊務吃緊派令副都統銜現署琿春副都統陳昭常爲督辦陸軍協都統銜正參領吳祿貞爲幫辦並將該處當時情勢奏明在案嗣該員等陸續行抵該處體察情形隨時稟報並由臣等隨事與樞臣部臣籌商辦法一面督飭妥爲布置數月以來略有頭緒請爲 朝廷縷晰陳之查延吉廳設治爲時雖尙不久然長白山爲我 聖朝發祥之地史册昭然此山現在廳治境中其爲 國家版圖自無疑義向歸琿春協領管轄光緒十一年始設招墾分局十三年旋於和龍峪奏設通商總局於光霽峪設立分局兼理越墾事宜蓋從前韓國係我藩屬壤地相接居民往來本可畛域無分而所以設此局者一則使韓民有自由貿易之權一則使韓民有安土忘歸之樂近數年中時局變遷邊情亦因而小異然越墾之衆久已相安從前韓民既不願照韓國之請一律別還此時我自不能因係韓國之民稍存歧視該員等到後卽經奉宣 朝廷德意並恐其受我官民欺壓於韓民聚集之區皆各設一派辦處派委事務員在彼稽查彈壓訂定辦事章程俾

其·遵·守·韓·民·初·尙·不·免·爲·謠·言·所·惑·心·懷·疑·貳·近·見·我·國·實·行·保·護·處·置·和·平·已·無·不·鼓·舞·歡·欣·懷·歸·恐·後·日·內·竟·有·多·數·學·生·自·請·雍·髮·改·裝·願·歸·約·束·之·事·韓·民·之·感·情·如·此·則·我·之·所·以·籌·保·護·者·更·不·容·緩·該·廳·設·立·未·久·一·切·民·治·之·政·多·未·舉·行·現·擬·竭·力·籌·畫·先·從·清·理·戶·口·擴·張·警·察·入·手·而·繼·之·以·興·學·勸·農·諸·政·該·廳·既·多·越·墾·之·民·戶·籍·斷·難·稍·混·爲·我·民·者·皆·當·服·我·政·教·清·查·既·得·要·領·自·不·慮·其·猜·疑·巡·警·本·爲·保·衛·地·方·要·政·該·廳·原·設·巡·警·多·不·諳·警·察·學·問·且·地·廣·人·少·分·布·難·周·亟·應·責·成·該·廳·認·真·辦·理·至·於·興·學·勸·農·則·尤·三·省·邊·地·最·要·之·事·舊·有·吉·強·軍·一·營·在·彼·駐·紮·現·經·遵·照·陸·軍·部·章·程·逐·漸·改·編·巡·防·隊·惟·人·數·較·少·遇·有·剿·捕·等·事·尙·恐·不·敷·調·遣·亦·當·徐·加·整·頓·俾·益·完·密·以·上·所·陳·皆·現·在·籌·辦·延·吉·廳·邊·務·之·實·在·情·形·也·至·該·廳·所·屬·之·天·寶·山·一·帶·礦·產·森·林·最·爲·豐·美·該·處·會·經·前·將·軍·派·委·程·光·第·開·辦·銀·礦·嗣·以·資·本·虧·折·將·該·員·參·革·查·追·有·案·可·稽·是·該·員·早·已·離·差·與·此·礦·毫·不·相·涉·乃·該·員·因·辦·過·此·礦·知·其·有·利·可·圖·竟·爾·私·訂·合·同·招·工·開·採·經·陳·昭·常·等·到·彼·查·出·實·據·特·將·該·礦·封·禁·現·該·員·業·已·畏·罪·潛·逃·正·在·飭·拿·懲·辦·臣·等·伏·念·吉·省·沿·邊·礦·山·林·立·徒·以·官·家·辦·理·不·甚·經·意·遂·致·若·輩·從·而·生·心·若·不·及·早·自·圖·必·有·私·爲·放·棄·權·利·者·實·不·啻·授·人·以·柄·惟·有·一·面·嚴·行·禁·止·一·面·設·法·經·營·此·又·因·與·邊·務·重·有·關

內務

東三省邊務徐會榮吉省現辦邊務情形摺

二百九十五

戊申

係而不得不預爲防範者也總之現在籌辦邊務仍不過保守權利整頓地方至於越墾之民本與齊氓無異但使地方諸務措理得宜則吾民安而越墾之民亦無不俱安從前該廳以地面太大不免布置未能周密現有陳昭常等在彼事事考察督飭該廳遇事整頓或可漸圖治理臣等有保守疆土綏輯人民之責無論事機若何艱難惟當併力圖維隨機策應以期仰副我 朝廷慎重邊圉之至意謹 奏奉 硃批知道了欽此

各省內務彙誌

京師○吏部以生員考職新章錄取者准取具同鄉京官印結由部驗看分發各省試用第此項人員寒賤者多往返京師川資難措爰議准其捐免驗看由外省設局就近上兌並援照舊章准本籍起辦清白赴選文結以示體恤他項捐納人員不得援以爲例聞已通行各省照辦○度支部以此次裁改人員簽分本部者計共四十餘員除實缺外其候補學習各員歷資較淺者居多若照吏部新章與本部人員各較各資相間序補將不數年間歲缺資淺者可以全行得缺而本部資深者轉致向隅殊屬窒礙特援上年八月法部奏請將裁缺分部人員與本部人員一體較資分班補用之例奏請嗣後裁缺候補各員學習期滿六個月奏留如遇序補資深到班無論正途捐納均以從前奏留之日與本部人員統較各資補用勞績到班亦與本部人員勞績保案奉 旨日期比較先後補用庶可兩得其平覆上奉 旨依議○法部咨行各省嗣後凡解配應行監禁或收所之犯帶有妻室子女係強壯者責令在外工作衰老者照孤貧例給予口糧如有不敷由地方官設法捐濟仍比依法部現審人犯已結各案之例許令該親屬一日兩次入視若本犯毋庸監禁而

子孫願隨同在所習藝者并聽其便以示體恤○京師內外城巡警區域近已一律歸併計內城左右兩廂原有十區併為五區中廂原有六區併為三區外城左右兩廂原有二十區併為十區每區各設區長一員區員一員○順天府原有捕盜營分駐五路光緒二十八年始奏改巡警軍三十一年八月復將各路馬隊改為巡緝馬隊三十二年二月復將所有巡緝馬隊一律改編巡警試辦兩年已有進步上年署府尹裴大京兆又奏明改訂名額加給餉需旋因卸任一時未及實行近自升任府尹裴韻珊京兆到任查得裴京兆原擬辦法祇將各路原有步隊改編巡警正兵及另設各路差遣隊名額而於督率教練之責任仍未能分別詳定特改訂辦法於中路設警務總局一所四路各設分局即以治中及四路同知為各局局長設步隊警官一員五路巡警均歸管理各局內添設教練所督練官一員另設教練官五員責令認真督同教練其原有之千把外委平素緝捕得力諸習警章者仍留充補不得力者即行撤去官弁缺出酌選舊日得力員弁暨前設巡警傳習所畢業最優等生及得力巡長分別試署拔補至各隊巡長則以優等生及平日當差得力諸習警章之巡兵分別補充此外又於五路各添設馬巡隊十名其探訪隊則先於中路添設十名俟辦理有效再行推廣○大興縣近在城隍廟內創設巡警總局附設傳習所調集四鄉巡警來所傳習俟三個月卒業後派充四鄉巡警以資得力

直隸○直省禁煙總局前會訂定官膏專賣章程並發給煙店憑照及吸戶牌照嗣又續訂章程六條並發給行旅小票凡過路客商赴煙店購煙必須持有小票此項小票由局發交各客棧隨時填給其小票存根及照費即由該客棧彙繳局稽核茲將續訂章程錄下 一本埠小膏店向大土莊躉購整土若干須持本店憑照至總局申明到某莊購土若干由總局另給憑條以杜吸戶影射 一外府廳州縣未發憑照如土商至津埠購土來局領行旅牌照一張或由煙店

內 務

各省內務彙誌

二百九十七

戊申

代發按所購分兩計期合算（如行旅章程每日吸煙一錢者合計三月需膏九兩作土十八兩繳照費洋一角今土商至津買膏九兩或買土十八兩以內者亦即繳照費洋一角買膏十八兩或買土三十六兩以內者即繳照費洋二角以昭公允惟此照祇准購土一次過期作廢下次購土仍須來局請領）此係權宜辦法俟憑照全發仍照本埠小膏店向土莊購土章程 一牌照限期准於二月二十五日截止如有逾期補領者須具由外回鄉保結照費加倍繳 一行旅牌照備外府廳州縣各客商買膏土之用今另用三聯小票以便過路吸戶到棧買煙每煙一錢收照費當十銅元一枚一分至九分皆作一錢計每百張訂成一本每本列號交客棧發給存根由棧繳局實煙小票由買煙人交煙店收存記帳吸煙小票存吸戶身旁備查客棧代發此票臨時酌提照費津貼 一此項小票祇准發給本棧住客不准棧外吸戶冒領 一膏店須另立過路吸戶買煙帳簿凡有過客持小票到店買煙者隨時將票留下存查○保定商務總會設立商界戒煙會已於三月初一日開辦○平谷縣范大令中信自蒞任後查得前任所辦巡警大抵濫竽充數因即概行裁汰另選年力富強能讀警章者一百二十人分為三班以四十八人為一班入傳習所肄習三個月畢業挨次輪換期於九個月後全邑巡警皆受教育云○南樂縣趙大令鏘捐廉設立戒煙社凡入社戒煙者無論大癮小癮統限十日戒斷每日給飯兩餐如出社後再蹈覆轍一經查出即照所費五倍追罰以充經費無力認罰者罰充苦工試辦數月頗著成效近又設法籌款分設四鄉以期普及○保安州警務向分為六大區復於大區之中分立小區計村莊僅止一百八十餘村區分太多需費過重形勢亦未免渙散近經該州呂牧懋光酌量情形歸併四區總局仍設城內四區各設分局其區域較廣者酌設分所以作巡警駐紮之處所有巡警計共一百六十一名除以六十二名在城內分段站崗外復添招十五名與原有之九十餘名同派四鄉各區分段梭巡

奉天○東督徐菊帥以臨江縣地面遼闊接壤於韓兩應增設新治俾資捍衛特議劃該縣榮生堡以東三堡及長白山後吉林境地添設府治已委署臨江縣李廷玉大令兼辦設治事宜一俟勘明界址即行確定名稱具摺入奏

吉林○吉省提法司吳司使以各州縣一切公牘向由該管府廳州承轉而徒流以上罪名人犯更須解赴該管府廳州衙門覆勘解省甚至監司之本道亦必照例詳報虛應故事直同贅瘤吉省府廳州縣本屬無多各府均無附郭首縣所有刑名案件與各廳徑達本司者相同惟隸於府廳之伊通臨江磐石敦化農安榆樹長壽大通各州縣仍由該管府廳審轉殊屬無謂特稟請東督吉撫通飭各府廳州縣嗣後一切刑名訴訟案件徑與本司直接各州縣應行解勘人犯亦徑解本司衙門毋庸再由該管府廳審轉以清權限而昭畫一○吉省民政司謝司使汝欽近就本署應辦事宜分設民治警務疆理營繕會計庶務六科各科科員均已派定惟疆理營繕兩科暫由警務民治兩科科員兼理又勸業道徐觀察鼎康亦將本署應辦事宜分爲五科一總彙科二農科三工科四商科五郵傳科每科各設科員三四人不等○雙城廳四鄉巡警近已劃定區域並先設立巡警傳習所由各區合選八十人入所傳習俟三個月畢業即行開辦○前任磐石縣李大令洞曾稟明東督吉撫改良監獄然其辦法不過添蓋瓦房五間內設宣講習藝沐浴衛生四所而已無論原建封房未能合式位置未能合宜即各犯房間如何分配人役居處若何安置亦未議及徐朱二帥以照此辦法名爲改良實則敷衍塞責殊屬不合特飭提法司轉飭新任該縣劉大令贊棠妥擬辦法再行改良劉大令到任後遵即查明獄牆東西長五丈三尺五寸南北長七丈三尺牆身高一丈四尺五寸牆頂寬五尺獄門向東開設門外爲更房獄內南北皆房各三間兩封相距一丈五尺擬將北監房撤去三間並將北牆展寬三丈餘西牆放寬一丈餘內蓋工字式男監一座分爲八間以四間做照歐美雜居制作爲罪犯雜居之所餘四間參用分房制以備瘋癲兇惡特別重要罪犯分房居

內 務 各書內務要略

二百九十九

戊申

住監房之南仍留舊監三間并添蓋兩間共五間以兩間爲工廠一間爲教誨室餘則炊所一間浴所一間監房之北添蓋養病室兩間隔絕分房各立門戶又雜物室一間習藝所兩間作爲擴充罪犯習藝之用至舊有女封三間係在大獄東牆以外暫時尙屬敷用俟經費充裕再行重建其禁獄東牆外復新蓋三間以左右兩間爲看守兵與巡更之居所中一間爲訊問所以使犯人親屬通問計共添蓋大小房屋十八間新修獄牆二十五丈統需工料錢一萬吊有餘已由劉大令詳稟徐朱二帥並請酌撥的款以便開辦○農安縣李大令樹恩於上年五月到任以該縣巡警城廂雖已創行鄉鎮尙未遍及急宜同時並舉以保公安特創設巡警練習所爲培養人才推廣鄉巡之準備更將城廂巡警力圖改良派卒業學生充當員弁凡戶口之清查衛生之講求營業旅館之取締風俗市場之整理一一訂定規則逐節實行地方賴以粗安民商交相稱便上年十二月復招集紳董籌商以城內巡警百名不敷分佈擬再加二十名分段站崗又就原有練軍一百三十名挑選百人改練馬巡城鄉各設一區所有練會悉行裁撤挑選鄉巡四百名分區駐紮另添司法巡警四十名以代舊有班役共計城鄉巡警六百六十名每年薪餉局用額支及軍衣子彈活支各項共需銀九萬九千二百餘兩云

黑龍江○江省改設各司變通辦理疊經東督江撫奏明將原有將軍衙門戶工各司暨印務處銀庫司分別歸併在案又刑司亦經奏明歸併裁判處辦理所有各司處原設額缺計共裁撤理刑員外郎一缺理刑主事一缺管橋主事一缺其銀庫主事一缺照東三省官制改爲度支司六品庫官又裁無品級筆帖式九缺九品筆帖式二缺額委筆帖式十七缺以上裁缺各員均經奏明以對品分別歸部選用其各該員未改就以前仍給原俸如原有升階者並按照升階辦理以示體恤○呼倫貝爾沿江一帶山內打牲之鄂倫春緊接俄界多有翦髮易服趨入俄籍者并有已入俄籍仍在華界

居住者又庚子之變沿邊中俄各金厥暨在俄國各城貿易之華人羈留俄境因入俄籍者亦復不少近經江省大吏議定所有已入俄籍之華人概令回籍蓄髮變服俾重體制倘有不願回籍甘爲他人之用者即不得在中國界內居住

山東○東省開辦調查局已由前撫吳贊帥奏調周觀察學淵爲總辦其編制統計兩科長亦已派定又於院署設調查股文案以符體制○前撫吳贊帥於丁未十月通飭曹州府屬辦理清鄉大著成效嗣恐匪徒窺匿鄰境爲害地方又通飭兗州泰安東昌臨濟五府州一律仿辦即以該管道州爲督辦各州縣爲坐辦并派妥慎委員公正紳董分任其事

○東省鐵路礦政局以坊子礦井華洋雜處良莠不齊特詳准東撫在該處設立巡警以資保護○定陶縣盛大令挺森於禁煙一事極爲認真聞已擬定辦法六條一選紳設局以期分任二嚴限減種以清本源三調查吸戶以備給照四製備方藥以祛痼疾五設戒煙會以廣勸導六隨時會議以免隔閡并經稟奉前撫吳贊帥批准辦理

河南○汴垣巡警自丁未四月間經司局改訂詳細章程各區員弁分區治事較前略具規模惟增設之開封巡警局總匯各事由總巡官帶城關巡兵並探訪隊偵緝要案時有稽延停擱情事尤與總局權限多所僭越復經河道公議裁併卽以所裁經費薪餉添募巡兵就城內增設崗位以期周密所有各區巡兵卽由該區巡官督同正副巡弁管帶由巡警總局總其成其原有之探訪隊兵弁均不足恃盡行遣散另募穩練可靠明白心細者十名充當仍分飭各區巡官兼管每區二名專司偵探賊盜踪跡及一切疑案聞已詳奉汴撫林贊帥批准照辦

江蘇○江甯巡警總局詳准江督端午帥將該局原設各員酌量歸併裁撤計原設四參事祇留總務警務二員衛生職務二員暫行裁撤十八股則以統計機要二股歸併改爲祕書股正俗股歸併治安股建築股歸併營業股交通清道二股改爲衛生股警務防疫交涉四股均暫裁撤警事戶籍支應三股事繁責重不裁併司法刑事民事三股改爲正

審判官錄總務參事○甯垣警察議設警務研究會以實地試驗交換知識爲宗旨業已稟由江督端午帥批准立案○甯垣南路二區巡士李中賢拾得日商千元借約并領事印證書立時呈送巡警總局給還原主巡警總局以該巡士恪守警章力求名譽特稟請江督端午帥獎勵午帥即撥鎮江成案獎賞該巡士六品頂戴功牌并銀牌一面銀洋一百元及金花紅綢等項照案游行街市以爲各巡警觀感效法之標準○寓滬西商議事會決議禁閉英美租界煙館照工董局原議自西曆七月一號即中歷六月初三日起禁閉四分之一嗣後每閱六個月禁閉四分之一以兩年禁盡○徐州遺袁觀察世廉前擬開辦官膏局以經費支絀不果僅令賣膏者領取執照否則以私賣論每領執照一張計錢一二千文或三四千文不等豐沛蕭場各屬均已仿照辦理近聞豐縣王麗樵大令以賣膏者往往隱匿不領執照希圖漏捐遂設局派勇嚴行搜索以絕弊端

安徽○皖撫馮夢帥以省城西關外大觀亭業已修繕完竣足供游人玩賞此外若馬營老製造局亦有天然勝景擬即就該處多造洋式亭閣下就靜室庵以及地藏禪林用竹籬築一巨圍(週圍約數里其中有水有山)名爲公園其東首之鴨兒塘擬再開廣一面接造廻欄板橋直達大觀亭以便游船更擬開闢馬路兩條一至東北一至西南以便推行馬車及人力自行各車聞已札飭藩司籌款開辦○蕪湖創辦戒烟局設總公所於適中之地設分所四區一城內一河南一長街一馬路議由紳商合籌經費一萬元以期持久

江西○贛省設立調查局已由護撫沈愛帥奏派正任饒州府張太守檢充該局總辦○新任饒州府周太守稟准贛臬在署設立收發公文所所有一切來往文件均歸委員經手另派親信友人幫同稽查其從前派用門簽舊習一概革除○九江鎮詳准江督將綠營制兵逐漸改編巡警先就鎮署設立警學一所由各營挑選若干人入堂肄習並招自費生

一班均限一年畢業即將鎮標九營現存兵額一千六百三十名汰弱留強騰出一成餉銀解作學堂經費

福建○閩督松鶴帥以各屬詞訟案件除期呈外又有傳呈索費較巨及批准以後差查有費差傳有費過堂有費即民間自願息訟和息又有費其尤甚者不肯胥役遇案輒牽及無干之人擇肥而噬人數則愈傳愈多私費則愈索愈重倘不遂所欲竟敢私押班館任意凌虐言之深堪憤懣特札飭各道府立飭各州縣將以上各項私費一律禁革并不准再收傳呈其濫傳私押諸弊尤應實力查禁倘敢仍任胥役舞弊一經查實或被告發定將本官嚴行參辦胥役人等盡法懲治

湖北○調任鄂督趙次帥遵旨設立調查局奏派陳太史敬第爲總辦并札飭司道及府廳州縣各衙門添設統計處選派委員就該管事項分別列表彙送該局其重要局所專管事件應行調查者則於總督署內設一統計處綜核其事

廣東○清遠縣屬江地方與從化縣西境毘連近由該處公和局蔡山約李紳炳煌等合力組織從清戒煙分會撥定公款及捐款約千金以爲經費○惠潮嘉各屬種煙地畝以惠屬爲最多潮嘉次之前惠潮嘉道沈觀察自奉省憲飭禁種煙即分飭各府州縣嚴行查禁以本年爲額嗣後不得再種近復由新任吳觀察派員會同詳查所屬各府州縣種煙地畝未經遵照定章改種五穀雜糧者一律限令改種不准再有私種之事○普甯縣楊大令以該縣巡警有名無實擬即竭力整頓特委警察畢業生方君逸儒設立局所招選巡勇四十名先行訓練聞已於四月初一日開辦

地方自治彙誌

京師○內城七區官紳籌辦自治不遺餘力近已在日新學堂設立會議所約集該區紳董按期會議以便公決一切應

行事宜次第照辦又京西藍甸廠士紳亦議創辦自治已在該處練勇公所內設立公局一俟組織就緒即行開辦
吉林○濱江廳何子璋司馬以哈爾濱俄人有辦理自治舉行選舉之事特邀集紳商學界擬設自治局將道裏（即中國界）自治選舉事宜作速辦理以免外人越俎

山東○濰縣王君善述等創辦地方自治期成會中除選任正副會長評議員外更設法制調查文書庶務四課各舉職員分課治事并擬多設宣講所於城廂鄉村各處每住民二百戶以上即分設一處派員講演自治利益其開辦經費暫由商界捐款內提出二千元借墊開支俟辦有頭緒再仿各國地方稅辦法籌款歸還

安徽○皖省開辦諮議局已由藩學臬三司訂定章程稟經皖撫馮夢帥批准并由夢帥照請本省鉅紳六人會同辦理
江西○建昌府袁太守前會商士紳設立官紳會議所已擬定章程申報上憲在案茲奉江督端午帥批飭欽遵上年九月十三日 上諭將會議所名目改爲議事會以符定章而免歧異袁太守當即遵照辦理
湖南○瀏陽縣張大令會商紳董創辦地方自治聞已在北門內昭忠祠設局開辦

各國內務彙誌

日本○日本外務省通飭各府知事嗣後凡有二人以上同時請領執照前往美國或坎拿大而其宗旨又屬相同者須先通知外務省定奪以杜移民結隊往美之弊

韓○韓國新定文官規程近已實施聞日本人之任爲官吏者無慮數十百人云

土耳其○土政府通告各國此後馬其頓大法官員缺仍准以西人接充俟七年後體察情形再行核奪辦理聞駐土各國公使咸以土政府此次通告實因英外部大臣格雷會聲明擬在馬其頓添設總督一員以資治理故將法官任限重

言申明以冀添設總督一說或可作罷

波斯○波斯自設立議院後執政諸人恆以舉措不能自由爲憾上年十二月二十一日波王竟從執政之請擬廢憲政仍行獨裁政治議院各員聞之大譁於是王擬組織特別內閣以謀調和議院又不允而波人仍憤無可洩竟有請各國駐使干涉此事者各使亦有意調停乃勸告波王允從議院之要求議院亦勿爲過激之舉動波王從之乃宣誓遵奉憲法始得無事然數月以來波京情形極爲紛擾今歲陽曆二月某日波王乘自動車出遊突有暴徒拋擲炸彈雖僅中副車而波王已受驚不淺矣

英○英國婦女要求選舉權事政府雖竭力禁止而勢力會未稍殺近復有婦女多人雇一裝載傢具之大車羣匿其中驅車至下議院將乘警察之不備闖入議院旋經警察窺破聚衆圍捕當即拘獲五十四人送赴審判廳經問官訊實分別科以罰鍰或監禁六星期之罪○英政府近訂保護孩童章程凡孩童年在十六歲以下禁止吸煙如有犯者警察可以拿捕又免除孩童之監禁改良孩童自新所及工業學堂辦法并設立專訊孩童公堂及審訊孩童之裁判官云○英屬南非洲脫蘭斯哇爾政府因華人結團體抵抗註冊苛例特將此例豁免入獄華人概予省釋

德○德相喪洛親王前在普魯士議院宣言曰德政府斷不許議院之選舉法律在普魯士施行其法律即云凡年屆二十五歲之德人均有祕密直接選舉權現行之律政府亦允更改但祕密選舉權則不肯給與民間云云其時有社會黨多人聚集議院門外一聞德相之語即行滋鬧旋經警察解散喪洛親王聞報又在議院發言云此等行動萬難動政府之意一千九百零九年選舉之事恐政府必嚴守中立而不肯預聞也○德政府近將郵政副大臣塞道授爲財政大臣兼內閣議員以繼司丹智洛男爵之任○德國近訂法律一種專適用於法國割地阿爾薩斯羅廉二州之法人及波蘭

遺民其第七條云凡波法遺民年在十七歲以下者不准出入政社其結社集會不能操他國語言必須習用德語並嚴禁以法語演劇此事社會黨極反對之然其他之黨派則皆贊成法人對於此事尤抱深恨輿情憤憤異常在俄德二國之波蘭人則同盟不受德人役使其向在各種社會與德人交涉者皆擬辭職並相約不用一德幣以爲抵制云

法○法政府近准法屬越南土人仿照印度成法設立公議院據法國殖民報著論以爲法政府此舉殆以結土人之歡心防日本之覬覦云

奧匈○奧匈聯合問題前經奧相貝克與匈相威克雷磋商迄未就緒聞已於上年陽曆十二月間議定條款由兩相簽字奧匈二國仍爲聯邦奧皇以此事聚訟雖久終底於成皆由兩相竭誠籌議用能奏此鉅功特致書兩相溫語褒嘉並各賜大十字斯推芳寶星一座以爲紀念○匈加利法部大臣管雲特新訂一律凡放債取息不得過長年八釐如遇入釐即作爲重利盤剝判以監禁自四個月至六個月或罰款自二百古侖至四千古侖其爲數較多取息過重者則判以監禁至二年或罰款至八千古侖○匈京社會黨設立協會提倡普通自由問題業經匈政府出示嚴禁

荷蘭○荷蘭議院前因批駁政府所提出之陸軍預算案致與政府大起衝突全院議員悉行辭職議院亦即解散政府以責任所在亦不得不上書辭職（按前首相爲美斯德自由黨也其各部大臣均屬該黨故有自由黨內閣之稱）旋由亨司克以天主教及加爾維斯教黨另行組織新內閣亨氏即自爲首相兼內部大臣溫德倫爲外部大臣婁丹伯克爲藩部大臣海軍大臣溫索爾則仍舊任其餘均係新授而議院解散後不久亦即另行召集矣○荷屬巴塘地方（在蘇門答臘之西海濱）向有販賣奴僕之陋俗近年以來此風益熾而奴僕之中尤以中國小孩居其多數大率由新架坡及檳榔嶼各處運往者茲經荷政府飭令該地方官嚴行查禁如有販賣奴僕至巴塘者即禁止其登岸以祛陋習

葡萄牙○本年陽歷二月一日葡王喀羅第一與其後及二子由彌場別莊還宮自別莊乘汽車至克邑潭大施江易馬車向王宮而適王與太子坐車前後與少子坐其後車由江邊右行入南市左折而入軍械所街突有多人頭戴黑冠聚於車右發十餘槍擊之葡王受三槍末槍中喉太子亦受三槍在頸與胸少子中肩及頤未幾王與太子皆死刺客被巡警擊斃者三人後與少子兩逃避還宮聞刺客若干人皆共和黨也事變後少子曼璠爾第二即位嚴索逆犯分別治罪而各國帝王聞報皆爲之毛戴云按喀羅第一爲前王路易斯第一之子生於一千八百六十三年九月二十八日八十九年即位以國帑支絀裁減王室費二成自一千八百九十二年始年省二萬三千鎊故民皆頌其儉德愛而戴之然卒不免於被弑者則以偏信首相傅蘭科而主張專制故也傅蘭科爲自由黨之創設者與守舊進步二黨相反對其宗旨在改良國政整理財務於一千九百零六年五月被選爲首相是年八月選舉議員傅黨中選者僅居少數且有共和黨四人屢入院中傅氏不量力不度德遇事任性逕行有反對者輒盡其全力以抵制之必如願而後已翌年坎布拉大學校生徒以政府藉口於學生品行不端未予學位遂全體罷學於是議院之反對黨依據此事攻擊政府傅氏大怒奏請葡王解散議院葡王從之反對者抗不奉詔傅氏以其弁髦詔旨將陷之於刑辟賴有營救得免傅氏且揚言於衆曰各政黨遇事紛爭究何裨於國政此次解散後如各政黨能知其義務所在則議院終有復設之一日也云云議院既散傅氏以爲自今以後可以莫予毒已然而報紙之言論固亦不利於彼之獨斷政策者於是又封禁報館前後凡六七家并嚴禁政事集會從此軍人社會遂有怨望王室者矣而傅氏猶不知省徧布巡警嚴察黨人簡閱陸師以防民變七月間發見一炸彈於某鐵工家則株連至百餘人某處有炸彈爆裂因又大索黨人緝騎徧境囚犯滿牢葡京一隅幾無天日時則政界學界之通顯者亦有鼓吹共和主義者矣葡京某報嘗著論云葡之革命必不能免蓋以上述各情形足釀成

革命而有餘此次暗殺固意中事耳事後國人以王之死由於自取無憐之者獨對於太子則哀悼殊深蓋以太子嘗諫其父勿行專制也由是觀之安見專制之有利於君主乎又按今王曼璠爾第二生於一千八百八十九年十一月十五日年十八歲即位時曾宣言維持憲政准報紙言論自由所有各鎮市民政員均加特恩從前辭職各員悉飭首相傳爾科召回復任且擬飭水師副提督亞爾爾組織一所內閣并召集議會云

○美屬菲律賓羣島自本年陽曆三月一日起實行禁止鴉片此後除作藥材用外不准人民將鴉片吸食吞嚼及打針並不准藏匿煙槍煙具及所備配製鴉片之器皿用以吸食鴉片其向吸鴉片未曾戒絕者每人須領執照一張所收之稅按月加增延至禁止售賣之日為止并經定例禁止私售又諭令衛生部設法醫治戒食鴉片之人聞該處華僑及土人之戒煙者已達數萬人云

○巴西○巴西總統佛西爾德保拉富忒格西羅佛任期屆滿經國民投票公舉阿芳素披那為總統已於上年陽曆十一月十五日蒞任視事

○阿根廷○阿根廷總統阿洛考達途遇亂黨拋擲炸彈於其足下此彈所裝炸藥計重二十磅阿氏急以足踢開遂得幸免

○摩洛哥○摩洛哥王阿都爾阿斯士近已被廢僞王毛利哈非即在非士城回教堂宣告為王按阿都爾阿斯士向受法人卵翼欲以物質的文明開化其國以故為國人所不喜毛利哈非則崇信回教仇視外人與其國人之心理相合遂奉之以為王而輔助毛利哈非之布明蓋亦主張排外者也聞法人得耗皆相顧失色云

學部審定



卷上授千以內之布算法加減乘除法
 卷下授萬以內之布算法應變定位法小數法
 每卷之後各附應用問題
 學部審定謂此書程度用之高等小學為宜

最新高等小學珠算教科書 卷上甲乙二册 每册一角五分
卷下甲乙二册

最新高等小學珠算教科書教授法 二册 每册五角

最新高等小學筆算教科書 四册 每册二角

最新高等小學筆算教科書教授法 第一册 二角五分
第二册 三角
第三册 二角五分
第四册 每册

學部審定評語云此書第一册依循環教授法就初等教科所已習之理而

復習擴充之第二册由歸納教授漸及演繹教授每類先設例題或公式解

法以示之其各門編置次序或淺深比類或參互錯綜皆採取各國新編而

復參以經驗自較舊籍體例為精第四册存銀還銀兩表銀兩金價貨幣諸

課尤為適用

商務印書館發行

學部審定



商務印書館發行

最新
筆算掛圖

十六幅

定價二元五角

筆算需用之記數圖 數字數碼表 加法表 減法表
乘法表 一律放大用堅厚洋紙彩色精印
長約二尺有奇闊約二尺七寸上端用橫木夾釘兩旁綴
掛帶銅環可展可疊可懸挂
便教師之指示助學生之記憶凡初等小學用最新筆算
教科書者不可不備此圖

算學練習簿

定價五分

此簿專備學堂生徒演習算草之用
全册一百面用堅厚洋紙訂就鉛筆墨筆均屬相宜
用此簿者能將算草保存日後便於檢閱
每册五分價又廉甚



外交

論間島確係中國之領土 錄丁未口月口口日東三省日報

昔在漢時。有東胡求甌脫棄地於匈奴。匈奴冒頓單于乃大集羣酋而議曰。曩者東胡嘗求吾愛姬爾等以爲不可與。吾直與之。以遂其欲。今復求吾地與之乎。抑不與也。或議此甌脫棄地與之便。於是冒頓乃踏足怒曰。地不可以輕與人。東胡欺我甚。爾等第從我往。乃用兵一戰而滅東胡。壯哉冒頓。歷史上引爲美談矣。間島爲我吉林省延吉廳隸屬之地。非甌脫比也。日人乃強以間島名之混爲韓土。此固政府所必爭。抑亦吾國民所必爭者也。夫冒頓單于孤憤之君也。當日對於東胡求地之問題。其勇決也。如彼堂堂中國。視彼孤憤之單于。何如明明土地國家所有。視彼甌脫之棄地。何如此而不爭。爭而苟不勝。大錯鑄成。全局瓦解。則後此中國全部皆可作今日之間島觀也。吾爲此懼。

夫國家之領有某河山某土地。必有其經營締構之歷史焉。故凡此國與彼國有國際交涉。其於歷史上有證據者。無不就歷史以爲解決。此立國之公理。亦文明法律之公例也。間島確係中國領土。記者徵之歷史。而得有三大原因。以爲此問題之解決。一政治上之原因。一

外交

論間島確係中國之領土

一

戊申

國界上之原因。一、人民營業上之原因。試分別言之於下。

一、爲我國對於間島關係政治上之歷史。按吉林省治東南隅爲延吉廳。該廳所管轄有和龍、白頭山、夾皮溝、南岡等處。其地段皆在圖們江之北。卽日人所謂間島是也。未聞於和龍山等處外有一新地名爲間島也。昔年華民甚稀。而圖們江南界柵緊嚴。卽韓人之混居該處者亦不數觀。光緒二十二年間。吾國內外多故。該處地既荒僻。偪與韓鄰。韓人藉口採樵浸潤以入。然當時吾政府。歷與韓約。僅許涉江二十里而止。不許其北來居留也。其後因開闢該處荒地。華民領荒。第一年例不納租。而韓人爲營業起見。第一年領荒。卽於第一年納租。於是韓人漸成多數之勢。然至今承墾納租。韓人固無異詞也。幅兒山、延吉廳街等地。韓人承墾頗多。歲納租金。皆有券票可據。卽其越境耕種。致起交涉。各節。歷經北洋大臣吉林將軍辦理。數次亦皆有檔案可稽。然則吾政府對於此項問題。惟知有延吉廳墾荒各地。不認彼所謂間島者。是爲得之彼。自別尋所謂間島者。以爲韓土可耳。若以我數百年所屬之延吉廳各地。而一日強易其名曰間島。多方以悞我。遂謂非我國所管轄。其爲私攘之計。誠善矣。而無如其地明明爲延吉廳一塊土。盡人皆知。有非同地圖著色。可以隨筆塗抹者。此徵之政治上之歷史。可解決日人所謂間島斷斷非韓屬者也。

一爲我國對於間島關係國界上之歷史。按中韓交界。自東首以迄西趾。皆天然一水之隔。故其上游。則以圖們江對岸及琿春以南對岸爲界。其下游。則以鴨綠江對岸爲界。此我國奠定朝鮮時艱難締造之界址也。即據近二十年來中韓勘界事略言之。光緒八九年間。北洋大臣李鴻章與朝鮮陪臣魚允中等。會議朝鮮水陸通商章程內第五款所載。『向來兩國邊界。如義州會甯慶源等處。均係朝鮮地方。例有互市。統由官員主持。每多窒礙。茲定於鴨綠江對岸柵門與義州二處。又圖們江對岸琿春與會甯二處。聽邊民隨時往來交易。兩國於彼此開市之處。設立關卡。稽收課稅。』云云。當時朝鮮國王咨覆北洋。即準此以爲勘界指定之區域。是以聲明擬派魚允中於來年二月初旬前往義州。四月下旬轉往會甯慶源等處。會勘邊界。由此觀之。所謂中韓邊界者。一則曰鴨綠江對岸。再則曰圖們江對岸。又如義州會甯慶源諸地。皆朝鮮之域。至韓人之來市者。惟琿春。琿春則屬中國地。固未一涉鴨綠江圖們江之北岸也。夫琿春尤在圖們江之東南角。琿春尙不得爲韓邊。則圖們江之非韓邊。可知。邊界在圖們江之南岸。則其去今彼所稱間島在圖們江之北者。決非韓土。可知。不惟懸山隔水。岸分南北。卽論距離。地段亦越數百里之遙。直可謂一處南海。一處北海。風馬牛。若不相及矣。且圖們江對岸。爲朝鮮咸鏡道會甯慶源等地。向固互市設關。並曾與

之聲明邊民錢財命盜等案。由彼此地方官按律辦理。所謂邊民者。皆指圖們江南界而言。故中國舊圖其邊界。則斷之於上。則圖們江南。下則鴨綠江南也。自日俄戰爭後。日人新造地圖。劃土門江入韓境。不知土門。即圖們亦即近圖所注之豆門。不過取其字畫單簡而已。無他異也。又圖們江上游。本有小支。名爲土門河。究之土門。圖們豆門。聲音無妨含混。要皆在韓邊界線。水滸之北。與韓土爲絕對的不相牽涉。韓之國界自在圖們江南。天造地設之嶺。截亦絕對的不相混合。今彼所謂間島者。更在圖們江北以內之地。雖欲混爭。其可得乎。然則我國對於此項問題。可一言以斷之曰。吾政府並不知有所謂圖們江以北之間島。惟知有圖們江以南與韓爲界而已。此徵之國界上之歷史。可解決日人所謂間島斷斷非韓屬者也。

一爲我國對於間島關係。人民營業上之歷史。按延吉廳屬地。沿松花江畔。當長白山之北。山川奧衍。林木饒殖。地氣鬱嶺。實富金礦。中國舊習。迷信風水。官家以封閉爲無事。而大利所在。礦盜滋起。然皆係我民之自利。我土國家多故。弛而不問。並無韓人之敢行。藪奸也。彼韓人之來我圖們江邊界。或以貿易。或以耕種。其有事故涉訟者。歸延吉廳判理之。有擾亂不靖者。歸延吉軍彈壓之。初未見有韓人一兵一官在圖們江界內作保護該國民人之舉。

動也。蓋中韓舊章。惟許韓人互市。至於承墾荒土。則係吾國民人轉相雇領。彼韓人者。固不得擅違條約。侵越我地。以殖其民也。即以近者。日本人所豔稱北滿洲一王國。韓邊外父子之歷史言之。亦足證間島爲我領土之確據。蓋韓邊外卽韓效忠。係吾國山東省登州府農民。初流轉金復海蓋間。後往延吉廳。入夾皮溝。經營礦業。以多金雄視木旗河夾皮溝一帶。卽日人所謂間島是也。光緒二十年。中日失和。邊外有孫登舉者。奉吉林將軍檄。募土兵五百於張山屯。號爲敵愾軍。以助攻日師。海城之役。登舉與日兵決死戰。積功擢守備。二十五年。復授一旅。駐紮奉天。明年八月。與俄兵戰於馬煙山。初勝。旋失利。而木旗河居室遂被焚。居民多逃散他走者。洎是時。登舉已擢至都司。賞戴花翎。乃移家樺樹林子。仍與舊客孫鳳五于文林輩。經營礦業。深藏固守。不復橫戈躍馬。以從事於戰陣間矣。登舉擁家貲數百萬。當其盛時。所經營之礦地。西北連大營勾嶺。東南巨頭道流河。南北接福嶺。西南至松花江。其面積有一縣百里之地。頗似雲貴土司州縣。此日本人所稱近年來間島屬地主義者也。夫韓氏以中國之民。領中國之土。受中國之官。並非韓國之民。領韓國之土。受韓國之官也。而日人屢言該地屬於韓氏。殆誤以韓氏爲韓民耶。當邊外之進謁吉林將軍也。在光緒五年。所居木旗河宅。門額鐫安分娛農四字。以示不忘爲國民。前吉林巡道吳大澂。改書爲威。

外 交

論間島確係中國之領土

五

戊申

鎮江東以壯之。其斷碣尙可尋之。灰燼中也。登舉之經營礦業也。歲有一定之租稅輸納於吉林衙門。非輸納於韓國也。然則我國對於此項問題。惟知有延吉廳屬之土地。人民世受國治。並不知有所謂亞東新天地及鴨綠江之獨立國等名稱。夫固無所謂間島也。此徵之人民營業上之歷史。而可解決日人所謂間島斷斷非韓屬者也。

以上三種原因。皆中韓對於間島之切實問題。間島之本爲我國領土。不惟韓人喻之日人。亦無不喻之。不惟日人喻之。即在文明各國亦莫不共喻之。日本阿部代使之照會我外務部也。其言曰。間島是否中國領土。抑係韓國領土。云云。其故作游移之詞者。蓋明知該地爲中國所有。而姑以唯唯否否之技。倆嘗試於我也。又日人近繪地圖。將土門江圈入韓境。其意亦猶前之圈金州城南爲關東州也。此所謂司馬昭之心。路人皆知者也。

不甯惟是大凡兩國有國際交涉。依文明法律。必先定地位。審主權。以俟彼此正當之判決。今日人之於間島。強行派遣齋藤中佐。帶隊渡江。並令韓民不准納稅於我國。此何爲也。強行租定六道溝口龍井地方之韓人房屋。以爲辦公所。且設統監府出張所名目。此何爲也。我之土地。由我經營。陳大臣之出示曉諭居民。沈翼長之帶兵前往鎮守。自是吾國對於領土之合宜辦法。乃日人亦強爲干涉。不准該處居民服從陳大臣之示諭。且要求吾政府撤

去。又將駐寬城子之十二聯隊移紮該處。而荻原領事反詰我東督以命意所在。此何爲也。比來強開天寶山礦。強設北韓會甯至間島之電線。強索吾政府領土確據。強請吾政府派勸界大臣。而吾政府卽如其意。以予之。彼日人又閃爍他顧矣。謂間島之華兵種種野蠻。遍載於日本報紙。妄肆非笑。又謂間島吾可認爲中國領土。彼此可以和平了結。而一面開採礦山如故也。架設電線如故也。屯駐兵隊如故也。一切經營方興未艾。惟以認爲中國領土。一語虛與委蛇。此又何爲也。恐喝主義乎。強奪主義乎。要挾主義乎。有如此之文明國際法乎。

夫日人所謂間島卽我之延吉廳地。韓人固未嘗涉想及之者也。日本近以統監韓國之故。乃欲代韓冒佔我之領土。藉以示威於韓人。此其居心所在者也。然而欺我則太甚矣。嗚呼。中日自有交涉以來。一欺於琉球。再欺於臺灣。三欺於朝鮮。甯獨今日間島爲然哉。彼將視我中土皆間島例也。雖然。又豈獨日本爲然哉。英之於藏。衛法之於越。廣俄人近者之於黑龍江。愛琿東岸皆無所不用其欺者也。獨是對於日人所謂間島之問題。我之政治上我之國界上我之人民營業上皆有確鑿解決爲我領土之鐵據。彼日人若不顧邦交。不論公理。不畏各國之正論。毅然決然爲海盜之舉。動用野蠻之手段。明目張膽佔奪間島。則吾無言。

外 交 論粵督緝獲二辰丸案 錄戊申二月十五日嶺東日報

矣。否則既認爲中國領土。又多方以諱飾之。而謀逞其不可思議之野心。大欲嗚呼。吾政府。吾國民。瞻彼東方。請各戮力。

五月

論粵督緝獲二辰丸案 錄戊申二月十五日嶺東日報

粵省寶璧兵輪緝獲二辰丸案。駐廣州日領事與張督交涉不決。乃移之外務部。曾於十三日開大會議。言論紛淆。莫衷一是。夫中國自設總理衙門。至今講求外交。垂數十年。乃至判一緝獲軍火案。而不能決憤憤乎。抑知之而爲外人積威所劫乎。本報於此案原委。述之頗詳。請得而解決之。

一解決之於其地。凡國家三大要素。一爲土地。二爲人民。三爲主權。三者不完全。則不可以爲國。然其土地所在。卽爲主權所在。則主權又爲要素中之要素也。考寶璧兵輪緝獲二辰丸之地。係在我國九澳嘴外一海里之沙瀝。向來洋船在該處落載貨物及裝販鴉片煙膏。出口均須領有中國拱北關准照。方許落貨。此卽慶稅司駁赫德條議。所謂是卽運入澳門。違禁軍火在澳門儘限外水面轉駁。亦應請給關照。方合者也。是緝獲地爲中國地之證。一日領事前稱九洲洋爲公海。繼又謂其地爲葡領海。其究也。以其離澳門燈塔五海里之遠。又謂爲停泊待潮。則其地爲中國領海。日船長照峰已默認之矣。是緝獲地爲中國地之證。

二。慶稅司駁赫德第九條云。中國雖允與澳門劃界。未允前列海面為公海。且與葡原訂章程訂明。未劃界前。悉須仍舊是澳門前列之海。定係中國水面。不得以佔有澳門之故。並我領海權亦佔之也。是緝獲地為中國地之證。三。夫其地既為我地。則其關權為我之主權。今不報請拱北關准照。遽行駁載。不惟軍火輪諸濟匪之區。即領海亦斷送於濟匪之圖。不知置三要素於何所矣。今沙滙地方為我國版圖之所及。即我國主權之所及。雖拿破崙復生。不能違此律也。奚有於日葡此解決之於其地者一。

二。解決之於其合同。查二辰丸向往來日本香港。此次由日本往香港。係與英商太古行訂運煤斤。又其合同載明。非不得已。危險不得駛往別處。則二辰丸由日本直達香港。不往別處。既在保證書法律中矣。乃該丸經過香港。並不入口。此何為者。又據照峰船長之言。本船以去臘二十七日。在神戶由大阪粟谷商會搭載鎗九十四箱。彈丸四十箱。又由清國商人搭載海產物及貨數十箱。其軍械係給澳門清商廣和號者。海產物係運給香港清商者。又在門司載煤一千九百噸。以二十九晚啟旋。初五日午前十一時五十分到澳門水面。該處水線甚淺。是日又有風波。非待潮漲。不能駛近澳門港內。故暫停船待潮。據此。則二辰丸因載煤過重。故停船待潮。然澳門近海水淺。稍大之輪船不能進口。駐京日使與外務部辯

外 交

論粵省捕獲二辰丸案

九

戊申

論時既言之矣。辰丸船主於神戶搭運軍火時。甯不知該船之不能進澳門口。而必過港不卸。直趨澳門。果何爲者。由今思之。蓋其搭運之時。已預計到香港。如何經過到拱北。如何停泊。如何駁載。一一熟籌於胸中。故過香港。則駛往別處。違太古之合同。而不忘此其中必有大利在也。夫澳門水淺。則何不先卸貨。而後駛澳門。而其不敢卸貨於香港。則以香港禁運軍械。故乃以不敢令港官查及之。軍械而我國關員收而獲之。據太古合同而斷。夫復何辭。此解決之於其合同者二。

三則解決之於關章及商約。查粵海關章程第一款。凡商船自進本口界限時刻算起。儘二日內。將船牌并進口艙口單。呈交領事官。該國如無領事官者。則自行赴關稟報。第二款。凡商船進口。將艙內所載貨物。據實開單。赴關報明。方能取開艙准單。第九款。凡有過船貨物。必須請領本關特給准單。如違章。過船之貨。酌量入官。據此。則凡進口。必將貨物報關。然後取開艙准單。如無准單。則將過船之貨。酌量入官。關章之嚴也。如此。又查中日通商行船條約第五款。中國現已准作停泊之港。如安慶大通湖口。武穴陸溪口。吳淞等處。及將來所准停泊之港。均准日本船卸載貨物。客商悉照現行各國通商章程辦理。如日本船違章到中國別口。非係准停泊之港。亦非准通商口岸。或在沿海沿江。私做買賣。卽將船貨一併由中

國罰充入官。據此則日本船非在通商口岸或在沿江沿海私做買賣即將船貨一併充公。商約之嚴也。又如此今二辰丸在九洲洋面用漁艇駁卸軍火其報關乎抑未報關乎其領有准單乎抑未領有准單乎日領事其知之也。又二辰丸在九洲洋面私與澳門清商過駁貨物其在通商口岸乎抑非在通商口岸乎其私做買賣乎抑非私做買賣乎該丸主其自知之也。今該丸未報關也未領准單也而公然過駁貨物是違關章九洲洋非通商口岸也沿海非做買賣之地也而該丸乃於沿海停輪私做買賣是違約章粵督將該丸收獲之對於內則盡船貨入官之職對於外則符船貨罰充之文此解決之於關章商約者三。

四則解決之於公法按國際公法凡戰時禁制品約為兩種一為絕對戰時禁制品二為條件戰時禁制品據英國學者火爾覽朶氏之學說則此二種皆可沒收何謂絕對禁制品如礮彈鉛丸火藥各項軍械及硝磺與製造各種火藥之材料是何謂條件禁制品如可充戰用之船及軍馬鐵道電線電話與其各種之材料是日俄之戰中國中立所定之禁制品曾詳列之今我中國因近年內匪迭起若瀏陽若欽廉若廣西若鬚匪皆快鎗利器與官軍抗拒此詎士鑄所能供給者乎知非有人接濟必不至此乃自嚴查軍火命下而天津蕪湖及牛莊等口迭緝獲大宗軍械亦遂與各國嚴定運售軍火之禁則此二辰丸所載之槍枝九十

外交

論事者機二辰丸案

十一

戊申

四箱彈丸四十箱非我國之禁制品乎。吾且援戰時國際法以比例之。凡海上戰爭。有船舶發見之時。不問敵國之船與第三國之船。可命其停止。是之謂扣留權。停止之後。可命人至其船上。調查進航之目的。是之謂臨檢權。臨檢之時。似涉嫌疑。可以搜索之。是之謂搜索權。搜索時。若果有武器及禁制品發見。則可以捕拿。是之謂捕拿權。捕拿之後。經審檢所審明。實係違反公法。從而捕獲。是之謂捕獲權。今中國雖無第二國與之交戰。然其軍火爲禁制品。則一也。當二辰丸被捕之時。關員於扣留臨檢搜索捕拿諸權。不肯退讓分毫。蓋亦謂公法當如是焉。云爾。乃日領上野氏不肯。令二辰丸船主赴訊。而遽要將船釋放。且以賠償之言相恫嚇。嗚呼。是豈文明國所宜出此者乎。未臨檢而遽行捕獲。於律固疎。不會審而徒要釋放。於法安在此。解決之於國際公法者四。

夫其地則爲我領海。而非葡界也。其合同則往香港。而非往澳門也。按之關章商約。則私貨當入官也。按之公法。則當申其捕獲權也。故粵督持之甚堅。雖外部意主和平。而不敢輕以相許。則以存主權踐商約故。乃電傳外務部十二日之議。有擬留軍火還船者。有議請第三國公斷者。有議請平和會裁判者。夫此事乃我國關權之所在。公則通之。私則沒之。於第三國何與。與平和會何與。至軍火之留日人。亦未敢索及。萬不能援尋常未報關之例。酌量入

官據律斷之。則全收之而已。甯有過焉。惟其還船與否。則又有文明之辦法在。

查國際公法載禁制品之船舶。如同一所有者。則可以沒收。若非一人所有。而船長知情。則沒收之亦可。但關於此處。各國之主義不同。英國則禁制品與船舶。雖非一人所有。概可沒收。並不計載禁制品之多少。法國則所載禁制品。與船中其他貨物共計。非有四分之三以上。不沒收其船舶。奧國則所載禁制品。與船中其他貨物共計。非有過半之數。亦不沒收其船舶。德國則船中所載。須全屬禁制品。始沒收其船舶。日本現行主義。則與英相同。不計禁制品之多少。概可沒收其船。此戰時國際公法也。彙而觀之。尙有計其禁制品之多少。以爲收入船舶與否之區別。則還船之說。未可盡非。然固未有不經審判。而可希冀還船者也。不審判而還船。則中國非中國。主權直第二國主權而已。尙何外交之可言。現粵督持展期會訊主義。謂日領如逾期不到。不能再待會訊。即將船貨充公。斯爲仁至義盡云。

按二辰丸案已由外務部與日使議結。計共五款。約言之。曰鳴礮致謝。曰釋放辰丸。曰買收軍火。曰懲罰官員。曰賠償損失。吾政府所以迫不得已而訂此條款者。則以日人允爲嚴禁日本商輪裝運軍火來華故也。夫嚴禁輸入軍火。誠爲弭亂之至計。然使日人陽奉陰違。復萌故智。則吾國將搜捕之乎。抑任其輸入乎。任其輸入。何貴乎有此次之規定。嚴

行搜捕。彼日人必又閃爍其詞。以亂視聽。甚且援辰丸之成案。與我交涉。又將何以待之。此論依據法理。頗中肯綮。當日果能據以駁詰日使。吾知日使雖強硬。未必不為稍折也。且日使於此案。所斷斷置辯者。惟撤卸日旗之一節耳。夫國旗之不可侵犯。人盡知之。惟當時寶璧兵輪。吳管帶正在捕拿辰丸。突有葡國兵輪二艘駛至。誤以該處為非中國領海。將與寶璧為難。吳管帶為保全中國領海權及二辰丸計。擬與葡人決戰。以辰丸尙懸日旗。恐有不便。乃勒令船主改懸龍旗。以示中葡相爭。無與日事。是撤卸日旗。正所以尊重日旗。非有輕藐之意。何日使乃藉口於此。頻至外務部詰問乎。至五款之中。亦多有可議者。據二辰丸船主言。所載軍火。係運交澳門華商廣和號者。使此項軍火。果非違法之禁物。則彼為買賣者。自有其契約之效力在。又何得強解葡日兩地商人已成之買賣。而以買收許我乎。又如該船所運軍火。果非違法。撤卸日旗。即屬非是。而既已鳴礮致謝。賠償損失。則我政府之責任已盡。不應再行懲罰官吏。蓋官吏為我政府所任用。對於政府而負責任。今政府既盡其責任於日本。官吏即有不法。當據我國內法以懲戒之。非日使所得置喙也。要之。此案在我並無不合。徒以日人恃其強權。外部懼於敵讎。致有此結局。畢士馬克之言曰。世界何有公理。可恃者惟鐵血耳。願我國民一深長思之。

俄政府爲第二次保和會事通告各國文

本政府查一千八百九十九年第一次保和會會議之各大綱悉以仁愛爲宗旨是爲該會倡議所自始今應將此宗旨重加擴張特邀請各國擬開第二次保和會又復竭力添邀入會之國冀多於前茲幸一律覆允足證各國以此仁舉有關寰宇之利害咸願共濟艱危以臻美善伏念第一次保和會會畢同會諸君莫不以此會之成立非俟試辦有效文化大張再行會議不足以竟其事功今查該會最要之結果係設立常川公斷衙門聚各國之公法專家斷國際之是非曲直其和解公斷條約內之派員查究各節於辦理公斷之案尤爲著重業經各國公法專家遵照歷辦頗著成效惟尙有未盡周妥之處應會議改良者卽如公斷時應用何國文字爲準亦當共同訂定免致日後鞣轍他如約中派員查究各項均須商議改良又查第一次保和會訂定之陸地戰例條約有各條尙應會議從詳訂明以免誤會又查海戰條例各國互異此次似宜明訂專條俾戰國權利與局外國權利兩不相悖此爲第二次保和會議之要點至會中舉行商議各節僅關歷年考得之件而於限止水陸兵額諸端概置不論本政府現擬商議節目如下 一會商改良和解公斷條約第三章派員查究及第四章第二節設立常川公斷衙門各條款 二一千八百九十九年陸地戰例各

外 交

俄政府爲第二次保和會事通告各國文

十五

戊申

條款如開戰并局外權利各節應會議補訂以臻完善又一千八百九十九年聲明文件內一件年限已滿亟宜會商接續 三議訂水戰條例新約其大要如下 一水軍艦隊攻擊口岸城市村莊安設水雷等事 一商船改充戰艦 一海面戰國私產 一開戰之後商船在敵國或在局外國口岸者其停泊時刻之寬限 一海面局外國應享權利應盡義務即如明定詳列各種禁制品及戰國兵艦在局外國口岸章程局外國商船被戰國擒獲不得已而將該商船擊沈各條款 一此次議訂新約應敘明有關陸地戰例各條規一律推廣行之於水戰 四一千八百九十九年訂定推廣一千八百六十四年八月二十二號日內瓦原議行之於水戰條約此次應會議補訂以期盡善 除以上各節外至於國家政務或條約訂明之事或不在此次各政府議允各節目內一切事宜仍應查照一千八百九十九年會章不歸公會辦理本政府查此次所開節略即或爲諸國所允從然開會時彼此質疑辨難仍不妨各抒所見即商議各節之次序或前或後並所商各節何者可訂爲專條何者可添入原約作爲附款亦均聽會中酌定並不預爲設限抑本政府於擬此節略之時尤側重第一次保和會所立各願如局外權利戰國海面私產攻擊海口城市諸事業已盡力添入深盼各政府於此次所開節略有以推見本政府微忱並仰體各文明國惓惓於大公

無私一視同仁之至意本大臣奉本國政府之命將以上所陳一代達於貴政府至第二次保和公會仍在荷都海牙舉行會期約定於七月望後荷政府亦以此日期爲宜爲此備文照會貴政府酌核辦理並乞見覆施行 一千九百零六年三月十六號

俄政府通告各國英美等國聲明各款文

查一千九百零六年四月二號即俄歷三月十六號本政府曾將第二次保和會應議問題通告各國業蒙允准與會在案茲因各國尙有注意之件各向本政府聲明特於第二次海牙公會開會之前再將目下情形通告與會各國開列如下 一美政府聲明有二問題並須提議甲減少或限止軍實 乙追索平常債負不得任意妄用兵力 二西班牙政府聲明限止軍實問題極願與聞其議並有權在此次海牙公會提議 三英政府聲明英國極願提議裁節軍費問題並有權條陳所見凡俄政府提議之款在英國視之或不能收實效者亦有權提明不議 四日本政府聲明倘有他項問題爲俄通告文所未載而實際確有效益者不妨一併提議或一切議論在日政府視之勢必不能實行則有權提明不議 五玻利非亞丹馬希臘和蘭各政府聲明遇有他項問題與俄通告文所列各款大旨相同者各政府亦有權陳議 各國意見如上所述本政府之意除將一千九百零六年四月二號宣告之

外 覽

俄政府通告各國英美等國聲明各款文

十七

戊申

外交

海牙保和會常川公斷衙門辦事公會章程

十八

五月

通文仍爲第二次保和會開議張本外亦應切實聲明凡遇商議之件於事並無實效者本政府有權提明不議 本政府之宗旨德奧二國所見相同該二國於一切不能實行之問題亦概不願提議除咨商和蘭政府預訂與會各國以本年六月初旬爲期齊集海牙舉行開會外特將以上聲明各節備文通知本政府深冀會議之餘共收美足之結果從此世界文明各國和局鞏固親睦有加無任欣盼 一千九百零七年四月三號

海牙保和會常川公斷衙門辦事公會章程

查照和解公斷條約第二十八條應推畫押各國駐荷使臣充當辦事公會會員荷蘭外部大臣充當會長當經會議訂定辦事章程條列如下 第一條凡有關公斷陳議之件應由會長分告各會員 第二條辦事公會會員應歸會長召集會議此召帖應預先發出至遲不得在四十八鐘以內倘會員中有一人查有必須會議之件亦可商請會長召集會議 第三條辦事公會會長倘因公他出應按照出使官單之資格次序由駐紮海牙領袖公使代理 第四條按一千八百九十九年七月十五號保和公會第三股各員議定辦法凡兼充荷蘭公使而不常駐海牙者應將使署地址通知辦事公會以便遇有文牘請決等項即可逕達 第五條公會所發召帖須將會議事件詳敘在內倘或議及未經敘明之件則不

得定見議決 第六條該公會議事決斷用詢問對答之法 凡涉派員撤差停止薪水等項事件公會應以投票斷定 議決之事以多數爲斷 凡遇有陳議之件各會員所答或是否其人數相當例作不允准看 第七條凡公議各員對答次序當以畫押各國起首字母爲准會長例應居末 第八條所設常川萬國辦事公所即歸該公會稽查管轄凡各國遇有公斷事件查照條約敘明各條由辦事公所居間接洽並充公斷裁判時書記之職該公所並應料理公會日行事件公會應派總書記官一員總理公所事務該書記官以五年爲限滿 第九條總書記官辦事應遵照公會會長訓條而行 管理檔案節制員役 總書記官應常駐海牙 第十條總書記官之黜陟應由公會公同議定其邀議之束應於十五日以前發出 第十一條公所用項應另派員稽查此稽查處應派三員所派之員即在常駐海牙之各會員中選擇每年一月一號按照各國起首字母次第更換一員 稽查員應在辦事公所會議會長有權臨會 總書記官所管項及預算表應歸稽查員覆核每年由該員等呈送公會核准 第十二條每年預算表並總書記官用項應於會議之前十五日內刊刻分送各議員即由各議員會議核准 一千九百年九月十九號訂於海牙海牙保和會常川公斷衙門萬國辦事公所辦事章程

外 交

海牙保和會常川公斷衙門萬國辦事公所辦事章程

十九

戊申

第一條常川公斷衙門總書記官即充萬國辦事公所之長兼充公斷裁判時書記官辦事公所往來文件歸總書記官辦理 辦事公所每年出入款項應由總書記官詳造預算表送呈公會稽查核准該公所每年結算用款亦照此法辦理 公所員役應歸總書記官節制 第二條萬國辦事公所員役人數開列於下 頭等書記官一 二等書記官一 幫辦書記官一 門監一 差役一 第三條辦事公所各事均歸總書記官一人專權辦理 第四條如遇總書記官假出或另有他事應由頭等書記官代理 第五條倘遇有非公所中人員前來閱看有關公所之公牘該員役不得允許並不得將公所辦理之事或函告或口說傳播於外人 一千九百年十二月八號訂於海牙

中外交涉彙誌

各國○民政部尙書肅親王前因各國兵官時有擅入皇城任意游歷情事特咨請外務部照會駐京各使嚴飭各該國兵官等一律禁入皇城以重禁地而示嚴肅當由外務部照會各使照辦又外務部以近來各國游歷人員往往測繪內地與圖殊屬非是特照會各使略謂各國人員至內地游歷向不得調查地方事務并探礦測地茲查各國人員每持游歷護照測繪地輿殊與定章有背希即禁止云云○汴省信陽州雞公山地方教士李德立等購買公地轉售與各國商人建造房屋致起交涉一案前經升任豫撫張安帥遴派許紹淵觀察前往漢口與各領事磋商當經議定辦法大致以租界爲主義訂明以二十年爲限已售之地價均著該州追還仍歸各國教士已造之房屋即作爲將來租價有餘不足

臨時再爲核計到限時如欲展緩再行酌奪辦理惟此後不得添造房屋以示限制張安帥以此項辦法太失主權復另委寶芷袁太守赴漢據內地不得置買產業之條向各領事力爭各領事堅持未允至去冬復會同漢黃德道桑鐵瑞觀察與各領事再三磋商始得擬定辦法將該處房地一律贖回中間指明界限留出十二分之一租給各國商人避暑惟每年自西歷五月一號起滿三箇月爲止其餘春秋冬三季不得常川居住並不得於避暑期內在該地運貨貿易及添設教堂傳教各領事認可當由英領事簽押定約寶太守即回汴稟覆林贊帥以辦理尙屬周妥仍飭前任信陽州徐牧佐堯曹令毓齡備往該處勘查地畝劃清界限以便立案出奏

中日○駐京日使照會外務部請將以後中日往來交涉公牘文字概用日文當經外務部嚴詞拒駁並咨各省嗣後中日往來文牘仍用漢文○日使照會外務部請設齊齊哈爾領事當經外務部議准並咨照東督江撫妥爲保護○日商國分弘前在浙省樂清縣洋面被劫當即開列失單報由該國駐滬領事照會溫處道飭縣嚴拿究辦旋經該縣拿獲台匪林啟清等訊供行劫不諱即詳明上台按律懲辦並聲明該日人係溫州三五公司中人深入內地游歷並不在溫呈驗護照請飭沿途保護亦屬不合云○漢口日租界前因展拓界線擬向京漢鐵路總局購地一方業經日人與該路局在京議辦嗣經調任鄂督趙次帥查悉以原定日租界章程自江岸起以一百五十丈爲界立有碑誌乃日人於定地後私移界石填土修路經關道查知理論執有英德工程師測繪日界原圖丈尺爲憑日人總以自行買地即可自行展界殊屬狡獪特咨郵傳部轉飭該路局將全地售歸鄂督一面照會日使所有日界應需之地當由鄂督直接照依界址儘數劃給其有公用地段自當遵照租章免其出價庶路局既得全價日人照界得地鄂督交涉亦有藉手

中美○英使於年前照會外務部准於今春撤退駐紮唐山之兵隊並同時交還蘆臺礮臺當由外務部咨照直督接收

外交

申外交涉彙誌

二十一

戊申

又該使照稱奉本國政府訓條已允將駐紮西藏春丕之兵一律撤退請飭該處華官知照等語亦已由部電告駐藏張大臣查照○外務部前議於英屬澳大利亞新錫蘭二處設立領事藉以保護華僑業經電飭駐英李星使與英政府商辦茲聞英政府業已許可當由駐英李星使電請外務部迅即實行以慰華僑之望○華外部前議於奉省安東縣添設領事業經外務部議准近聞已由該國駐奉總領事派員前往開館任事○廣州英總領事函致粵督張安帥請准派員測量新安縣深水灣租界蠔塘並飭屬在該灣北岸華界暫設標識當經張安帥札行九龍關稅務司代為豎立石塊以便測量之用並聲明此等標識係由我設立與界務無涉彼此日後不得誤會以杜糾葛

中俄○俄使璞科第因病出缺當由俄政府電命使署二等書記官哥爾波夫暫行代理並電咨外務部查照按璞居北京最久前為道勝銀行總辦後簡令職善於中國語言辦理外交極有操縱又按各國通例非一等書記官不能為代理公使此次俄政府命二等書記官哥爾波夫代理使事實因該署一等書記官懸缺已久尙未簡補有人也○俄使前向外務部要求推廣長春吉林哈爾濱齊齊哈爾等埠租界外務部恐啓各國援例要求之漸嚴拒不允該使又請准俄國在蒙古地方有特別之利權即仿照英在西藏日在滿洲辦法外務部以蒙古非他處可比斷難允許亦已極力拒駁○愛璦江附近華屯地方前被俄人強佔經華官迭次據理力爭始允退讓已由前署江撫程雪帥電請外務部查照又伊犁將軍長少白留守電致外務部謂伊犁邊境近有俄人越界游獵常與土人齟齬請照會俄使迅速轉電嚴行禁阻免致別生枝節

中德○德國兵艦來布次希號管帶前擬用小船率兵一小隊至上海梵王渡地方操演由該國駐滬領事函商升任滬道梁觀察觀察以該處係屬內地尙不准西兵操練且近來人心不靖迭生事端倘任德兵往操鄉民尤多驚恐因特函

復德領請作罷論○鄂省宜昌府自開埠通商以後德商前往營業者寥寥無幾故德國於該埠尙未設有領事近因漢口德商美最時洋行擴充上游航業增設商輪行駛沙宜一帶故德政府特派訥爾特君爲該埠領事藉以保護商業已由德使照會外務部轉飭該省地方官照章接待又駐汕頭正任德領事某君因事回國亦已由德政府札委萬祿德前往署理

中法○法國署使巴思德君照會外務部謂近有外國人在城內設立賭局本署大臣查本國律例與大清律例相符所有賭局概應禁止應請轉達民政部按照貴國律例切實查辦以保公安等語外務部當即轉行民政部查照辦理○法使前向外務部要求福州船廠將來如用洋員仍須聘用法人辦理外務部答以船廠用人中國自有主權至前所聘用之法員杜業爾現已遣回應酌給萬金作爲川資以示體恤○兩粵匪黨向以越南爲遁逃藪前經越南官吏拘獲十數人收禁糖保治安粵省大吏聞之即派員與駐粵法領事磋商將各犯交回中國官吏審辦所有拘禁費用概由中國償還法領事以事權不屬請與越督直接交涉當由粵省大吏將各犯罪狀開列清單資送越督請其妥速移交越督不允即電由該國駐京公使向外務部聲言越南官吏所拘留之中國會匪雖由中國償還拘禁費用亦不能交回云○法國前於越南西貢等處增設新例以限制僑民華僑不堪其苦迭經外務部電飭駐法劉星使向法政府切實爭論茲據劉星使報稱越南總督已允將新章酌改以便華僑而敦友誼

中義○外務部前准義署使照稱接政府來文以本國大君主生女附送國書一件請代爲呈遞等因當即奏請 賜書答覆以篤邦交○僑居北京義人豆崗泥踢斃華人福海一案近經提督衙門開腔驗屍委係被傷身死卽解送津海關道會同義國駐津領事訊斷當經審明福海係被豆崗泥毆傷後因病身死遂賞給福海之母文廷氏恤銀二百兩飭

令拾埋了結○滇越鐵路盛工義員包爾孜前由米坡地方領銀回寓由營派兵四名護送路被匪徒持槍出劫該監工騎馬當先中槍斃命護兵亦傷二人當經各兵槍斃匪徒二名生擒二名搜獲洋銀一千二百元破三支碼二十粒當由該路管帶稟由蒙自關道電稟滇督錫清帥咨請外務部照會義使並由清帥將該路管帶段員各記大過復嚴飭該道會同鎮標督飭該營委及地方官懸賞勒限拿緝餘匪究辦

中葡○外務部前接葡王被刺訃音即飭駐法劉星使致詞唁問及新王登位又飭循例重遞國書以盡交誼

中荷○荷政府議定嗣後華人前赴荷屬境地須由華官預先照會在華荷員聲明擬赴何地操何職業以便查考業經荷使照請外務部查照辦理○駐天津荷領事奧波米近由荷政府派署上海總領事所有駐津領事官一缺暫由比國駐津領事官代理

中墨○鄂省漢口商埠向無墨西哥領事近經墨政府特派門羅門薩利佑君為漢口領事官并管鄂湘豫蜀等省各埠事宜業已照會華官接篆任事

間島問題

間島問題迭經外務部與日使交涉迄未能決東督吉撫徐朱二帥為保守疆土綏輯人民計特飭督辦吉省邊務陳大臣昭常等就該處繁盛地方各設派辦處專司稽查彈壓並將駐紮該處之吉強軍遵照陸軍部奏定章程改編巡防隊藉資鎮攝又於一切民政竭力籌畫擬先從清理戶口擴張警察人手而繼之以興學勸農諸政又經陳大臣查得該處天寶山一帶富有礦產前經吉省大吏派委程光第開辦銀礦因資本虧折被革查追乃該員知其有利可圖竟與日人私訂合同招工開採實屬胆玩已極特將該礦封閉所有日人及雇工悉行解散並訪拿程光第懲辦而日政府派駐該

處之官吏則以該礦不應封閉除電告日外務省請飭日使與我外務部交涉外一面知會駐吉日領事照會東督吉撫大肆要索彼蓋以天寶山爲間島屬境間島之屬中屬韓尙未解決則日人在該處經營礦業未爲違法且曾與程光第訂立合同契約之效力尙在也該日員等又租賃韓人房屋設立駐韓統監府出張所與我派辦處相抗不准該處韓人服從陳大臣之示諭又不准韓人納稅於我國近更由該國政府訂定統監府出張所官制以勅令宣布並授齋藤中佐爲該所長官又將向駐寬城子之十二聯隊移紮該處又擬設北韓會甯至該處之電線及輕便鐵路一切經營同時並舉將爲久估計焉聞外務部袁尙書據東督報告已與日使再開談判並詳說豆滿圖們華音相同豆滿江即圖們江絕無差別雖松花江鴨綠江之水源地向有未定境界然豆滿江既確定爲中韓境界則間島之地自有文書可證亦無須爭議且駐劄該處之齋藤中佐原屬武員保護韓民即係干涉地方行政權殊屬不合總之該處境界既已明確毫無疑義至應如何保護該處韓民須由兩國協議辦理等語日使則提出三款一日本應有保護間島數十萬韓民之特別權利中國於間島交涉未解決之前派兵所有日人在間島之事業被其損害者應由中國賠償日人向華商程光第所購得之天寶山礦產應有探掘權利決不退還識者謂此三款於間島之是否屬我抑係屬韓並未提及或者日使已知間島之確爲我國領土云

二辰丸案

署粵省水師提督李軍門於客臘二十八日接寓東偵探員密電謂匪黨在日本購運大宗軍火請即截拿等語當飭實壁兵輪吳管帶敬榮王委員仁棠帶同廣享安香二巡船駛往九洲洋面分頭巡守至本年正月初四日傍晚見有日商船二辰丸在九洲洋中國海面停泊旁有盤艇數艘貼近若將載物卸下者吳管帶以其形跡可疑即飭鼓輪駛近盤詰

外交

二辰丸案

二十五

戊申

並預往九龍關假龍靖兵輪爲助又請洋員五人前往備證既近船知爲起卸軍火即喝該船放梯該船不答突有葡國兵輪駛至往來梭巡似將與寶暨各輪爲難吳管帶不稍却率水兵十數人以鈎攀船一躍而過即向船主查問船主頗囑強嗣王委員暨洋員皆至羣向駁詰船主猶不稍讓無何又有一葡國兵輪至往來行駛如前狀蓋葡兵輪誤以該處爲非中國海面寶暨各輪不應該搜索商船欲與爲難則又乘寡不敵故逡巡未敢前進時二辰船主大聲言曰此處爲澳門海界中國無權巡緝吳管帶乃出地圖示之據天文經緯線得經線東一百十三度三十八分半緯線北二十二度八分二十秒證明係屬中國海界又據國際公法與之辯論蓋公法以距陸地三米線以外之海爲公海三米線以內陸地屬於何國卽爲何國領海該處固距中國地面僅一米零三也船主不能答吳乃促其駛入省城船主又不允時葡國二兵輪往返數次勢將決裂吳乃謂船主曰葡人將與吾決戰吾不可於貴國國旗之下應敵致礙貴國與葡國之交誼須速將橋頭之日章旗易以龍旗船主初不允繼見葡人兇勢允之遂改懸黃龍旗葡兵輪見之大驚陸續駛去於是吳管帶卽勒令該船駛入虎門電請粵督張安帥派員前往辦理安帥卽派委數員勘明前情遂將該船帶回虎門內斜西洋面扣留一面電告外務部一面按照海關會審章程第二條照請駐粵日領事前來會審並聲明六日後未接覆照卽將船貨入官日領以該船停泊該處係屬候潮爲詞并謂該船無應訊之原因亦無可訊之名義且向粵督要求四款一將辰丸釋放二將在場之員弁懲戒三謝罪四嗣後不得再有此等違法之舉動而澳門葡督照會張安帥則謂辰丸停泊處所係屬澳門張安帥一一駁覆所持之理皆有根據蓋以該船既運軍火卽不應闌入中國界內既入我界又無准單卽是私運照約自當充公況該國海關所給單照祇書到香港何以駛至華界若謂因候潮停泊則該船吃水深至二十三尺澳門海道至大潮時不過十三四尺焉能容此巨船況是日潮水係午後二時漲大何以不於二時頃駛去且該船

停泊之後旁有盤艇數艘勢將起卸見實壁各輪駛至始各分竄尤爲情跡顯然至葡國謂該處係屬澳門尤屬荒謬蓋辰九係在九洲洋面拿獲正在海關緝私界內且經吳管帶查明經緯度其爲中國領海無疑有是數証故張安帥力持展期會審主義如日領仍逾期不到不能再待會審即將船貨充公日領又不允且以撤換日旗有辱彼國國體爲詞請將吳管帶懲辦安帥答以該船私運軍火一入我界便爲罪人我卽可以俘虜看待況吳管帶當時不過尊重日旗不使有與葡人接戰形象故撤換之非有輕棄之意日領仍堅執不讓而日使已向外務部交涉謂二辰九並無在中國海面私做買賣之事該船停泊預備起卸之處假如係中國領海然貨物既係送交澳門商人卽不能以私做買賣論且凡運往澳門之貨在該處起卸係屬向例蓋澳門近海水淺稍大之輪船不便進口故也該船既非私做買賣自不能據海關會審章程辦法而論且該船係粵省水師員弁所拘獲其手段與戰時捕獲無異更不能照海關會審章程辦理至撤卸國旗一事實屬藐視國際禮法該船主斷無承認卸下之理等語葡使亦照會外務部謂辰九被捕之處係在葡領海面之喀岡灣非華官權力所及擅自捕拿有礙葡國海權且該船所載軍火實係運往澳門非入中國內地宜卽釋放云云外務部卽據粵督報告一切情形分別駁覆并電咨張安帥速與日領會審和平了結安帥遂加派數員再與日領交涉日領仍不允會審而日使一再抗議大言恫喝且有日兵艦和泉丸駛入澳門附近海面爲示威運動安帥因擬令吳管帶等入京向外務部證明種種確據而駐粵英水師提督則面告安帥謂應由第三國公斷勿遽釋放然日領仍一意固執延不會審且於公斷一層嚴詞拒絕安帥亦不稍却擬俟訂明會審期限滿後卽照章將船貨一併充公其後外務部據赫總稅司德開呈節略十七款勸與日人和平商辦以爲扣留愈久索價愈鉅並慮其肆用強權別生枝節爰以請英水師提督公斷照會日使日使亦不允部又電請安帥速與日領議結不必將全案送葡安帥卽訊粵海關稅司以辦法

據謂赫總稅司所開節略全出遙揣未悉細情隨即逐條駁正呈由安帥電復外務部外務部旋以英使兩向日使勸解堅持未允英使調停之說亦不可恃因即與日使議定結案辦法計共五條一中國政府允將卸下日旗之官員加以懲處並向日政府謝罪又允派一兵輪在二辰九停泊地左近向駐粵日領事署鳴礮致謝二二辰九立即釋放三扣留之軍火由中國政府買回共價日金二萬一千四百圓並承日本政府共表同情勸令該貨主承允免為匪黨所得四拘獲二辰九之官員中國政府允為查明懲罰五二辰九被扣留後所受損失中國允為賠償其數由粵督與日領公平酌核又因日本應允將來如遇日本商輪裝運軍火來華必為嚴密防範故中國政府特表明感謝之意議既定即由外務部電告安帥照辦安帥以既由外務部與日使議結爭亦無益因即遵照辦理於是辰九一案在我本有確鑿之據可獲全勝之果而歐美人之言論復多袒護我而不直日本者終以強弱不敵反直為曲既喪權利又損國威為前此各國拘獲敵船交涉之先例所未有以故粵嶠人士至今引為大辱歐美報章亦皆斥日人之強暴焉

西江捕權善後

英國商船前在粵省西江被劫致英人藉口中國緝捕不力自行派艦巡緝一案自外務部與英使迭次交涉英使即允電飭駐粵領事轉飭各該巡輪即行退出計所有駐泊梧州之兵輪若干艘均於年前相繼撤退其原在封州口至羅定德慶之魚雷艇亦已一律撤退此外在三水河口一帶游弋之魚雷等艇均各先後駛出西江而粵督張安帥鑒於此案知非自行整頓緝捕不足以弭盜患而免交涉爰與水提李軍門商定東西北三江整頓捕務章程十條發交粵海關稅司籌議旋經該稅司逐款議覆稟由安帥覆核均屬可行當將原章十條及議覆十款併案札屬遵辦至其所訂辦法凡駐守巡緝大小地段一切功過職守權限條分縷晰籌畫精詳原文已載第四期軍事門內茲不贅述

香山界務辦法

粵省香山縣屬前山與澳門交界地方多被葡人侵佔節經粵省紳商稟由粵督張安帥電請外務部與葡使交涉安帥並籌治標之法以杜絕覬覦斷在派兵防守查該處本有前山同知一缺設立之初係仿綏同知辦法名爲前山撫夷同知統兵五百名駐守保護厥後時事變遷將撫夷二字裁去祇留兵壯數十名界務糾葛實由於此因擬規復舊制仍設兵壯二百名又由海關月撥銀三百兩爲該缺津貼並即改派能員從新佈置又擬在灣仔地方添設電報房一所以通消息並以從前中葡定界係以海心爲準近年葡人將澳門海濱填開數十丈若仍照海心分割便吃大虧擬即仿各國辦法用經緯度數爲定點辦法既定即飭屬分別照行一面復將詳情咨明外務部並繪具精細地圖以便查照原定界線及陸續侵佔之海陸界按圖與葡使交涉閱外務部准咨後擬將各種證據齊即與葡使開正式交涉云

各國交涉彙誌

各國○西歷一千八百五十五年英法兩國曾聯保瑞那爲中立國以抵制俄人之侵奪自前年瑞那分立此約亦遂作廢近復由英法德俄四國與那威訂立新約仍認該國爲中立國惟瑞典國不與其列故瑞人聞之不勝憤懣以爲此約意在抵制瑞典云○西班牙近與英法三國聯盟其盟約所載英法均以保護西班牙沿海一帶及西班牙沿海附近屬地爲言至班之對於英法則略有不同其於英也須保護直布羅陀之穩固其於法也須保護阿耳及斯塞內加爾等處與法國本土聯絡之自由倘一旦法與他國開戰西班牙當許法國地中海艦隊及大西洋艦隊自由集合互通聲氣聞訂約時三國全權曾將盟約大綱宣示俄德奧義諸國諸國深知三國在大西洋地中海之關係密切亦無異言按此事發端於法班聯盟繼而有英班聯盟今始擴爲英法班三國之聯盟雖英法於此各有用意而西班牙自戰敗於美國勢

外交

香山界務辦法

各國交涉彙誌

二十九

戊申

浸。衰。今。有。此。盟。復。將。輻。起。而。與。列。強。並。立。且。將。漸。登。歐。陸。之。舞。臺。與。羣。雄。相。競。逐。矣。○。歐。洲。各。國。函。致。土。耳。其。王。請。從。速。宣。布。允。許。各。國。重。行。管。理。馬。其。頓。財。政。之。問。題。土。王。不。答。旋。令。薩。洛。尼。喀。兵。隊。預。備。戰。事。並。擬。招。募。新。軍。以。示。土。之。可。以。自。行。管。理。馬。其。頓。云。

日。俄。○。日。俄。兩。國。派。員。會。勘。庫。頁。(日。名。樺。太。俄。名。薩。哈。連)邊。界。業。經。告。竣。聞。於。經。線。五。十。度。處。覺。有。天。文。可。以。為。記。識。者。四。事。即。順。界。線。闢。十。啟。羅。密。達。之。空。場。樹。立。界。碑。以。為。標。識。其。諸。逆。薩。拉。賓。兩。島。亦。已。定。妥。一。俟。測。繪。分。界。地。圖。告。竣。即。在。海。參。威。互。換。○。日。俄。改。訂。通。商。條。約。俄。允。日。本。在。海。參。威。哈。爾。濱。及。尼。古。拉。士。克。三。處。派。駐。領。事。日。本。亦。允。俄。國。在。小。樽。敦。賀。兩。埠。派。駐。領。事。茲。聞。日。本。在。哈。爾。濱。之。領。事。署。業。經。開。辦。又。向。駐。海。參。威。買。易。事。務。官。當。改。訂。商。約。時。即。已。改。稱。領。事。又。尼。古。拉。士。克。領。事。署。須。增。籌。外。務。省。經。費。力。可。開。設。至。俄。國。應。設。敦。賀。小。樽。兩。埠。領。事。館。因。開。辦。經。費。未。經。議。院。准。撥。故。至。今。尚。未。設。立。云。○。前。有。日。人。三。名。自。俄。屬。瓦。羅。赴。高。加。索。游。歷。行。至。羅。斯。德。地。方。忽。被。俄。官。疑。為。日。本。秘。密。偵。探。嚴。查。其。所。攜。物。品。頗。有。類。於。偵。探。遂。即。宣。告。死。刑。嗣。經。同。行。之。丹。麥。婦。人。電。訴。駐。俄。日。使。日。使。即。照。請。俄。外。部。釋。放。俄。外。部。當。飭。該。地。方。官。再。行。調。查。旋。據。覆。稱。該。日。人。行。囊。中。帶。有。俄。國。寫。真。地。圖。確。係。軍。事。偵。探。俄。外。部。為。慎。重。交。涉。起。見。復。派。精。通。日。語。之。員。重。行。調。查。遂。以。篋。中。並。無。何。等。之。文。書。知。係。誣。告。即。判。令。釋。放。並。將。誣。告。人。及。偽。證。人。審。訊。治。罪。

日。英。○。日。本。政。府。前。因。英。屬。坎。拿。大。溫。哥。華。地。方。白。人。有。攻。擊。日。本。工。人。情。事。特。派。委。員。與。坎。拿。大。政。府。嚴。行。交。涉。處。經。坎。拿。大。首。相。魯。瑞。爾。君。電。致。日。本。政。府。願。將。反。對。日。工。之。事。設。法。禁。止。日。皇。亦。即。電。覆。謂。坎。拿。大。政。府。極。力。維。持。此。事。足。使。兩。國。邦。交。益。見。親。密。云。

日。美。○。駐。美。日。使。青。木。周。藏。前。與。美。政。府。密。議。擬。訂。日。美。協。約。中。所。載。有。兩。大。款。一。保。障。日。美。兩。國。在。遠。東。及。太。平。洋。

之領土權相約不得侵犯二日美兩國互相協定尊重保全中國開放門戶之原則凡以前日政府給與美政府之口約及美政府給與日政府之口約皆作爲成文而確保之美總統魯司華爾於此項協約首先承認且告青木云如日政府表同情於此舉則予當要請議會將給與歸化權於日人之議案通過而日外務大臣林董君則不以此舉爲然且恐青木任情逕行或致債事特奏請日皇將青木調回改簡前任駐美公使高平小五郎爲駐美公使聞高平於謁見美總統呈遞國書時聲述日皇對於保守環球和平之問題甚爲注意更擬保全各人應得之利權美總統亦代表其政府并全國人民論以現在美政府所行之政策實以保守各國和平爲宗旨并極力聯絡日美兩國之睦誼使兩國人民得享和平幸福云

德暹○德政府前會擬將駐暹羅之委員改爲公使業經議院議准并照會暹政府矣

俄奧○奧匈外務大臣哀倫脫爾男爵前向匈牙利代表演說中有深望奧土希三國鐵路不日可於拉里薩地方銜接以與希京雅典交通是路告成後卽爲由歐洲中部至埃及及印度最短捷之路程等語俄皇聞之深滋不悅卽飭外都大臣伊斯福士基電請駐奧公使阿奴索夫親王暫行回國以示反對之意

俄法○駐俄法使班巴爾德前因與俄政府不甚接洽電請政府調回旋由法政府派海軍少將安查爾君爲駐俄法使以繼班氏之任

法班○法政府照會西班牙政府請將對付摩洛哥之政策速求進步並宜調派兵隊開往摩國所派兵數須較卡沙布郎卡地方爲多聞西政府擬卽在摩國實行組織巡警以符阿爾西亞之約

法美○法美兩國新訂一約以保守和平爲宗旨業由兩國全權大臣在華盛頓簽押互換

外 交 各國交涉彙編

三十二

五月

法摩○法國駐紮摩洛哥軍隊統帥屈魯特大將前向摩政府要求三款一各土族人民須一律投降二賠償攻擊卡沙布郎卡城所需兵費三當以人為質保證其無異心摩政府答以二三兩款可以照辦惟第一款殊屬為難云按當時摩王阿都爾阿斯士尙未被廢也

布塞○布加利亞政府照請塞爾維亞政府速將駐紮馬其頓兵隊概行撤退以免滋生變故有礙邦交

商務印書館出版初級師範教科書

案學堂章程定省城及各州縣均設立初級師範學堂一所所以造就小學教員實為目今當務之急本館特請內外教育家編纂教科書列目如下

- | | | |
|-------|------|------|
| 教育史 | 學部審定 | 價二角 |
| 教育學 | | 價二角 |
| 教授法原理 | 學部審定 | 價二角 |
| 學校管理法 | 學部審定 | 價二角 |
| 各科教授法 | 學部審定 | 價二角 |
| 心理學 | | 價二角半 |
| 論理學 | | 價一角半 |
| 中國文典 | | 價二角半 |
| 中國地理 | | 價一角半 |
| 物理學 | | 價三角 |
| 化學 | | 價三角 |
- 此外尚有動物學植物學現已付印不日出版續編礦物生理及算術代數幾何等陸續付印廉價出售至中學程度之學校參用是書亦頗適宜

商務印書館出版各種簡易課本

教育普及

之方法不但使未成年之人悉受教育尤在使已成年之人未入學校者皆具有普通必要之知識以為立憲自治之基礎本館以此目的編纂簡易課本列目如下

- | | | |
|--------|----|--------|
| 簡易修身課本 | 一册 | 每册一角 |
| 簡易國文課本 | 二册 | 每册一角二分 |
| 簡易歷史課本 | 一册 | 每册一角 |
| 簡易地理課本 | 一册 | 每册一角 |
| 簡易數學課本 | 二册 | 每册一角五分 |
| 簡易格致課本 | 一册 | 每册一角 |
| 簡易實業課本 | 一册 | 每册 |
| 簡易法制課本 | 一册 | 每册 |
- 此項課本凡半日學堂夜學堂宜講所均可用之即年長之人粗識文字從事於農工商實業者自修此書亦足以廣見聞通時務於立身處世均有裨益實為今日之

國民必讀

上海商務印書館

新譯各種小說出版

林琴南先生譯本小說

美洲童子萬里尋親記	三角
埃及金塔剖尸記	一元
英國詩人吟邊燕語	三角半
雙孝子嘔血酬恩記	五角半
足本迦茵小傳	一元
愛國二童子傳	七角半
洪翠女郎傳	七角
鬼山狼俠傳	一元
神樞鬼藏錄	二角半
玉雪留痕	四角半
蠻荒誌異	六角
霧中人	一元
新天方夜譚	五角
橡湖仙影	一元二角
紅礁畫漿錄	八角
魯濱孫飄流記	七角
魯濱孫飄流續記	五角半
斐洲煙水愁城錄	八角
撒克遜劫後英雄略	一元
英孝子火山報仇錄	九角

歐美名家小說	
歐洛克奇案開場	三角半
十字軍英雄記	九角
塊肉餘生述	一元二角
大食故宮餘載	六角半
孝女耐兒傳	一元四角
金風鐵雨錄	一元
旅行述異	七角半
滑稽外史	二元
劍底鴛鴦	七角
拊掌錄	三角
玉樓花劫	六角半
以上林琴南先生譯本	
孤星淚	七角
俠隱記	一元半
續俠隱記	二元
法宮秘史	一元二角
漫偶攝實戈	三角
不測之威	八角

袖珍小說	
玫瑰花下	一角半
羅仙小傳	一角半
黑衣教士	一角半
狡童童子	一角半
狡兔窟	一角半
銀鈕碑	一角半
五里霧	一角半
怪醫案	一角半
行路難	一角半
三名刺	二角
三疑案	一角
幻想翼	一角
薄命花	一角
中山狼	二角
易形奇術	一角半
海棠魂	一角半

財政

論國家徵稅之公理 楊毓輝稿

近年以來中原多故。國用日繁。徵權頻興。閭閻憔悴。論者遂以加稅相詬病。頃者朝廷預備立憲。實行新政。歲出之額陡增。而歲入不加多。將何以興利剔弊。計臣既窮於籌畫。於是奏請參仿西法。舉行印花之稅。而其章程規則。仍以利國而不病民爲宗。體貼民情。可謂無微不至矣。乃論者猶有微詞。其殆不知國與民之關係。並不知立憲國民之責任者乎。夫立憲國民。有納稅之義務。斯固環球公例。況乎亞聖有言。無君子莫治。小人無小人莫養。君子上之什一。取稅下之踴躍。輸將實國。與民相維。相繫之公理。所不可不辨者。在乎所稅之法。爲何如。法所稅之用。爲何如。用耳。

使其所稅之法。無益於社稷。有病於商民。竭天財。地利之源。供吏飽胥。漁之用。則不可行也。使其所稅之用。取之盡錙銖。用之如泥沙。供服御之奢華。侈土木之玩好。則不可行也。是故莊子有言。鈞錙網罟罾筴之知多。則魚亂於水矣。削格羅罟之知多。則獸亂於澤矣。弓弩畢弋機變之知多。則鳥亂於林矣。而況民之財力。幾何。取有限之脂膏。填無窮之慾壑。刻

財政

論國家徵稅之公理

四十五

戊申

却。心。頭。之。肉。醫。得。眼。前。之。瘡。弱。者。貧。無。立。錐。桀。者。鋌。而。走。險。爲。害。不。可。究。詰。故。重。徵。罔。利。之。主。義。實。釀。亂。之。階。而。不。可。行。也。若。夫。舉。行。新。政。匡。濟。時。艱。皆。國。民。公。共。之。事。業。苟。其。度。支。不。給。自。應。徵。取。於。民。此。則。不。能。以。重。徵。病。民。者。相。提。並。論。故。遇。國。家。多。故。加。稅。以。濟。度。支。爲。歷。代。通。行。之。公。理。而。不。獨。於。今。日。請。舉。歷。史。以。釋。羣。疑。

漢。當。文。景。度。支。充。羨。蠲。稅。減。租。蓋。當。承。平。無。事。自。應。寬。紓。民。力。爲。藏。富。天。下。之。計。及。武。帝。有。事。四。邊。國。用。漸。匱。於。是。募。民。入。奴。婢。得。以。終。身。復。而。又。令。民。買。爵。入。羊。爲。郎。元。光。六。年。徵。商。買。車。船。矣。元。狩。四。年。稅。緡。錢。鹽。鐵。矣。元。封。元。年。則。置。均。輸。之。官。矣。天。漢。三。年。則。權。酒。酤。之。稅。矣。雖。其。諸。稅。繁。興。民。力。漸。匱。然。而。備。邊。者。所。以。衛。國。卽。所。以。衛。民。因。衛。民。而。加。徵。則。凡。屬。國。民。自。有。供。納。之。義。務。故。其。時。捐。稅。雖。重。民。皆。奉。上。急。公。未。嘗。不。服。其。雄。才。大。略。也。此。證。諸。漢。而。知。爲。國。用。以。加。稅。實。無。足。異。者。一。也。

唐。初。稅。法。極。輕。肅。宗。初。兩。京。被。陷。度。支。拮。据。江。淮。始。有。率。貸。之。名。諸。道。始。有。商。買。之。稅。千。錢。一。者。及。德。宗。平。朱。滔。王。武。俊。田。悅。後。軍。費。不。給。於。是。借。富。商。之。錢。取。市。糶。之。利。以。及。稅。間。架。算。除。陌。取。備。匱。納。質。錢。而。茶。漆。竹。木。之。徵。復。什。中。而。取。一。苛。細。殆。甚。於。今。日。此。證。諸。唐。而。知。爲。國。用。以。加。稅。實。無。足。異。者。二。也。

宋自藝祖太宗恭儉簡易論者謂其時稅則極輕上供無額外之求州縣無非法之歛無他承平無事故也仁宗景祐之際西邊事興權茶乃復行加權之法及其後軍務倥傯國用日窘不但加向有之稅而並創向無之徵於是經總制錢月椿錢板帳錢諸色名目並起然而讀史者尙論其事未嘗以苛徵目之者何也以非加稅不足以治國安民也此證諸宋而知爲國用以加稅實無足異者三也

不甯惟是自古國家多事不特國民盡納稅之義務並有獻私財以急公益者劉宋文帝元嘉二十七年王公妃主朝士牧守各獻金帛以助軍固無論矣其時富室小民有獻私財至數千萬者揚南徐兗江四州富民貲滿五十萬僧尼滿二十萬並四分借一事息而還是則資民之力濟國之難列代通行之公理正與泰西各國國與民互相維繫用意無殊何淺見者動以徵稅爲異哉

中國每遇加稅論者輒謂竭澤而漁然試與列邦比較則中國所徵稅課實輕於彼族倍蓰泰西各國無一物而不稅無一事而非稅每遇國有大事則尤諸稅並起額外加增如法於一千八百七十年戰事之後創設馬稅車稅脚車稅彈子稅印紙稅登錄稅俱樂部稅幾於無一不稅其餘各國皆然今其所謂直接稅間接稅者立法細密多出於中國稅法之外卽

如所得稅一項。日本今亦仿行。種類大別爲三。一曰法人每歲所得之千分。課以二十五分爲率。二曰公債社債每歲所得利息之千分。課以二十分爲率。三曰箇人每歲所得之金額。三百元以下者免課。三百元以上。則千分中課其十。五百元以上。則課十二。一千元以上。則課十五。二千元以上。則課十七。三千元以上。則課二十。五千元以上。則課二十五。一萬元以上。則課三十一。一萬五千元以上。則課三十五。二萬元以上。則課四十三。三萬元以上。則課四十五。五萬元以上。課五十五。十萬元以上。課五十五。觀其丙午之統計。共收所得稅二千一百八十八餘萬元。是皆中國所無者。而論者猶謂中國稅重。何其不察之甚乎。

矧以中國幅員之廣。戶口之繁。爲環球各國所罕有。而其每歲所入不逾萬萬。率以八九千萬爲常。試以四百兆戶口按數均分。每人每年平均納稅約計二角五六分。而以東西各國人民每人負擔之稅額互相比較。則輕微已甚。如俄國每人每年平均納稅十四元。英國每人每年平均納稅二十七元。固視華人負擔之額。相去判若天淵。卽日本叢爾之邦。每人每年亦平均納稅五元七角。而增於中國二十三倍。說者猶謂中國人民咸爲重稅所困。豈得謂持平之論乎。

所可異者。中國之稅雖輕。而商民已覺其困。泰西之稅雖重。而平時民不爲病。有事更踴躍。

輸。將。在。昔。西。歷。一。千。八。百。五。十。四。年。法。國。拿。破。崙。第。三。用。兵。而。餉。項。不。給。下。令。募。國。債。金。錢。二。億。五。千。萬。佛。郎。而。國。人。請。納。四。億。六。千。萬。翌。年。度。支。復。匱。前。募。之。債。入。不。敷。出。乃。復。下。令。國。中。增。募。公。債。金。錢。七。億。五。千。萬。佛。郎。而。國。人。請。納。三。十。六。億。五。千。萬。其。急。公。好。義。如。此。以。視。中。國。之。負。擔。雖。輕。而。人。民。轉。極。其。病。者。其。中。之。盈。虛。消。長。必。有。絕。大。之。原。因。焉。

然。則。其。原。因。何。在。曰。就。其。表。面。而。言。不。外。乎。經。濟。之。通。塞。蓋。泰。西。各。國。國。家。之。富。力。膨。脹。社。會。之。經。濟。流。通。皆。有。一。日。千。里。之。勢。故。國。民。負。擔。雖。重。而。不。至。於。拮。据。況。以。精。神。上。而。言。則。又。君。民。一。體。上。下。一。心。舉。國。皆。服。從。於。憲。法。範。圍。之。中。政。府。既。視。民。事。為。國。事。無。一。事。而。非。為。民。人。民。遂。視。國。事。如。家。事。無。一。民。而。不。愛。國。而。國。家。又。抱。進。化。主。義。務。以。開。民。智。厚。民。生。民。既。富。庶。且。康。用。能。奉。上。急。公。無。難。事。並。無。吝。色。而。且。取。之。於。民。者。仍。悉。用。之。於。民。豫。算。決。算。之。案。必。經。議。院。通。過。無。一。毫。涉。於。虛。糜。此。所。以。稅。重。而。民。不。以。為。苛。役。繁。而。民。不。以。為。病。也。

雖。然。彼。之。開。民。智。者。在。乎。學。校。我。中。國。豈。不。能。普。興。教。育。乎。彼。之。厚。民。生。者。在。乎。實。業。我。中。國。豈。不。能。振。作。工。商。乎。彼。之。興。國。際。貿。易。政。策。實。為。富。強。之。本。原。而。其。操。縱。之。方。不。外。乎。獎。勵。出。口。限。制。入。口。且。其。對。於。內。國。工。業。又。不。外。乎。保。護。政。策。補。助。政。策。是。皆。我。中。國。所。能。行。

財 政

度支部奏議覆署直隸總督楊奏京津銅元紛雜遵章查禁並請籌辦法摺

五十

五月

者誠能切實力行則天地之利源日開閭閻之生計日裕彼時加租加稅縱數倍於今日而負擔者轉相率樂從此亦國家進化後必有之現象也欲求富國者可以知所本矣

度支部奏議覆署直隸總督楊奏京津銅元紛雜遵章查禁並請籌辦法摺

軍機處交出署直隸總督楊士驤奏京津銅元紛雜遵章查禁並請籌辦法以維全局一摺光緒三十三年十一月初四日奉 硃批著該衙門照章查禁餘著度支部速議具奏欽

此欽遵到部查原奏內稱津埠市面及直隸各屬近時外來銅元日益加多火車輪船源源載運漫無限制銀價疊增至數百文之多並聞京師亦漲至十六七吊銀價既漲百物騰貴官商兵民同受此害目睹現狀不能不從嚴查禁現已派員分投密查除遵部章行旅每人准攜川資二千枚外凡遇大批銅元入直境者即行勒令運回私鑄及外來入口者一律充公給賞仍將奸商從嚴罰辦懇 飭民政部步軍統領衙門順天府暫照部章一體查禁等語臣等伏查上年_{丙午}二月財政處會同臣部奏准整頓圖法章程即首重禁止大宗販運訂明銅元二千枚以上為大宗不准進口出口本年_{丁未}十月臣部以京都幣價日落亟應維持札據總銀行正監督張允言等查覆呈稱京中及近畿一帶銅幣價落實由奸商購運大宗銅元進口太多即經咨行民政部步軍統領衙門順天府出示嚴禁私運派員密為查拿

並咨該督及稅務處於海口及各關要設法查禁等因在案茲據該署督奏陳前因欽奉

硃批著該衙門照章查禁應即恭錄

硃批咨行民政部等衙門欽遵照辦凡順直海

口關要及京師車棧城門一律禁止大宗銅元運入以維市面又原奏內稱銅元之行各省受害已重似宜通盤籌畫嚴訂限制章程俾各省僅鑄供本省之用不得彼此通行庶幾影射無從外私可絕況各省自鑄其勻配有權多寡自能適當不至如前充斥明知流通國寶不應限以方隅然爲害多端不能不從權辦理觀於河南一省限制外省銅元不准通行該省銀價遂跌物價因而平穩可爲明驗要知外洋私鑄不難設法查拿各省充斥之數非嚴定限制不能挽銀價之漲而折價之故外省又非無因手搖機器無地無之模式相同萬難辨認官鑄既多非折價不能抵制承辦局員遂有祇顧一省成本不顧鄰省充斥之想乞

飭部速定通行章程以整圓法一節查各省鑄造銅元早經財政處臣部奏定限制數目並令先儘本省錢少之處發行不得大宗運往他省各省如果切實照辦就地疏銷祇須遵章查禁大宗私運自不至充斥一隅若並行旅所用一概禁其交通使彼省市面不用此省銅元揆以泉貨義主流通實多窒礙況裁併局廠及未鑄省分亦豈可不用銅元嗣後應仍照定章專禁二千枚以上大宗進口以期簡易可行亦免別滋擾累至各省私鑄盛行減價

財政

度支部奏鑄造銅元紛雜違章查禁並請鑄辦法摺

五十一

戊申

財政

度支部奏請鑄造新式銅元粉雜通字查案理請鑄辦法摺

五十二

五月

爭售錢法敗壞實由於此。歷經財政處臣部申明禁止，不免日久生懈。應請飭下各省督撫臣再行申禁，從嚴懲辦。並設法查拿外洋私鑄入境，以清幣源。又原奏內稱查禁銅元，不過一時權宜辦法，欲定通常持久之計，非速定本位多鑄金銀各元，廣行紙幣，終無整齊畫一之日。一節查銀元紙幣，臣部於本年奏准後，正在籌議開辦。金本位關係尤重，經臣部於議覆出使大臣汪大燮條陳金幣摺內擬定各種辦法，奏請會議。應俟內閣會議政務處核覆奏定後，再行遵照辦理。原奏又稱北洋舊鑄銅元本屬不多，省外並未通行，即經停鑄。近奉部文增鑄當二當五當一各項小元，勢不容不搭鑄。當十以資勻配，臣與官商熟議，祇得照舊開鑄。遵照部議，按成搭鑄。惟此時開鑄係為多鑄零元，便利民用，斷無餘利。從前認解各款萬難照認一節，查直隸鑄造銅元廠前經奏定作為臣部造幣津廠，每日鑄數連大小元併計額定當十銅幣六十萬枚。近據保定商務總會以銅元既行，制錢轉行缺乏，稟請頒發各種小銅元，以便民間零用。當經咨行該省在案。茲該署督奏請開鑄一切成數辦法，聲明悉照部章辦理。應即照立案至該廠，此次開鑄多鑄小元，如果毫無餘利，則所請自應照准。倘餘利不至全無，自應查照各分廠畫一章程，以四成解部作為練兵經費，六成留充本省公用，以歸一律。仍將開鑄日期及每日所鑄造行銷每季綜結各數目分次具報。臣

部以憑查核謹奏奉 旨依議欽此

度支部奏酌撥光緒三十四年分兵餉摺

竊查雍正九年十二月臣部奏定各直省兵餉於歲需外預撥來春一季錢糧向係年前題撥咸豐三年臣部請趨早辦理改題爲奏歷經遵辦在案再查光緒二十一年六月間臣部因需餉孔殷庫奇絀奏請 飭下各直省督撫將原有制兵認真簡閱除了壯可用者酌量挑留編作練軍外其餘老弱一概裁撤每省挑留兵數至多不得過三成限一年歲事仍將裁去兵額及節存餉需分晰開單奏明辦理行知遵照亦在案茲查光緒三十四年分各直省應需兵餉銀兩自應循例酌撥並令各省督撫遵照臣部奏案將裁兵節省餉需若干專案存儲報部候撥以重款項所有來年_{中戊}應需兵餉銀兩除甘肅及新疆應需_{戊申年}兵勇餉項業經臣部查照上屆成案另行奏撥外其餘各省_{戊申年}共需兵餉等銀一千十五萬二千九百三十兩九錢五分九釐二毫六絲八忽一微內除上年冬撥案內預撥並應徵銀兩留抵及奏准協濟各款銀二百八十四萬四千九百七十七兩八錢九分六毫尙應撥銀七百三十萬七千九百五十三兩六分八釐六毫六絲八忽一微又應預撥已酉年春季兵餉銀二百五十八萬五千兩二共銀九百八十九萬二千九百五十三兩六分八釐六

毫六絲八忽一微卽在各省已徵現銀及丁未年未完地丁戊申己酉年應徵地丁並釐金鹽課關稅等款湊撥供支惟此等常年兵餉不准奏請改撥應請 飭令各該督撫等遵

照歷年欽奉

諭旨認真核辦前項未完應徵各款爲數甚鉅務當自行籌畫毋得推

諉致滋貽誤所撥銀款應照例定期限趕先如數批解仍將起解日期委員職名報部至戊申年截曠小建等銀應令扣存司庫候撥所需本色米豆草束於額徵米豆草束內支給其折色米豆草束照題定價值於所撥銀內折給再冬撥估餉冊例應十月內到部除河南雲南貴州等省已據依限造送到部自應按照各該省冊造數目酌撥其直隸山東山西陝西安徽江甯江蘇江西浙江福建湖北湖南廣東廣西四川限內均未造送到部臣部查照各該省從前請撥無閏之年兵餉數目撥給倘有不敷准其在於地糧內撥補如有餘贖扣存司庫候撥並查取造冊逾限職名送部核議仍令各該督撫將應造冬撥估餉冊籍趕造送部以憑查核謹 奏奉 旨知道了欽此

度支部奏釐定各銀行則例摺附則例四種

光緒三十二年閏四月二十二日前財政處會同臣部奏稱銀行者流通圓法之樞機維持商務之根本東西各國有中央銀行復有普通勸業儲蓄各項銀行考其制度約有兩端一

爲國家銀行由國家飭令設立與以特權凡通用國幣發行紙幣管理官款出入擔任緊要公債皆有應盡之義務一爲民立銀行爲商民之所請立必由政府批准然後開設大旨皆與商民交易凡其集股數目營業宗旨以及一切辦法均當呈明於戶部而款項營業情形仍須隨時報告以上各種銀行戶部皆有統轄查考之權且各設專例以監督之誠以銀行爲通國財政所關實戶部之專責中國現當整飭財政之時凡畫一國幣辦理公帑洋款銀行尤關緊要若無管理之規條恐各項銀行必致自爲風氣則財政仍無整齊之日是以臣等參考銀行之制設立戶部銀行開辦以來略見成效正籌推廣以立中央銀行之基礎現遴選通曉銀行章程人員參考東西各國規則釐定各種銀行管理及營業專例勒爲成書恭呈 欽定頒行嗣後凡國家銀行以及普通農工商業儲蓄各銀行銀號無論官立民立均應遵照辦理庶盡臣等管理之責而期與各國成法相符等語奉 旨允准在案臣等伏查近年風氣開通官立私立各項銀行日益增多亟須頒布則例俾營業者有所遵循臣部職司管理亦可有所據依藉收畫一整齊之效惟此項例文雖有譯成東西各國通行章程可備參考而揆諸中國商務之風俗習慣亦難必其盡合纂輯之餘益用詳慎上年財政處於奏准後遴員編纂成帙移交到部臣部復派員細心研究擬定銀行則例四種臣部

財政

廣支部奏釐定各銀行則例摺

五十五

戊申

所設銀行原名戶部銀行即爲中央銀行現臣部已改爲度支部擬改銀行之名曰大清銀行計則例二十四條中國向無銀行而經營金銀匯劃貿易如銀號票商錢莊以及各省所設之官銀號官錢局凡有銀行性質者即可以普通銀行賅之計則例十五條殖業銀行爲農工所倚賴東西各國實業之進步悉由於此現時農業銀行尙未設立而關於路工之郵傳部交通銀行及浙江鐵路之興業銀行皆殖業銀行也計則例三十四條各項銀行之存放款項務取其多而提倡居積之風萃集鑄銖之款者爲儲蓄銀行各省現已設有數處計則例十三條臣等詳加查核尙屬周妥謹繕清單恭呈 御覽 俟 欽定後卽由臣部行知該管衙門及地方官通飭各處銀行一律遵照辦理謹 奏奉 旨依議欽此

大清銀行則例 第一條 大清銀行就戶部銀行改設原有資本銀四百萬兩擬再添招六百萬兩合共一千萬兩分爲十萬股股票概用記名式由國家認購五萬股其餘限定本國人承買至貿易擴張續行增加資本之時應由股東總會決議稟准度支部添招 招股章程由大清銀行自定但不得招他國人民入股亦不准股東將股票轉售於他國人 第二條 大清銀行爲股分有限公司各股東責任以所認定之股分爲限股分外如有損失概不負責任 第三條 大清銀行設總行於京師其沿江沿海貿易繁盛之處以及各省

府廳州縣應設立分行分號得隨時斟酌地方情形稟准度支部照章分設或與殷實銀行銀號按照銀行章程訂立合同作為代辦或與他行號聯結為匯兌之契約均須呈明度支部核准度支部視為應行分設之時可命銀行照章設立 第四條 大清銀行營業事項開列於左 一短期拆息 二各種期票之貼現或賣出 三買賣生金生銀 四匯兌劃撥公私款項及貨物押匯 五代為收取公司銀行商家所發票據 六收存各種款項及保管緊要貴重物件 七放出款項 八發行各種票據 第五條 大清銀行有代國家發行紙幣之權但須遵守兌換紙幣則例另訂詳細章程呈准度支部施行 兌換紙幣則例未頒布以前准其暫時發行市面通用銀票 第六條 大清銀行得由度支部酌定令其經理國庫事務及公家一切款項並代公家經理公債票及各種證券 第七條 大清銀行有代國家發行新幣之責應隨時體察市面情形向度支部請領新幣由部核准知照造幣廠分別發放以資流通 第八條 大清銀行除上開事項外不得再營他業 第九條 大清銀行不得將本行股票作為抵當之物亦不得自行買回 第十條 大清銀行除營業應用地基房屋外不得將不動產買入或承受惟或因清理欠款由債主交付或因抵當借款由官斷給須由銀行屬原經手人並委本行確實人一同估勘實抵價值若干經

財政

度支部奏定各銀行則例

五十七

戊申

職員會決議亦可暫時承受仍限於十二箇月以內迅速出售倘限期內迫於出售價值致被勒抑經理人申明實在情形由銀行呈准度支部量展期限至多再以六箇月爲止若其中因不經意致有損失前後經手人均應負其責任 第十一條 大清銀行不得以行中款項營運他項商工業但有時收入確實可靠之公司股票隨時買賣者不在此例 第十二條 大清銀行凡遇各地方市面銀根緊急之際得由職員會定議呈准度支部借給款項維持市面仍由銀行按期照章結算存息聽候部示 第十三條 大清銀行營業年限自總行開辦之日計算以三十年爲期滿期後得由本行職員及股東總會決議呈准度支部展限 第十四條 大清銀行設正監督一員副監督一員理事四員統理總分各行一切事務正副監督由度支部開單請 簡理事由股東總會投票公舉呈准度支部加札派充 設監事三員監察總分各行一切事務由股東總會投票公舉 此外各分行總辦由銀行呈准度支部奏派經理協理司帳等員由銀行職員公同選派呈明度支部註冊 理事非有一百股以上監事非有四十股以上者不得當其選舉 正監督副監督理事監事權限責任及經理協理以下各員合同保單薪水押櫃銀兩與辦事規則均由大清銀行自訂章程呈准度支部遵辦 第十五條 度支部特奏派監理官二人監理大清銀行

一切事務 監理官應隨時檢查大清銀行之票據現金及一切帳簿 監理官得出席於股東總會及其他一切會議陳述意見但不得加入議決數 度支部視爲應行查核時可隨時派員會同監理官查核大清銀行一切事務 第十六條 正監督副監督分行總辦以五年爲一任理事以四年爲一任監事以三年爲一任分行總辦理事監事如辦事妥慎均可再受舉派 正副監督分行總辦任事期內不得兼他項重要官職理事監事任事期內不得兼他銀行公司事務員 第十七條 總分各行須造營業資財切實報告由總行呈送度支部查核 第十八條 大清銀行每半年結帳一次將總分各行營業資財及半年行中情形由總行編輯彙報度支部查核每年總結帳一次除開支行中薪水各種營業費及股票長年六釐官息外至少提一成爲公積此公積款項除填補資本虧耗及官息不足外不得支用 第十九條 每年定期在京師總行開股東會議一次惟須入股註冊在一箇月以前並須於會前三日持股票赴總行報名者方得與議 凡會議應於一箇月前以郵函分寄並登日報通知各股東臨時有重要事項必須會議時須招集臨時股東總會監事全員或股東五十人以上陳明議事宗旨請求會議者亦得招集臨時總會 第二十条 大清銀行應照本則例之旨自定詳細章程呈請度支部核准章程有應行改動之處

須開股東總會決議呈准度支部施行 第二十一條 大清銀行如經度支部及職員並股東總會查明本銀折閱過半即應將營業停止仍須議定辦理結帳人員俟將存欠帳目收付清楚所餘本銀按股分給各股東方准閉歇 第二十二條 正副監督分行總辦事等員如有故違此項則例或不遵守權限致有損壞行中營業事項者經度支部查明輕則分別處罰重則奏明撤換行中所受損失仍著該員賠繳或經股東三分之二決議亦得呈請度支部查明奏換 第二十三條 本則例於奏定後三箇月施行 第二十四條 本則例如有應行修改之處隨時斟酌情形奏明辦理

銀行通行則例 第一條 凡開設店舖經營左列之事業無論用何店名牌號總稱之爲銀行皆有遵守本則例之義務 一各種期票匯票之貼現 二短期拆息 三經理存款 四放出款項 五買賣生金生銀 六兌換銀錢 七代爲收取公司銀行商家所發票據 八發行各種期票匯票 九發行市面通用銀錢票 紙幣法律未經頒布以前官設商立各行號均得暫時發行市面通用銀錢票但官設行號每月須將發行數目及準備數目按期咨報度支部查核度支部並應隨時派員前往稽查 第二條 凡欲創立銀行者或獨出資本或按照公司辦法合資集股均須預定資本總額取具殷實商號保結呈由地

方官查驗轉報度支部核准註冊方可開辦凡銀行應行呈報事件除呈請地方官轉報外並須徑呈度支部以便稽核凡銀行開辦須預將年月日稟報所在地方官轉報度支部

第三條 凡欲開設銀行者須將左開事項呈報 一行號招牌 二設立本行分行地方

三資本若干 四或獨資或合名或合資應呈報姓名籍貫住址並分別有限無限一律

上開事項外須將集股章程及發起人辦事人姓名籍貫員數住址並分別有限無限一律

呈報 第四條 凡開設銀行須遵照本則例自定詳細章程呈報度支部核准如有變更亦應一律呈核 第五條 凡銀行每半年須詳造該行所有財產目錄及出入對照表呈送度支部查核如有特別事故應由度支部派員前往檢查各項簿冊憑單現款並其經營生意之實在情形此外各項貿易事業公家概不預預如官有藉端需索等情准該行呈稟度支部查明從嚴參辦 第六條 凡銀行每年結帳後須造具出入對照表詳列出入款項總數登報聲明或以他法布告俾衆周知 第七條 銀行營業之時刻以午前八鐘起午後四鐘止但因營業情形而欲變通者亦可 第八條 銀行如逢星期及營業地方之休息日均得停業其不欲停業者聽若有不得已之事故而欲例外停業者須稟准地方官登載報紙或以他法布告俾衆周知 第九條 凡經核准註冊各銀行如有危險情形准

其詳具理由呈所在地方官報明度支部轉飭地方官詳查營業之實況與將來之希望如果係一時不能周轉並非實在虧空准飭就近大清銀行商借款項或實力擔保免致有意外之虞 第十條 凡銀行或箇人營業改爲公司辦法或原係公司變爲箇人營業或欲變更其公司之制度或欲與他公司合併等事均應查照第二條辦理 第十一條 銀行如有不遵守第五條所定報告檢查及第六條所定布告或雖受檢查而有隱匿或雖經報告布告而其中有含混等弊一經查出由度支部酌量情節輕重科以至少五兩至多至千兩之罰款 第十二條 以前各處商設票莊銀號錢莊等各項貿易凡有銀行性質即宜遵守此項則例其違例註冊者度支部即優加保護其未註冊者統限三年均應一體註冊倘限滿仍未註冊者不得再行經理匯兌存放一切官款 第十三條 各省官辦之行號或官商合辦之行號統限於本則例奏定後六箇月內報部註冊一切均應遵守本則例辦理如過期不註冊者科以至少五百兩之罰款每遲六箇月罰款照加 第十四條 官辦行號每省會商埠只准設立一所如有必需另行設立時須與度支部協商或會奏請旨辦理 各種官立銀行欲設立分行時凡已有大清銀行分行地方須先儘該分行作爲代理 第十五條 凡銀行或因折閱或有別項事故情願歇業者應舉定辦理結帳人稟

報地方官將存欠帳目計算清楚照商律辦理地方官具錄事由速報度支部查核不得遲延並一面由該行自行稟報度支部查核 附則 凡只兌換銀錢無銀行之性質者本則例施行後均作爲銀錢兌換所免其註冊 各種特別銀行除遵照特別專例外其有專例所未及者均按照本則例辦理 本則例即於奏准三箇月後施行 本則例如有應行修改之處隨時斟酌奏明辦理

殖業銀行則例 第一條 殖業銀行爲股分有限公司以放款於工業農業爲宗旨其資本總額至少須二十萬兩以上 第二條 殖業銀行其股票概用記名式只許本國人購買不准股東將股票轉賣或抵押於外國人及外國公司 第三條 殖業銀行無論官辦商辦其詳細章程均須報明度支部核准方可開辦 第四條 殖業銀行欲設立分行或代理店均應呈請度支部核准度支部視爲亟須設立之地亦得命其照章設立 第五條 殖業銀行可由地方官以地方官款或管理地方公共財產人以地方公共財產呈明度支部設立 第六條 殖業銀行放款應以田地園林房屋或工業上實在產業或股票債票等項作抵於三十年內用分年攤還法歸清本利但借款總數不得過押產實值十分之七 以房屋作抵須附有保險契約否則借款不得過實值十分之五 若款項無多有股

實保戶五人以上連環擔保亦可不用抵押惟借期應減短以五年爲率其借數通計不得過銀行資本十分之一 第七條 銀行因農工業家之便以產業作抵亦可出放短期借款但不可過本行出放款項全額五分之一 第八條 銀行所收抵押產業只准收受第一次作抵之物並須實在永遠有出息可靠者銀行得隨時派人至其產業地方切實監查

第九條 債主作抵之產業被官收用或欲出賣必須先行通知銀行銀行應於期限前將所放款項本息全數收回但債主能另以相當產業作抵者不在此例 其產業若只出賣一部分之時可索債主增加抵押或索還借款之一部分 其產業價值若較原估低減之時可索債主增加相當之抵押 第十條 銀行放款應查其人是否確係農工業家借款是否確係經營農工實業如查有欺飾情事銀行不可放款或已放款後而債主以所借款項經營他業者得於償還期限前將全數本利追繳 第十一條 銀行視債主情形若初年營業利益尙薄難遽令本利俱還者可於先數年內祇還利息滿年限後再攤還本利惟此項年限不得過五年 第十二條 分年攤還法其數目合本利計算每年定一平均償還之額但不得過於債主每年淨得出息之總數 若債主欲於攤還定額外多還若干或於限期以前全額還楚均可通融辦理但須於一月前通知銀行 第十三條 債主還

款每至二成以上可向銀行請退抵押產業相等之一部分 第十四條 債主如到期延繳應還款項銀行得於滿期次日起加算利息若其款係分年攤還並得索還未到期之全額 前項之延繳銀兩得斟酌情形呈報地方官追索 第十五條 殖業銀行可代人保管金銀及一切重要物件 第十六條 殖業銀行如有餘款得購買國家公債地方公債等票並得暫時存放妥實銀行生息 第十七條 殖業銀行可與此項同行訂聯結契約亦可兼營農工業家匯兌事務 第十八條 殖業銀行如欲兼營儲蓄事務須照儲蓄銀行則例辦理並應將兩項事務劃分清楚 第十九條 殖業銀行遇有長年定期存款亦得代人存放生息 第二十條 殖業銀行得照實收資本五倍之數發行債票如其資本實收在二百萬元以上可發債票至八倍但不得過放出款項之總額 第二十一條 債票金額每張以五元為率並可加彩償還惟應照下列各條於發行前另訂詳細專章呈候度支部核准 債票額息及付息方法 逐次發行總數 抽籤償還年限及方法 加彩數目及方法 第二十二條 殖業銀行因市面利息低落得借新債以還舊債雖其債票額數合新舊計算超過第二十條之制限亦可通融辦理但新債票既發行後須以所收之全數於一箇月內償還舊債票母得以此經營他業 前項之新債票須呈請度支部核准

方可發行 第二十三條 殖業銀行發行債票之時地方官斟酌情形得將地方向有長存款項購此債票 第二十四條 除上列各條外未經載明之事不得經營如有不得已之故定須經營者應呈請度支部或該管地方官核准 第二十五條 殖業銀行每年結帳一次須分繕營業資財切實報告申送度支部並登布各日報 第二十六條 殖業銀行所得利益除開銷資本額息薪水行用外應提一成作為公積其餘派分紅利花紅成數須具呈度支部候核 第二十七條 殖業銀行創辦之始度支部得命地方官就地方官款酌量入股五年之內官股不分額息以次五年所得額息紅利以其半數加入公積十年後與尋常股分一律分派 第二十八條 銀行放款利息最高之率應於每年年首具呈度支部或該管地方官核准如年內市面陡變必須更改之時亦應隨時呈報 第二十九條 度支部得就各地方官中特派殖業銀行監理官監視一切事務 監理官應隨時檢查殖業銀行之帳簿現款準備金債票發行額等項詳細申報度支部 監理官不得藉端索費及妨害銀行利益並不得干預銀行業務如銀行實有危險或違背則例情事祇可稟部聽候查辦違者從嚴參處 第三十條 殖業銀行有背則例或害公益之事度支部或該管地方官得隨時禁止 第三十一條 自本則例奏定頒行後殖業銀行有違背本則

例之事項者處罰款五兩以上五百兩以下 第三十二條 殖業銀行應自訂詳細章程呈請度支部核准如章程有隨時更改之處經股東總會決議後呈部候核惟均不得與本則例之旨有所違背 第三十三條 殖業銀行除遵守本則例外未經記入事項應照商律或普通銀行則例辦理 第三十四條 本則例如有應行修改之處隨時斟酌情形奏明辦理

儲蓄銀行則例 第一條 凡代公衆存放零星款項爲業者均爲儲蓄銀行應遵守本則例辦理其他各種銀行欲兼營此項儲蓄事業者於本則例奏定後亦應一律遵守 第二條 開設此項銀行須資本五萬兩以上之各種公司稟部核准註冊後方准開辦 第三條 銀行存款應分定期存付及活期存付二種其定期存款有零存整付整存零付整存整付三種均須於營業章程內聲明詳細辦法及生利規則 第四條 儲蓄之款如其人聲明係爲修學婚嫁養老營業資本及各項善舉者無論整款零款當另冊存儲支付由存款人與銀行自行訂章辦理 第五條 存款利息應行支付之日如存戶不來支領即從是日起併入原本內一同起息 第六條 儲蓄銀行之理事人所有行中一切債務均負無限責任遇更換時有經手關係之債務須二年後方能將一切責任交卸 第七條 此

項銀行應於每年結帳之時核算存款總額四分之一將現銀或國債票地方公債票及確實可靠之各種公司股票存於就近大清銀行或其他殷實銀行以爲付還儲蓄存款之擔保並取具存據呈報度支部或該地方官核驗 第八條 行中存款之人於上條所載各種票據現款有先得之權如銀行有歇業倒閉之事應先將上條存案之款攤還存款之人不敷時再將行中所有存款與其餘債主一律攤還 第九條 此項銀行應遵本則例自訂營業詳細章程呈報度支部核准倘該章程修改之時亦須呈報候核 第十條 行中辦事人員有違背本則例時應視情事之輕重處以五十兩至五百兩之罰款或令其停業或解散之 第十一條 各銀行商號未經呈報批准任意兼營儲蓄事業者酌處以五十兩至五百兩之罰款其營業在本則例奏准施行以前者須遵本則例註冊逾限半年以外者處罰同 第十二條 本則例特別規定以外應遵照普通銀行則例辦理 第十三條 本則例如有應行修改之處隨時斟酌情形奏明辦理

度支部奏釐定一文錢制摺

准軍機處片交光緒三十四年正月十三日軍機大臣面奉 諭旨前以制錢缺乏各省鼓鑄當十銅元以期相輔而行乃近來銅元益多制錢益少銅元一枚不足抵制錢十文之

用而奸商折扣盤剝頗足爲害市面且小民因制錢太少零星日用諸多不便當各省鼓鑄之始原期準作十文與制錢兩無軒輊而錢少元多遂至錢貴元賤不但物價騰漲大礙小民生計抑且鑄本日虧並足損礙餉源自非鑄用一文之錢令一文本位常存不足以顯當十銅元之數保銅元行銷之利前年湖北廣東等省曾奏鑄一文新錢當經度支部議奏通行而各省搭鑄一文新錢者仍不多見蓋由於鑄造一文新錢成本較重不免稍有虧耗然以鑄當十銅元餘利酌量提補虧耗尙不至無著所失無多所全甚大著度支部通行各省廠凡鑄當十銅元必須於定額之外加鑄三成一文新錢以資補救其形式重量銅質鑄本均須預爲核算妥爲配合又必須與當十銅元工料成本大致相準則兌換價值銅元一枚必當新鑄制錢十文庶利推行而資信用至此項一文新錢或宜黃銅或宜紫銅或宜有孔或宜無孔並著該部詳晰考校悉心釐定迅速奏聞務期子母相權大小相維以便民生而正圖法欽此欽遵鈔交到部臣等欽奉之下仰見 朝廷體念民依垂意幣制感佩莫名查一文銅錢自光緒三十二年七月間即經財政處會同臣部奏准各省一律仿鑄近因京外制錢缺乏民間日用小數實多不便復於上年十月通行各省籌辦開鑄報部查核現在尙無具報仿鑄一文錢之案今奉 諭旨飭於各省銅元定額之外加鑄三成並由臣等釐

定錢制臣等當卽札行造幣總廠遵照並令將錢制鑄本考查明晰以憑核定旋據總廠署監督內閣學士兼禮部侍郎銜瑞豐等呈稱前項加鑄三成一文錢總廠遵卽迅將應用機器配置齊全刻日開鑄其各省應用祖模仍當由總廠趕緊製造輪廓字畫鑄刻精細正面照當十銅幣模式鑄刻龍紋背面刊明一文字樣並加識省分以期鑄造與否有所考查俟祖模造成頒發各廠限領到後兩月內翻刻子模一律鑄造概按所鑄當十銅幣枚數加鑄三成不准稍有減少至形式重量銅質鑄本事關國幣配合不厭求詳查廣東所鑄形式中鑿圓孔係爲便於貫串與舊式制錢具體而微升任湖廣總督張之洞復經奏請以一文錢模式必與當十銅幣模式相等現奉 上諭諄諄以一文新錢期與當十銅幣子母相權則是以子輔母一氣相承形式未可兩歧當以無孔爲斷其重量銅質廣東係用紫銅六成鎔配白鉛四成每文重三分二釐湖北用紫銅九十五分配鉛五分亦重三分二釐此項新錢工費甚鉅卽以廣東黃銅成色而論每千文合工料銀八錢二分一釐揆諸近日錢價折耗已復不少如用紫銅九十五分配鉛五分恐虧累益多未能與當十銅元工料成本大致相準價值亦必不能一律是成色當以黃銅爲宜擬請定爲紫銅六成白鉛四成重量三分二釐每枚內實含淨銅一分九釐零每十枚恰與當十銅元內含淨銅一錢九分者略等雖

工本仍有虧耗然以當十銅幣餘利撥補盈縮相權自可顧全成本等情呈覆前來臣等復詳加考核廣東原鑄有孔之錢係與舊日制錢同式取其習用已久湖北原奏擬不用孔意在與銅幣一律是以臣部議覆摺內聲明體察各省銅幣情形再行通盤籌定等因在案現查舊有制錢各省俱形缺乏以致銅元不能實當制錢十文欲救其弊惟有準銅元之式鑄造一文新錢使銅元自以子母相權其於幣制亦較完備但當十銅元重二錢析爲十文每文銅鉛合計只重二分體質太微取攜尤屬非便廣東所鑄係於應有銅質外加配白鉛雖係黃銅三分二釐而內含紫銅成色一分九釐零銅質並無短少核計工料之虧耗彌補亦易此次鑄造一文新錢重量成色擬照廣東酌合形式擬照湖北無孔辦理其餘該署監督所擬各節均尙妥協擬請照辦如蒙 俞允臣等卽通行總分各廠限令尅日照式開鑄並將鑄出樣錢恭呈 御覽謹 奏奉 旨依議欽此

度支部奏續借洋款作抵釐金循例撥補摺 清單附

竊查續借英德商款前經奏准以七處釐金作抵內蘇州貨釐八十萬松滬貨釐一百二十萬九江貨釐二十萬浙東貨釐一百萬宜昌鹽釐並萬戶沱加價一百萬鄂岸鹽釐五十萬皖岸鹽釐三十萬共釐金五百萬均自光緒二十四年閏三月十一日起由稅司代徵抵還

洋款惟前項釐金業已指明抵還洋款各該省京協各餉以及本處防餉等項向取給於釐金者勢必驟形短絀是以歷年臣部籌款奏明撥補在案今本年自三月十一日起七處釐金仍由稅司代徵各該省所短釐金五百萬兩自應仍由臣部照案撥補謹將籌撥各款開列清單恭呈 御覽並請 旨飭下各省督撫轉飭按照單開數目分別撥解兌收以清款項惟是各省所短釐金既經臣部指款撥補在協解省分固當不分畛域勉籌協濟在受協省分尤富力爲其難凡向來應解京餉等項仍照常報解不得藉口出入不敷任意截留致有貽誤謹 奏奉 旨依議欽此

謹將撥補釐金各款開列清單恭呈 御覽 計開 一蘇州貨釐作抵銀八十萬兩准撥補浙西代徵絲繭捐及本省牙帖捐綿繭捐約銀十二萬三千兩江蘇裁兵節餉銀十萬兩江蘇丁漕折錢平餘銀十萬兩江甯丁漕折錢平餘銀四萬兩新疆裁兵節餉抵作江蘇應協甘餉銀六萬兩直隸薪餉減平抵作江蘇應協准餉銀十萬兩貴州裁併局員節省薪費等項抵作江蘇應協貴州協餉銀六千兩蘇州新關百貨稅釐銀五萬兩金陵釐捐銀六萬兩江蘇漕項銀六萬兩江甯解部節省項下撥銀二萬兩安徽減平銀一萬兩安徽契雜稅銀二萬兩又由江蘇裁減各項用費節省銀內提五萬一千兩以上共撥足八十萬兩之

數 一松滬貨釐作抵銀一百二十萬兩准撥補江海關洋藥稅釐銀十四萬九千兩江蘇裁兵節餉銀十七萬一千兩河南裁兵節餉及丁漕平餘兩項共撥銀十萬兩兩江清賦節省兩項騰出張春發軍餉銀十萬兩江蘇銅元局借籌防局款每年應還銀五萬兩兩江蘇米釐銀五萬兩兩淮鹽斤加價銀二十萬兩河南漕折正項加復銀二萬兩江蘇茶糖煙酒加捐銀四萬兩兩江蘇當稅銀二萬七百兩廣西梧州新關洋稅銀八萬兩廣東減平銀四萬兩廣東當稅銀二萬兩江蘇崇明鎮江各分局釐金銀四萬九千三百兩江蘇騰出吉林黑龍江俸餉銀四萬兩兩江蘇清賦銀二萬兩兩江蘇裁減各項用費內提銀五萬兩以上共撥足一百二十萬兩之數 一九江貨釐作抵銀二十萬兩准撥補九江關稅銀四萬四千兩江西當稅銀六千兩江西裁勇節餉銀六萬兩河南應解甘肅新餉項下減撥銀五萬兩兩江西茶糖煙酒稅釐銀四萬兩以上共撥足二十萬兩之數 一浙東貨釐作抵銀一百萬兩准撥補浙江裁減兵勇節餉銀十萬兩廣東裁勇節餉銀十萬兩廣西裁兵節餉銀二萬兩福建裁兵節餉銀二萬兩浙江鹽斤加價銀五萬兩兩浙鹽課並溢課銀八萬兩浙江漕項銀六萬兩浙江茶糖煙酒加價銀五萬兩浙江新章減平銀八萬兩浙江綠營公費節省銀二萬兩浙江新增當稅銀二萬兩湖北應解甘肅新餉項下減撥銀三萬兩四川減撥甘肅新餉

財 政

度支部奏續借洋款作抵釐金補例撥補摺

七十三

戊申

項下撥銀三萬兩閩海關應解甘肅新餉項下減撥銀一萬兩江甯解部節省項下撥銀一萬兩杭甯兩關洋藥稅釐銀二十萬兩甌海關洋稅銀二萬兩四川減平銀三萬兩福建減平銀三萬兩廣西梧州關稅銀二萬兩浙江應解武衛中軍騰出餉銀二萬兩以上共撥足一百萬兩之數 一宜昌鹽釐並萬戶沱加價作抵銀一百萬兩奏明由湖北收款內抵銀七十五萬兩由兩江收款內抵銀二十五萬兩此次撥補之款亦應以七十五萬兩歸湖北兌收以二十五萬兩歸兩江兌收計撥江甯留用節省項下撥銀十九萬兩江蘇裁減長江水師節餉銀四萬兩陝西減平銀二萬兩以上撥銀二十五萬兩均解兩江應用又撥湖北裁兵節餉銀十萬兩湖北丁漕錢價平餘銀三萬三千兩湖北鹽釐銀九萬兩湖北當稅銀一萬四千兩江漢關洋稅銀十萬兩湖北釐金銀六萬兩江漢關出口土貨增收項下撥銀二十三萬五千兩本省田房稅契土藥加稅茶糖煙酒加稅項下截留銀十一萬八千兩以上撥銀七十五萬兩均解湖北應用統共各項共撥足一百萬兩之數 一鄂岸鹽釐作抵銀五十萬兩准撥補淮鹽加價銀四萬四千兩截留協解九江關常稅銀一萬四千兩江蘇裁兵節餉銀十六萬二千兩江甯解部節省項下撥銀六萬七千五百兩留用節省項下撥銀六萬七千兩宜昌鹽務新增食岸溢銷加價銀六萬兩江蘇米釐銀二萬六千兩湖南當

稅銀三千四百兩河南當稅銀四千一百兩揚州關常稅銀三萬兩鳳陽關常稅銀一萬二千兩四川重慶關稅銀一萬兩以上共撥足五十萬兩之數 一皖岸鹽釐作抵銀三十萬兩准撥補安徽裁兵勇節餉銀五萬九千兩安徽契雜稅銀七千兩安徽丁漕折錢平餘銀三萬九千兩江蘇裁兵節餉銀五萬兩安徽清賦多徵銀二萬兩皖南茶釐局銀十萬兩江甯節省留用銀二萬五千兩以上共撥足三十萬兩之數 統計七處共撥補銀五百萬兩應令各該省關各按單開數目分別解交不得短少遲延亦不准挪移別用至協解省分何日起程受協省分何日收到均隨時奏咨報部以備查核

度支部奏預籌本年應還匯豐本銀片

再查光緒二十一年正月初一日借定匯豐銀行規銀一千零九十萬兩訂立合同長年七釐息分二十年清還前十年還息後十年本息併還息隨本減查上年九月初五日應還本銀之期計規銀一百零九萬兩臣部在於粵海等六關每年應解部庫海軍新增經費藥釐項下提撥銀五十萬兩不敷銀五十九萬兩即在減息項下湊還在案茲屆本年九月十六日應還本銀之期計規銀一百零九萬兩自應預籌指撥以免臨時急迫惟各省庫儲均屬異常支絀實無可撥的款臣部擬請仍由粵海等六關本年應解部庫海軍新增經費藥釐

財 政

度支部奏預籌本年應還匯豐本銀片

七十五

戊申

財政

郵傳部度支部會奏擬訂鐵路地畝納稅章程摺

七十六

五月

銀共五十萬兩照前案分次如數解滬相應請 旨飭下兩廣總督即將前項藥釐迅速籌解務於期前二十日掃數解清事關緊要萬勿延誤其不敷銀五十九萬兩應由江海關仍在本年應減匯豐銀款克薩銀項下湊還此項所減息銀既經撥作還本之用各省關自應籌解足數以濟要需並請 飭下各省督撫轉飭司道監督等遵照臣部歷年原撥數目依限如數交解滬關不得稍有遲誤謹 奏奉 旨依議欽此

郵傳部度支部會奏擬訂鐵路地畝納稅章程摺 章程附

光緒三十二年五月十三日商部會議鐵路佔地納稅申明定章一摺奉 旨依議欽此通行欽遵在案原奏內稱官紳承辦鐵路佔用地畝除官道官河本不納稅應毋庸議外其購買民間地畝一經過割糧隨地轉卽由各該州縣會同該處辦路官紳勘丈明確仍照原額科則歸入鐵路公司按年完納至借款官辦各路其合同條款切實載明不納地稅者暫行免收俟合同年滿照繳等語於各路納稅辦法業已分別聲明惟今日官商續辦鐵路逐漸增多情形亦互有不同亟應妥定詳細專章藉資遵守現經臣等公同商酌除官款官辦及集股商辦各鐵路應仍照原奏自過戶日起照原業主科則徵收地稅外其借款官辦各路所有資本均經利息折扣而來若取其納稅在 國家正供所賦爲數無多而各路擔承

虛數本息實覺積少成多倘因此不敷續借受虧更鉅擬無論合同內有無載明不納地稅一律俟全路通車獲利再行照完其全路未曾竣工或工竣通車未獲餘利者均暫不完納以免多負外債至官商鐵路所佔官河官道前奏業經聲明不納地稅現擬凡未經官用及未撥與民用之官荒如經官商鐵路佔用亦均照此辦理又各省地方附徵之稅如畝捐隨糧捐等凡納稅之路應一併照納此外會勘納稅各辦法並詳訂專條似此斟酌損益度各路情勢之所宜補前奏所陳之未備庶幾推行盡利於財政無虧於各路深有裨益謹會擬章程十條開列清單恭呈 御覽如蒙 俞允卽由臣部分別咨行欽遵辦理謹 奏 奉 旨依議欽此

官商鐵路完納地稅章程 一官商各路完納地稅均照原業主科則完納 一各地方附徵之稅如畝捐隨糧捐等納稅之路應一併照納 一官商各路佔用官河官道無庸納稅其餘官荒未經官用及未撥與民用者如經官商各路佔用仍准免捐地稅惟業經官用民用從前曾經納稅者則應一併照納 一官款官辦及集股商辦鐵路應自購地之日起過割完納錢糧 一借款官辦各路俟全路通車獲有餘利再行照完未獲利時由各州縣將應免各錢糧行文該路局彼此核對無訛報知該省布政使司轉詳該省督撫咨度支部郵

財政

郵傳部度支部會奏擬訂鐵路地稅納稅章程摺

七十七

戊申

財政

綏遠城將軍貽等會奏商民赴庫倫貿易請分別准免釐捐摺

七十八

五月

傳部立案 一借款官辦各路其未竣工未獲餘利者俟獲利之日由郵傳部咨照度支部轉行各該省起徵其已獲利之路應自此奏定之日起徵以前所欠地稅概予豁免以清轄轄 一官辦各路應納地稅每年由各該鐵路局逕交該省布政使司一次收清其每畝完納若干應以該省報部每畝徵收之數為準所有火耗平餘毋庸隨解 一商辦鐵路所佔地畝應自購地日起知照地方官會同勘明每年仍按上下忙納交各該州縣 一官商各路租用地畝祇給地租其地稅由業主自行完納 一此項章程自光緒三十四年上忙起實行其官商各路辦理成案如有與此次定章不符者自此奏定後應均改照新章辦理

綏遠城將軍貽等會奏商民赴庫倫貿易請分別准免釐捐摺

竊奴才等於光緒三十三年五月間先後准度支部咨開本部議覆庫倫大臣延祉等奏歸化城商民領有部票來庫倫所屬各盟旗貿易請准免納釐捐以示體恤一摺光緒三十三年二月十三日奉 硃批度支部議奏欽此欽遵鈔出到部查統捐章程原兼銷場出口而言庫倫開辦之始前大臣德麟以盟旗到貨無幾奏請免納銷場有案茲該大臣等准綏遠城將軍咨行各情奏請量爲變通持有部票免納釐捐固係體察商情亦係查照前案自應准如所請惟此項統捐之免否既以部票之有無爲斷亦未便漫無限制致滋流弊應請

飭下該大臣會同綏遠城將軍山西巡撫詳細籌畫安定章程使之上有裨於國計下
不擾乎商民並將籌議辦法再行奏請立案以備查核至由城運貨到庫既免銷場若由庫
運貨回城其出口一項是否照章繳納該大臣等並未劃清應令隨案聲敘等因奏奉
諭旨依議欽此欽遵分咨前來奴才貽穀查由歸化城承領部票之商民赴外藩貿易者向
章每票一張不得過五十馱駝無票即爲私運定此項限制似仍當以部票有無及票載之
數目爲斷並咨由庫倫大臣就近主稿會銜具奏奴才寶棻查此案前准庫倫大臣暨綏遠
城將軍來咨業經咨明由庫倫大臣主稿會奏在案仍照前咨會奏奴才延祉查度支部議
奏內開此項統捐之免否既以部票之有無爲斷亦未便漫無限制致滋流弊一節現經綏
遠城將軍貽穀以歸化城承領部票之商民赴外藩貿易者向章每票一張不得過五十馱
駝無票者即爲私運定此項限制仍當以部票有無及票載之數目爲斷自係正本清源辦
法惟商人重利動多影射擬請嗣後除無部票出口仍令完納釐捐外其有部票故不在旗
呈驗或包攬旁人未領部票之貨私自啟運出口者一經查出不但照章責納釐捐並令各
該旗加倍科罰以杜漏額至部議由城運貨到庫既免銷場若由庫運貨回城其出口一項
是否照章繳納該大臣並未劃清應令隨案聲敘一節奴才延祉查前次具奏凡由歸化城

財 政

綏遠城將軍等會奏商民赴庫會買馬驢分別准免釐捐摺

七十九

戊申

承領部票商民來各盟旗貿易者請准免納出口釐捐係專指歸化城請有部票之商民在各旗貿易販運出口之貨而言若由庫倫腹地販運土產牲畜貨物出境者仍請按照前大臣德麟原鈔章程一律完納釐捐庶於國計商情均有裨益謹 奏奉 硃批度支部知道欽此

各省財政彙誌

京師○度支部奏稱自上年開印起至封印止部庫收過常捐並補交等項共收捐正項實銀二十萬七千九百一十一兩又新海防捐輸共收正項實銀五萬一千三百七十兩又新海防搭金捐輸共收正項實銀九千九百六十兩足金三百一十一兩二錢五分折合實銀九千九百六十兩又新海防推廣新章捐輸共收正項實銀五萬四千四百四十九兩均經該部隨時兌收核准給照又該部以近來在京各衙門新添養廉經費前後統計約需銀一百三十四萬兩除軍機處 御前大臣養廉 陵王公盤費交 進備賞等項銀四十餘萬兩前經奏明由江安糧道漕折膠海關四成洋稅淮南票本等款項下供支又內閣等衙門經費五十餘萬兩奏明由考察政治經費項下提撥外其餘不敷銀三四十萬兩均由部庫正款支給各省原認考察政治經費近復紛紛欠解部庫出入有經此項常年之需勢實難於為繼特奏請在於京漢鐵路蘆保一段動用官款五百六十餘萬兩每年應得息銀二十八萬一千兩及張家口殺虎口兩處稅款內湊撥供支以資挹注當即奉 旨依議又該部近咨各省令將現辦捐務詳細調查如有跡近苛細者應即奏明停止其有新辦各捐須將詳章先行報部經部核准方可實行不得擅自開辦致生流弊○外務部以官物免稅業經奏准通行

所有出使各國大臣需用物件自應一併援照免稅已咨由稅務大臣與總稅務司議妥具摺入奏○民政部以經費異常支絀不能專仰給於度支部特專摺奏准暫行指撥山東膠海關存款二十萬以資補助○郵傳部陳尙書自奉諭飭會同順天府籌辦銀錢平價事宜即經商准就正陽門內設立公估局逐日派員前赴錢市嚴行監查并擬定辦法三端一買賣銅元飭商率由舊章由買主自赴該舖拉運禁止賣主親送到門以杜私運求售情弊一錢商利於行使銅元票張應責令該商不准虛出票張須贖儲銅元用爲準備以免充斥市面一百貨價值視錢價爲起跌糧店尤關小民日食俟錢價稍定即責成各舖商平價交易○稅務新章凡洋貨進口運至內地卸載須完正稅一次半稅一次前因各國公使以抽稅太重迭與外務部交涉請爲酌減故由稅務處將各處行銷洋貨地方逐一詳查當經擬定抽收辦法分爲二端一係各處洋貨入口照例由各關抽收正稅一道既完納正稅後如須運往內地各埠卸載者由經過各關口再抽收子口半稅一道一係經過各地於入口洋關完納正稅後沿途並未完納子口稅即應在內地停泊埠照完釐金○工巡捐局稟准民政部將舖捐章程酌量變通凡九等以下各捐戶一律改爲季捐以恤商艱而免拖欠○京師自銅元暢行之後日韓各國銅幣攪雜其間者爲數頗多巡警總廳以其與本國圖法有礙擬即嚴行查禁已通飭各商號嗣後如有行使外國銅元者一經查出即行從重罰辦以維幣政○總稅務司赫德前因患病告假回英請以津海關稅務司斐式楷署理總稅務司當由稅務處具摺奏 閱奉 旨赫德辦理稅務迭著勤勞著賞給尙書銜斐式楷賞給布政使銜餘依議

直隸○北洋陸軍二四兩鎮本年應需餉雜各款業經署直督楊運帥於上年冬間撥案奏撥計第二鎮餉項爲淮軍節餉銀六十萬兩練軍節餉銀二十萬兩制兵節餉銀二十萬兩煙酒稅銀四十萬兩長蘆運庫鹽斤加價銀二十四萬兩

第四鎮應接支第六鎮餉項爲武衛右軍底餉截留山東應解部款銀一百十六萬餘兩江南應解自強軍底餉銀二十萬餘兩長蘆鹽引均價餘利銀十餘萬兩

奉天○大清銀行近在大連灣稅關迤東地方設立分行一所業於二月初七日開辦○奉省軍捐向歸財政總局管理由斗秤局代收劃歸承興兩縣公費等項下開支凡騾馬車每年每套約繳照費二元統計每年可收四五萬元近經度支司將此項軍捐撥歸承德縣管理以省周折

吉林○東督徐菊帥吉撫朱經帥前以吉省邊務緊要奏請 飭下度支部迅撥的款銀六十萬兩以資應用當奉

硃批照准度支部以東三省改建行省由部撥濟現款及籌撥移駐軍隊等款爲數已五百餘萬兩其由部領餉移駐該省之武衛左軍歲需百萬尙不在內實已疲於供應此次因吉省籌辦邊務請撥常年鉅款本屬無可騰挪惟該省邊務緊要業經奉 旨允准自應竭力搜集如數撥給一次以濟目前之急即在東海關洋稅項下撥銀四萬兩津海關

洋稅項下撥銀十萬兩宜昌關洋稅項下撥銀十萬兩鎮江關洋稅項下撥銀十萬兩蕪湖關藥釐項下撥銀六萬兩江海關藥釐項下撥銀二十萬兩共銀六十萬兩皆係各關歷年存積有著的款已行知各督撫轉飭各海關暨督分批逕解吉林兌收應用○東督吉撫徐朱兩帥以年來吉省商務困敝皆由市面銀根吃緊不能流通所致特飭度支司在省設立官銀號即將官帖局裁改仿照奉天辦法發行龍元銀票以期維持國法藉資周轉○吉省煙稅向章值百抽十徐朱兩帥以貨有高低價亦不同若按估價徵稅誠恐司巡人等得以高下其手致多滋擾特定簡易辦法每煙一斤一律徵收制錢十六文即吉錢三十二文納稅給照之後隨處售賣概不重徵又吉省酒稅向例易主即徵無所底止名曰車輪稅商民苦之亦經徐朱兩帥改定章程凡係燒鍋均按班按筒徵稅每酒一斤徵稅銀一分四釐從前代扣等名目

律裁革惟覆票課一項係報部之款仍須照舊包納云○長春牛馬稅局向來除正稅外復加稅票錢籠頭錢諸雜項近經徐朱兩帥札飭該府嗣後牛馬豬羊買賣之際除正稅及子母稅外其餘雜稅一概不准收納倘局中人等再蹈故習定行嚴懲不貸

山東○前署魯撫吳贊帥以整理財政極爲繁難然其入手辦法要不外將固有之財認真整頓未與之利妥爲籌議尤以力祛虛糜清理支銷爲將來預算決算基礎特在署內設立財政所一處派委坐辦稽核各員妥爲經理○青島稅關章程凡進口機器係德國官用者免稅如商用者仍應徵稅近經直督楊運帥與總稅務司議妥改爲實係青島官用者免稅其轉運他處者仍照章徵收

山西○歸化城土默特屬境內萬家溝五營溝巴圖溝一帶本有煤炭窰五處該窰戶向由歸化城副都統衙門領票挖取一應徵收煤炭稅錢照例開支按年報部核銷迨因年久舊窰被水塌陷原戶亦遂星散所有進山挖窰者率皆三五窮民尋苗挖取僅供口食若令遵照商部所定煤柴小礦變通照費章程請領部照勢難辦到綏遠城將軍貽留守等因擬變通辦法先行試辦抽釐按窰每售一分價內抽收二釐公費量時加減其從前該窰陋規概行裁革所抽窰釐分爲三成以一成作爲各處公費一成作爲學堂經費一成另款存儲俟積有成數專作推廣礦務請領部照之需聞已奏准於薩拉齊廳設立總局各處設立分局訂章開辦

河南○開鄭鐵路自開封至鄭州開車後即由省憲派員就開封兩關車站之旁擇地設局抽收貨捐其始收數有限不免賠累至於今春則大有起色每日抽稅有多至百數十千者即極少時亦有三四千蓋以內地貨物由車往來者日益繁盛故也

安徽○蕪湖土藥局總辦童觀察祥熊以釐金近無起色皆由卡員以多報少專圖中飽所致特擬仿照洋關子口稅例於蕪湖新關之旁設立洋票局一所凡皖省應銷各種洋貨先由客商赴該局報明貨件並往何地一面完納子口稅一面填寫票單交商祇領所有經過關卡除完落地釐金外一概不准再徵聞已稟由皖撫批准照辦

江西○贛省官銀錢總號近在上海商務印書館定印官票甚多運贛行使計錢票分三種一千五千十千銀票分五種二兩五兩十兩五十兩一百兩洋元票分三種一元五元十元○義甯州武甯縣均爲產茶著名之區近因沿途稅卡留難需索茶商噴有煩言並有託洋商出面請三聯報單以圖抵制情事曾經江督端午帥飭令贛省稅務局妥籌辦法以免藉口茲由該局議定甯茶概行改徵落地稅嗣後沿途稅卡均不驗票以免留難業經詳奉前撫瑞鼎帥批准飭令各稅口一體遵照○玉山縣東津橋新勝街兩處新改統稅子口並舊設查驗所無裨稅務有礙商情經該縣并局委暨該處職商同豫等稟明贛撫由撫批飭稅務局查明准予裁撤以恤窮民而省公帑

湖北○調任鄂督趙次帥前奉度支部咨請試辦印花稅即飭藩司轉飭所屬妥籌辦法並在年旺街設立印花稅總局派藩司主持其事俟奉到部頒印花後即行開辦○升任鄂督張中堂前於庚子年九月間奏准川淮鹽斤行銷鄂境者每斤加抽錢四文歸鄂省留用歷經遵辦在案茲據調查前年宜昌川鹽局抽收要政新加價共錢三十萬九百三串一百八文督銷淮鹽局加抽要政新加價共銀二十六萬四千八百六十七兩八錢四分川省甲辰綱代收湖北鶴峯等八州縣要政新加價銀二萬一千四百五十二兩六釐二毫五絲均由各該局解交鹽道留供一切要需○大冶水泥廠係升任鄂督張中堂招商承辦准予在鄂省境內專利十五年並爲具摺奏請暫免稅釐以勸工業而挽利權摺上奉 硃批該衙門知道嗣經農工商部以事關稅項咨請稅務大臣酌核定奪以昭慎重旋由稅務處覆稱唐山洋灰公司機

製洋灰前經本處核准無論運銷何處均完正稅一道值百抽五沿途概免重徵湖北泥廠事同一律自應援照辦理惟鐵路材料既奏明暫行免稅則水泥一項該公司運銷如確係鐵路用者應准暫行免稅其非鐵路用者仍應照唐山洋灰公司成案完納正稅一道以重稅課而示區別等因農工商部准咨後即具摺奏請准照稅務處所請辦理聞已奉

旨依議○鄂省官錢票每年由官錢局發出三十六萬張交各商家應用茲聞該局總辦高觀察又飭添製每張十元五元十串五串四樣官票五十萬張編摺發出照章支用

甘肅○甘督升吉帥前以甘肅係受協省分近年各省籌款俱絀餉項日見短欠而自部撥賠款並籌解練兵經費司庫久已入不敷出惟恃釐金一項可資挹注願欲於籌款之中求其不病商民之法則舍剔除中飽無可入手自非將釐金改辦統捐不能以簡馭繁收涓滴歸公之效爰飭蘭州道妥擬章程(甘省釐金向歸蘭州道經理)試辦大布繼及百貨益以蒙鹽委員分往西安三原略陽鳳翔安邊等處創設局卡計自開辦迄今已屆一年收項漸增商情頗順因即奏請

飭部立案並請擬仍照歷年釐金舊額二十餘萬報部其長收各款銀兩悉數撥充本省要需以免拮据當奉
硃批該部知道

新疆○伊犁將軍長少白留守前奉 諭旨飭令盤查新疆庫儲遵即於巡閱各處行抵新省之時詳細盤查先據新藩詳實司庫實在現存銀兩並新餉所經手收支各庫銀錢官票銀元砂條金截至上年二月二十二日止實存各數目清摺二件旋即親臨藩庫將庫儲例款並軍需善後等項實在現存銀錢逐一點驗俱屬相符惟內有銀元合銀一十四萬七千五百兩又存湘平砂條金一萬四百二十兩六錢一分五釐二毫五絲係屬外銷之款當將盤查情形據實奏陳經度支部議覆以新省庫儲現款既據盤查確實應准奏明提用奉 旨允准茲聞留守以新省辦理新政需款同殷

伊·翠·現·籌·改·練·新·軍·並·舉·辦·新·政·各·事·業·經·部·撥·有·款·縱·有·不·敷·為·數·無·多·尚·可·另·行·奏·請·特·奏·將·前·項·銀·元·砂·金·條·金·留·作·新·省·辦·理·各·項·新·政·之·用·毋·庸·動·撥·並·請·將·所·有·砂·條·金·鑄·造·金·元·以·便·行·使·摺·上 飭·由·度·支·部·議·覆·准·如·所·請·惟·鑄·造·金·元·一·節·因·現·在·幣·制·未·定·議·令·從·緩·辦·理

廣·東·○·丁·未·年·考·查·各·省·銅·幣·大·臣·陳·尙·書·會·奏·定·畫·一·章·程·內·開·此·後·一·切·鑄·造·行·銷·事·宜·均·歸·各·該·廠·經·理·等·因·業·經·咨·行·各·省·遵·辦·在·案·茲·聞·粵·督·張·安·帥·以·廣·東·造·幣·廠·向·係·專·司·鑄·造·其·採·辦·各·種·物·料·皆·由·善·後·局·經·管·鑄·成·銀·銅·元·制·錢·逐·日·解·交·善·後·局·行·銷·辦·理·尚·無·流·弊·今·若·將·行·銷·事·宜·歸·併·粵·廠·則·採·辦·物·料·亦·須·由·廠·經·理·縱·使·廠·員·事·事·核·實·而·成·本·數·十·萬·非·由·善·後·局·隨·時·應·付·即·須·另·籌·專·款·廠·中·一·時·無·此·財·力·特·奏·請·將·粵·廠·鑄·造·銅·幣·仍·由·善·後·局·經·理·行·銷·以·免·更·張·當·奉 硃·批·度·支·部·議·奏·旋·經·該·部·議·覆·以·粵·省·鑄·造·銅·幣·既·由·局·廠·分·任·事·權·並·無·壟·斷·把·持·之·弊·自·應·准·將·所·鑄·銅·幣·仍·由·善·後·局·經·理·行·銷·惟·粵·廠·係·經·奏·明·作·為·本·部·分·廠·該·省·善·後·局·既·任·分·廠·行·銷·事·宜·即·應·遵·照·通·行·各·廠·章·程·將·每·日·行·銷·價·值·數·目·及·工·本·餘·利·各·款·隨·時·知·照·分·廠·會·同·造·具·表·冊·依·限·送·部·並·將·應·提·之·四·成·練·兵·經·費·及·五·釐·花·紅·內·一·成·部·飯·銀·兩·按·結·從·速·報·解·不·得·因·事·分·兩·處·稍·涉·推·延·致·有·貽·誤·聞·已·奏·奉 俞·旨·咨·行·遵·辦

雲·南·○·丁·未·年·七·月·間·滇·督·錫·清·帥·以·該·省·鐵·路·巡·防·關·係·緊·要·經·費·支·絀·奏·請 飭·部·迅·撥·的·款·以·資·應·用·當·奉

硃·批·該·衙·門·議·奏·旋·經·度·支·部·會·同·陸·軍·部·議·准·即·照·冊·開·十一·營·歲·需·銀·十三·萬·六·千·六·百·六·十·三·兩·七·錢·如·數·撥·給·在·該·省·應·解·賠·款·內·截·留·動·支·案·於·十·一·月·間·奏·奉 俞·旨·咨·行·遵·照·在·案·錫·清·帥·嗣·復·奏·明·改·編·防·營·情·形·並·稱·鐵·路·營·辦·餉·無·著·請·撥·常·年·的·款·於·十·二·月·十·三·日·奉 硃·批·著·度·支·部·按·年·籌·撥·銀·二十·萬·兩·以·資·接·濟·度·支·部·覆·奏·以

此項薪餉前已撥給銀十三萬餘兩該督未接部覆故有此請至此大所稱添設營伍加給薪餉修建營舍製備軍衣等項爲該督前奏所未及自宜另行撥給今既奉 旨按年籌撥銀二十萬兩除前撥十三萬六千六百六十三兩七錢外擬再籌給六萬九千三百三十六兩三錢以符二十萬兩之數惟該省應解戊申年洋款除續報外所餘無幾不敷劃抵之用請暫在宜昌關稅收項下撥銀十二萬兩重慶關稅收項下撥銀八萬兩共符前數摺上奉 旨依議當由度支部行知川鄂兩督轉飭各關監督分批解滇兌收其自己酉年起應需前項銀兩則請仍由滇省應解賠款銀內如數截留云。

各國財政彙誌

日本○日本政府以財政困難於上年陽歷十二月發布煙草加價勅令准於明治四十一年一月一日施行其所加之數約平均每百元加二十八元統查日本全國所銷煙草價值每年約日金四千五百萬元自加價後每年可多得一千二百六十萬元云

英○英國上年稅收較之前年大爲減色計前九月共短收二十七萬一千六百九十二鎊後三月竟短收一百十五萬五千一百八十二鎊又冬季稅收除郵政外大率見絀而以產業稅一項爲尤甚蓋較前年短收五十八萬七千鎊云○英政府於年前預算本年度印度度支計出入相抵尙可盈餘英金五十七萬一千五百鎊至前年原訂上年度預算表本可盈餘七十一萬四千六百鎊嗣因境內奇荒稅收大絀僅餘二十三萬五千七百鎊云

俄○俄戶部議借公債五千萬盧布五釐行息近已開招

德○近年德國各城鎮動用公款甚多大半爲振興工藝之用至其國債一項前年計一千三百五十萬鎊上年已達一

千五百七十萬鎊另有四百萬鎊未入冊內若在金市價漲時尙不止此數預算本年國債當達三千五百萬鎊云○普魯士政府近發行一種債券計英金十二兆零五十萬鎊以四釐起息嗣復發行債票一種計二十兆鎊利息三釐零四分之二其發行價值均每百作九十八零二分之一

法○法政府議設財政探風使六人駐紮各處計英一歐洲一北美一東亞一南美一里凡特一(按西人名地中海東部之地爲里凡特)○法議院前議發行五十八兆佛郎短期債券以補預算案之不足一案業經通過又議凡商店公司之交易均須納稅一事亦已可決施行

美○紐約民政署近方招募債款美金五千萬元以四釐五行息聞當發售債票時購票者萬分踴躍數日間已逾定額而自歐洲寄款購票者尙源源不絕云

上海商務印書館出版

伍昭辰先生新著

物理學教科書

中學學堂用

最新中學教科書	最新中學教科書	最新中學教科書	最新中學教科書	最新中學教科書	最新中學教科書	最新中學教科書	最新中學教科書
熱學	力學	水學	氣學	磁學	光學	聲學	動電學
七角	一元	六角	六角	四角	八角	四角	一元
靜電學							
六角							

上海商務印書館

新譯各種小說

小仙源	案中案	黃金血	金銀島	降妖記	雙指印	讓花夢	指環黨	香囊記	三字獄	紅柳娃	煉才爐	血葦衣	鐵鎗手	尸積記	二備案	真偶然	毒藥案	圓室案	寶石城	雙冠靈	畫靈	情俠	金絲髮	朽木舟	塚中人	
一角半	二角	三角	三角	二角半	二角半	二角半	三角	二角	二角	二角	二角	二角半	二角半	二角半	二角半	三角	三角	三角	三角	三角	三角	三角	二角半	二角半	二角半	
三人影	鐵血痕	新飛艇	橋英男	雙喬記	雙鴛侶	佳人奇遇	環游月球	奪嫡奇冤	七星寶石	波乃尚傳	空谷佳人	祕密地窟	希臘神話	航海少年	紅星俠史	盜窟奇緣	復國軼聞	一仇三怨	媒孽奇談	天方夜譚四冊	指中秘錄二冊	海衛偵探案	秘密電光艇	橫阪奇跡記	一萬九千鎊	
四角半	五角	三角半	三角	二角	二角	七角	三角	五角	二角	一角半	一角	二角	二角	二角	二角	五角	四角	二角	三角半	一元半	七角	四角	三角半	二角半	二角半	
回頭看(白話)	賣園奴(白話)	懺悔記(白話)	寒桃記(白話)	白巾人(白話)	阱中花(白話)	寒牡丹(白話)	一束綠(白話)	簾外人(白話)	舊金山(白話)	俠黑奴(白話)	鬼士官(白話)	珊瑚美人(白話)	車中毒針(白話)	美人煙草(白話)	世界一周(白話)	化身奇談(白話)	巴黎繁華記(白話)	為盟離合記(白話)	苦海餘生錄(白話)	冰天漁樂記(白話)	桑伯勒包探案	多那文包探案	補譯華生包探案	經國美談前後編	夢遊二十一世紀	
二角	四角	五角	七角	四角半	五角	四角半	二角半	三角半	二角半	一角	四角	三角	二角半	一角	二角	三角	一元	六角	四角	六角	二角	三角	二角	五角	二角	
新著小說	技擊餘聞	繡像小說七十全份	繡像小說零售	環瀛誌	空中飛艇上	空中飛艇中	泰西歷史演義	文明小史二冊	中國女偵探	海上繁華夢初集	海上繁華夢二集	海上繁華夢後集	慘女界二冊	玉佛緣	掃迷帚	瞎騙奇聞	老殘遊記	學究新談	市聲							
一角	七元	七元	二角	二角	二角半	二角半	三角	一元	三角	五角	五角	五角	八角	一角半	二角半	一角半	五角	六角	五角半							

實 業

論礦政調查之關係 錄丁未十二月初九日津報

各省奏設礦政調查局。二年於茲矣。近日農工商部奏定礦務章程。復於礦政局之職務權限。爲之詳細規定。並於商民呈請開礦。一切興利杜弊法規。籌畫極爲詳密。良以天地自然之利。取之不竭。用之無窮。者莫如礦務。時至今日。尤非大興礦利。不足以挽內界之貧弱。杜外界之覬覦也。況當此維新時代。實行自治。預備立憲。凡百新政。在在皆需經費。生利實爲要圖。而環顧各省利之源。遠流長者。終推礦務爲第一。蓋神州隩區。天不愛道。地不愛寶。峯巒起伏之際。皆寶藏蘊結之區。礦學家嘗言。十八行省。礦地多至一百二十五萬七千方里。有奇。而東三省尤爲富饒。吉黑各屬及長白山一帶。金脈有長至數十里者。奉天則金岫蓋海寬懷。通鳳以及安東遼陽開原鐵嶺海龍各府州縣。金銀煤鐵所在皆有。莫不苗線顯露。孕育宏深。腹地各省亦皆五金並產。而尤以晉省爲最。西人謂山西一隅。有礦面積多至九萬方里。卽以煤礦而計。已有一萬四千方里之多。以環球各國歲需煤三百兆噸計之。則晉省產煤之數。可供五大洲二千四百三十三年之用。而其礦又多白煤。比較美國上等煤。

實業

論礦政調查之關係

六十九

戊申

質可鍊焦而供機廠之用者有過而無不及是中國礦產之美富洵可於地球之中首屈一指有此美利隱而不宣安得不上下患貧安得不漫藏誨盜偷使自今而後仍舊蹈常習故任令民間惑於風水有以開礦爲請者從而百計阻撓而官復不爲主持設法以相提倡勢必至外人垂涎其利者起而爲越俎之謀後患何堪設想然則礦政調查局之設顧名思義不徒對於國家經濟社會經濟固有密切之關係卽於國家之主權國民之生命所以維持而保全之者亦有正當之義務而不可不默策萬全此 朝廷所以察內國之實情感外界之激刺而責望於礦局者至深且遠則凡任其職務者自顧責任之重而不可輕忽視之也明矣況乎礦政之調查非夫尋常之調查也蓋對於探礦勘礦必須有真實經驗方能勝任愉快故欲調查各省礦產非有真正礦師不足以盡其職務也若徒恃一紙空文由道而府而州而縣無論彼爲州縣者深居簡出不能周行四境躬親履勘卽使躬親履勘而於礦學未窺厓略脈之長短苗之淺深何由探驗其詳是故州縣旣承調查之命不過以受命於上者轉而責之於差役試思以無品無行無學業之差役責以如斯之重任彼又安能擔承則亦不過擇其有山處所詢之居民而已居民曰有且曰苗旺質佳則雖峒老山空而彼不知也居民曰無卽有亦礙風水則雖爲天下美礦而彼不知也由是觀之徒恃差役之調查報

之州縣上之司道。其所謂有者果足爲有之據乎。其所謂無者果足爲無之證乎。如是而言。調查不待智者知其不可也。

難者曰。各省之設立礦局。以徵稅而裕餉源。爲唯一之目的。故其調查之注意。不在乎未成之礦。而在乎已成之礦。則又何需乎精通礦學人員。記者曰。唯唯否否。年來朝廷迭頒。明詔。飭下各省督撫。大興礦務。上以利國。下以利民。故商部奏定調查章程。實注意於未開之礦。由局派員查勘。集股開辦。以闢利源。若子所言。不特淺之乎。視礦政。且揆諸立法之初意。不亦大相逕庭乎。夫礦局之組織。既以興利爲宗旨。則凡四境之內。何處有礦。何處無礦。自非精通礦學者。詳細調查。不能得其確實。蓋調查之要義。大別爲二。一曰探礦。一曰勘礦。均非不諳礦務者。所能擔任。請言其故。今以探礦言之。爲開礦第一重階級。實調查入手之端。蓋五金之蘊蓄。形迹最顯著者。爲苗。苗之四佈。枝分派。別迭起。環生。猶瓜藤之蔓延。必先探其根之所由生。而察其枝之所由蔓。乃能知其盛衰。故或探獲零星碎塊。不能引爲苗旺之據。以碎塊猶其枝葉也。卽或覓得大段形迹。亦難必爲苗厚之徵。以形迹猶其果實也。非因端竟委。窮源溯流。不能得金礦概要。且苗有新舊之分。新者稀而舊者富。如見苗之上下。左右。有太古。殭石。有古紅砂石。則其蘊結必厚。可知反是。則形如枯樹。而無枝葉者。爲枯樹。苗

形如斷港而無本源者為鋪山苗其下皆無美礦若夫礦地在二山相向其土壩交界之處有泉瀉出則礦必聚而礦聚之處尤必有綠絲苗夾於石隙其色純綠其形如絲依其綠迹探尋乃能探其癥結述其者謂礦學指南十卷礦政新法八卷會詳此可見探礦一事最為縝密精微非真正礦師不能勝任也更以勘礦言之探礦而後而欲知其礦質之精粗礦產之衰旺則必繼之以勘礦非兼通地質之學而明金石各層之原理者不能盡其職務蓋礦脈多與石層相間而花剛石拉西謂石之合尤與五金各礦有聯合之統系如金銀錫鉛鋳鎳及灰銅玻璃銅紅鐵磁石鐵等礦其脈多藏花剛石中不明石層不能勘礦然又不特金類如是即產煤之區亦與土石層相間土層或軟或硬石層或嫩端石或粗砂石每層煤下則有凝結軟泥自上而下皆為土石相隔積累而成各有草木之形迹上層砂石之面則有紋路或為樹葉或為樹身或為草根或為草葉精於礦學者詳勘其形迹紋路即知其優劣精粗倘以不諳學理者委任調查雖有形迹豈能辨其微乎雖有紋路豈能明其故乎或且指鹿為馬比及開採始知其誤而糜費已屬不貲此可見勘礦一事尤為關係重要非真正礦師不能勝任也不特是也辨析礦質尤須實驗舉凡礦形礦口礦味礦氣礦之軟硬脆韌對於礦質之美惡悉有一定之比例苟其不通礦學則以礦形言之或為一律或為二律或

爲。六。角。或。爲。三。斜。何。以。辨。其。類。之。等。差。乎。以。礦。口。言。之。或。爲。蚌。殼。或。爲。鋸。齒。或。爲。磚。瓦。或。爲。細。粒。何。以。驗。其。質。之。高。下。乎。況。試。驗。礦。質。之。法。有。熱。試。酸。試。之。別。熱。試。者。必。先。試。其。水。氣。而。復。驗。其。銷。鎔。酸。試。則。用。三。酸。即。硝。磺。鹽。酸。驗。其。消。化。之。能。力。以。定。礦。質。之。種。類。此。豈。不。學。無。術。者。所。能。問。津。乎。然。則。各。省。調。查。局。不。欲。振。興。礦。務。則。已。苟。欲。振。興。礦。務。必。自。注。意。調。查。之。人。才。始。

調。查。員。之。關。係。固。如。是。其。重。矣。雖。然。調。查。員。外。與。法。律。及。礦。務。有。密。切。之。關。係。者。猶。有。各。州。縣。之。礦。務。委。員。查。奏。定。大。清。礦。務。正。章。第。四。款。凡。總。局。所。派。駐。各。州。縣。之。礦。務。委。員。凡。關。係。礦。內。之。事。無。礙。於。地。方。者。准。由。該。委。員。秉。公。辦。理。或。勸。解。調。處。或。執。法。判。斷。均。由。該。委。員。酌。辦。總。以。無。礙。法。律。有。益。礦。務。爲。主。並。於。附。章。第。二。條。分。別。迴。避。之。條。款。第。三。條。規。定。委。員。之。責。任。第。二。十。六。條。有。經。理。告。發。之。辦。法。第。二。十。八。條。有。處。置。訟。案。之。權。限。是。其。職。務。之。重。而。爲。振。興。礦。務。最。要。之。關。鍵。可。知。然。其。尤。要。者。在。乎。礦。務。之。警。察。正。章。第。七。十。二。款。規。定。礦。務。警。察。由。委。員。攝。行。其。事。者。有。三。一。關。於。坑。內。及。礦。地。所。施。設。之。工。程。有。無。危。險。事。二。關。於。礦。工。之。生。命。及。其。他。衛。生。事。三。關。於。保。護。公。益。事。又。第。七。十。三。款。礦。務。委。員。如。實。見。所。管。礦。地。有。危。險。之。虞。或。有。害。公。益。者。應。稟。請。總。局。命。其。停。工。如。事。迫。不。及。稟。請。總。局。者。該。委。員。亦。

可命其暫行停工。是知礦山之危險。委員有防止之責。礦丁之生命。委員有保全之責。礦地之一切公益。委員有維持之責。取益防損之法。與利別弊之方。動輒與全礦有莫大之關係。苟非明礦學原理。及有確實經驗者。安能措置裕如。今試以礦中危險情形言之。即可知其責任關係之重大。凡五金各礦。莫不含有敗氣。而煤礦為尤烈。其勢曲折而深邃者。敗氣之蘊積尤深。種種危險情形。悉發原於此。其氣亦有數種。一曰炭氣。炭氣與空氣相較。其質較重。若一百五十二。四與一百之比例。重則下沈。故凡深邃之礦。形勢低迴。悉為炭氣所積。聚無空氣。以調劑危險。不可勝言。二曰炭養氣。較空氣為輕。若九十七與一百之比例。輕則上浮。故其性質雖毒。但使有空氣注入。則炭養必浮其上。漸漸引出。礦外。尚不至危險。環生。三曰硫輕氣。凡含硫各礦。皆有是氣。其性極毒。其味極臭。中其氣者。極為危險。故開礦不可不防。四曰煤氣。多發於煤礦。質較空氣為輕。其比例定率。若五十五與一百。礦中空氣。如有三十分之一。煤氣則燈光所發。藍暈尚淡。有十五分之一。煤氣則燈光即發。藍暈甚濃。然此猶不為大害。及有十分之一。煤氣則轟爆之能力。漸顯。八分之一。煤氣則炸裂之危狀。突生。其中漢音。人若呼吸。立即昏暈。故開煤礦。往往有轟炸。覆壓。及一切危險情狀者。皆敗氣為之也。以上種種敗氣。其發洩之多寡。視空氣壓力之重輕。故欲免危險。而保生命。必須

調。和。空。氣。為。第。一。要。義。今。以。煤。礦。而。言。每。分。時。恆。發。煤。氣。二。百。立。方。尺。而。每。方。尺。之。煤。氣。須。以。空。氣。三。十。立。方。尺。調。和。抵。制。始。不。至。發。而。為。災。故。每。分。時。須。進。六。千。立。方。尺。之。空。氣。以。抵。二。百。立。方。尺。之。煤。氣。且。每。人。每。分。時。呼。吸。之。間。復。需。空。氣。一。百。立。方。尺。方。能。保。全。生。命。故。有。千。人。作。工。之。礦。每。分。時。需。進。空。氣。至。十。萬。立。方。尺。之。多。而。礦。地。之。施。設。工。程。苟。或。不。得。其。當。則。又。動。致。危。險。然。則。為。礦。務。委。員。者。不。通。礦。學。及。取。益。防。損。之。法。何。能。盡。其。保。全。之。義。務。擔。其。警。察。之。職。任。乎。為。今。之。計。苟。欲。大。興。礦。務。當。一。面。延。真。正。礦。師。先。行。擇。要。勘。辦。一。面。設。礦。務。學。堂。於。局。中。招。選。聰。穎。子。弟。入。堂。肄。業。分。作。甲。乙。兩。班。甲。班。培。植。礦。師。人。才。畢。業。後。派。往。比。國。再。行。精。學。六。年。乙。班。為。速。成。之。選。畢。業。即。派。往。各。屬。分。任。礦。務。委。員。如。此。則。十。年。以。後。礦。政。人。才。日。出。礦。務。有。不。振。興。者。吾。不。信。也。

農工商部奏籌辦農會酌擬簡明章程摺 章程附

竊。上。年。午。丙。臣。部。奏。定。職。掌。事。宜。第。四。條。內。開。組。合。農。會。等。語。本。年。未。丁。五。月。間。直。隸。保。定。府。設。立。農。務。總。會。由。臣。部。奏。准。並。飭。各。省。一。律。仿。辦。在。案。中。國。地。大。物。博。治。本。於。農。管。子。輕。重。諸。篇。史。公。貨。殖。列。傳。於。樹。藝。畜。牧。言。之。頗。詳。自。士。農。分。途。而。農。業。益。衰。非。先。具。提。綱。挈。領。之。規。無。以。收。脈。貫。絡。通。之。效。農。會。之。設。實。為。整。理。農。業。之。樞。紐。綜。厥。要。義。約。有。三。端。日。開。通。

實業

農工商部奏籌辦農會酌擬簡明章程摺

七十五

戊申

智識日改良。種植日聯合。社會農民襁褓南畝。囿於見聞粗通文義者。百不得一。農會立則勸導演說聰明。以淪於振興實業之中。啟教育普及之漸。利一農民墨守成法。動憂土滿未經墾闢者。無論已卽已治之地。亦或蕪糞無術。擇種未良。貨棄於地而不收。力放於人而不舉。農會立則博稽新法。日事改良。究草人土化之精微。課計然金。穰之實效。利二農民情閱勢。渙貲力薄弱。往往淤其溝洫。蕪其隔岸。一遇旱澇。委諸天運。農會立則團結一氣。共圖公益。有所興作。合羣力羣策。以謀無爾界。此疆之別。利三。惟立法固貴因時。而興利必先防弊。入手之初。倍宜審慎。臣等愚見。以爲此項農會經營伊始。必民不驚而吏不擾。乃可相與有成。所有開辦需用經費。應先於地方善舉款中酌撥成數。以爲倡率。其餘聽入會人員酌量分別捐助。不准向農民妄加苛派。致滋擾累。成立以後。辦理會務。總以互結團體。共圖公益爲宗旨。開支各款。概從儉約。所有宴會等費。應令一律刪除。以節糜費。不必援照商會程式。方與農事性質相合。臣部職司提倡。自應研求盡善。以植基礎。謹本斯意。酌擬農會簡明章程二十三條。繕具清單。恭呈 御覽。如蒙 俞允。卽由臣部刊刻頒行。俾資遵守。至各省情形不同。風尚互異。應由各該地方官於籌設農會時。邀集士民。公同擬訂。便宜辦事。規則具報。臣部查覈。冀推行之盡利。俾俯順夫輿情。庶幾人盡力田副 聖朝勸稼勗農之

至意地不愛寶立中國商通工化之初基此項章程將來或有增改之處仍當體察情形隨時奏明辦理謹 奏奉 旨依議欽此

謹將酌擬農會簡明章程繕具清單恭呈 御覽

第一條 臣部綜司農政自以籌辦農會爲整理農業之樞紐 第二條 各省應於省城地方設立農務總會於府廳州縣酌設分會其餘鄉鎮村落市集等處並應次第酌設分所

第三條 農務總會派總理一員協理一員分會派總理一員應於該會董事中公舉稟

部札派 第四條 農會董事概以公舉爲定總會約自二十員至五十員爲率分會約自

十員至三十員爲率分所酌設董事至多不得過五員 第五條 董事資格如下(一)創

辦農業卓著成效者或研究農學能發明新理者(二)在該地方富有田業爲一方巨擘者

(三)或該地方土著或游宦流寓該地方已屆五年熟諳情形年在三旬以外者(四)其人

聲望爲該處士民推重居多數者平昔願全公益勇於爲義者 第六條 總協理董事均

以一年爲任滿之期先期三月再行公舉仍以得占多數爲主舉定稟部察奪 第七條

農會經費應於本地公款中酌量撥助入會各員分會員會友兩等擔任會費惟不准向農

民苛派轉滋擾累 第八條 農會開支概從儉約不准有宴會酬應各名目以節糜費仍

實業

農工商部奏籌辦農會簡明章程摺

七十七

戊申

將按年支款造冊報部查核 第九條 農會定期會議須按照商律會議通例辦理概從多數決議 第十條 總會地方應設農業學堂一所農事試驗場一區造就人才分任地方農務以挈各分會分所之綱領 第十一條 分會分所地方應設農事半日學堂一區農事演說會場一所招集附近農民授以農學大意以開風氣 第十二條 農會成立後應就該地方境內土宜物產切實調查研究改良辦法列表報部備核 第十三條 農會於各該境內有應修水利應墾荒地均准其擬具辦法條陳臣部核奪 第十四條 各分會分所應將境內所有春稔秋收情形米穀糧食市價隨時報明總會列表彙報臣部 第十五條 遇有旱澇荒歉應由該分會分所於未成災以前將詳細情報明總會會商地方官統籌辦法並報部核奪 第十六條 凡一切蠶桑紡織森林畜牧水產漁業各項事宜農會均可酌量地方情形隨時條陳臣部次第興辦 第十七條 農會辦理各事均應集眾公議務順輿情不得抑勒強迫轉失臣部勸農宗旨 第十八條 農會議辦事件均應與本省地方官接洽一切共為維持 第十九條 農民或被勢豪侵奪致有冤抑該總協理體察屬實可向地方衙門秉公伸訴事情重大者并准稟部核辦惟不得藉端把持致有徇私袒庇情事 第二十條 其有闡明農學創製農具改良農產編譯農書者均准各該農

會報部察核酌予獎勵 第二十一條 總協理董事各員其允孚衆望辦有成效者臣部自必擇尤給獎如有罔利舞弊借公肥私者或爲人舉發或經臣部覺察立予參辦不貸 第二十二條 臣部酌定大概辦法以爲準則其各省設立農會時應准其因地制宜詳定辦事規則稟部核奪總以無背此項定章爲斷 第二十三條 此項章程將來或有應行增損之處由臣部隨時體察情形奏明辦理

農工商部奏議覆副都統李奏請振興礦務摺

光緒三十三年十二月二十四日准軍機處片交本日副都統李國杰奏敬陳管見摺又奏請 飭廣東實力振興礦務片均奉 旨農工商部議奏欽此欽遵傳知到部查原奏內稱富國善策莫如振興礦務我國人民勤儉耐勞於開礦性質尤爲相近英人經營南洋礦務利用華僑先以寬大廣爲招徠礦業既興乃逐漸修改章程以爲限制是以民樂其利而不覺其嚴徵稅雖多而民不以爲苦若中國仿而行之合二十餘省之礦地歲入當可想見擬懇宣布 明詔准各省人民不拘何項礦質無論官山民業聽報地方官給照開採不許佔地不辦領照半年尙未開辦者將照註銷另准他人承辦一面招勸股商開築道路並勸設提化公司收躉礦質行棧遇有爭執官爲裁判曲直不必干涉商權農工商部奏定

中國礦務正章七十四款附章七十三條限制防閑條理周密將來礦務盛興可杜一切之流弊現今風氣尙未大開商人或不免疑慮統籌大局不敢苟安緘默等語查礦產爲天地自然之大利中國山川雄厚蘊蓄尤多徒以風氣未開遂至棄利於地臣部設立以後首先釐訂辦礦暫行簡章奏定頒行商民尙稱利便又奏設各省礦政調查局邊派議員調查本省礦產列表報告董勸商民分投開採各省礦地按籍可稽商民試辦頗形踴躍向來南洋各處華僑多以採礦致富近因感服 朝廷德意漸知攜資內嚮興辦實業前經臣部招致礦業起家之前檳榔嶼領事梁廷芳辦理廣東儋州等處錫礦上年臣楊士琦奉 命考察南洋商務復經招致著名辦礦之鉅商胡國廉辦理閩粵等處礦地業經發給執照并咨行地方官妥爲保護聞風興起當不乏人至英人在南洋屬地與辦礦務章程條例初從寬簡繼漸詳密蓋以開闢荒土利用僑民不能不尙智任術駕馭羈縻中國更始圖新情勢與南洋迥異所有一切法制自宜繁簡適中用垂永久升任湖廣總督臣張之洞遵 旨擬訂礦務正章七十四款附章七十三條採條取各國礦章折中損益視各國屬地所行之法則較密視其本國所行之法則較寬復經臣部會同外務部遵 旨核議奏 准頒行在案該副都統所請准各省人民不拘何項礦質無論官山民業聽報地方官給照開採

不許佔地不辦領照半年尚未開辦者另准他人承辦各節均與礦章各條款所載互相發明惟定章請領執照須稟明各省礦局辦理勘礦以一年爲期展限以六月爲斷限滿不
可由他人承辦應請均仍照定章辦理提化公司及收蘆礦質行棧誠於礦業大有裨助應
由地方官體察情形招商擇地設立或籌集官本以爲倡導其僻遠之礦開通運道尤爲要
圖或以路就礦或因礦修路應如何安定章程擬由臣部咨行郵傳部籌畫辦理總之提倡
礦業鼓舞商情在乎勸導之有方行政之不擾至於立法之寬嚴繁簡要賴行法者實力奉
行隨時酌量以收盡利盡神之效臣部前於梁廷芳胡國廉等辦理各礦亦未嘗拘以行查
限制之常例俾得迅速圖功但臣部爲礦政總匯之地而執行之權仍惟各省疆臣是賴應
請飭下各將軍各都統督撫飭令總理礦務各員周歷調查認真提倡將奏頒礦章各
條款擇要曉諭商民俾人人知其簡而易行不至視爲畏途凡有稟請採礦者立予核辦其
海外華商返國辦礦更宜相孚以誠信勿得苛責以繁文庶足以資提倡而示招懷至附片
所稱廣東籌款以賭餉爲大宗請飭下該省督臣實力振興礦務一俟稍有規模即將
礦稅所入比較賭餉逐漸禁賭等語查廣東賭風素盛徒以鉅餉攸出一時難籌相當的款
未能驟行禁止而流弊甚大不得不早圖良策設法挽回故凡以該省闈姓彩票等公司稟

實業

農工商部奏請查辦部統李奏請振興礦務摺

八十一

戊申

實業

農工商部奏陳歷年辦理棉業情形並擬現在辦法摺

八十二

五月

明臣部立案註冊者皆予駁斥今該副都統所奏以興辦礦務爲禁賭之法礦廠用人愈衆則無業者不必藉賭博爲餬口之資礦稅入款愈充則爲政者不必藉賭餉爲籌款之策一轉移間補救甚大該副都統情形熟習所言自切實可行礦務正章第六款載凡礦商呈繳之礦界年租及礦產出井稅並官地與礦商合股應得之紅利以一半解司庫充本省餉需等語將來粵省礦業大興礦稅所入不難與賭餉相抵應請飭下該省督臣一俟礦務稍有規模即將礦稅賭餉互相比較酌劑盈虛次第禁止總期淨絕根株以爲正本清源之計謹奏奉旨依議欽此

農工商部奏陳歷年辦理棉業情形並擬現在辦法摺

竊臣部於本年正月十一日接准軍機大臣字寄奉 上諭近年紗布進口日多民間紡織漸至失業著農工商部考察各國棉花種類種植成法編集圖說並優定獎勵種植章程頒行各省認真提倡未頒章以前著各督撫先行勸辦如有成效應令將所產棉花送部查驗准其奏請優獎等因欽此欽遵寄信前來臣等伏查棉業一項向爲土貨大宗自各國棉貨日益精良未免相形見絀比年關冊所載進口各種棉紗布疋絨貨等項歲值銀至一萬五千餘萬兩漏卮之鉅深可駭歎臣部開辦以來首以整頓土貨爲要義棉業一端尤深致

意於三十年四月間通咨各出使大臣調查各國商務暨棉業情形於三十一年二月間札飭上海等處商會傳知各商整頓棉業清釐積弊於三十二年二月間通咨各省調查全國棉產種類暨歲收總額以備稽核各在案查各省產棉之區以江蘇之通州海門崇明太倉寶山等處爲最盛通海歲產約一百三十餘萬石崇明太倉寶山等處歲產約八九百萬石此外如順天之涿州薊州武清良鄉各屬山西之蒲州絳州各屬河南之安陽洛陽靈寶鄧州各屬湖北之德安黃州漢陽各屬安徽之懷甯潛山太湖宿松各屬雖產額多寡不一而於種棉製棉之法大都因仍舊習未能力求精進迭經臣部通飭整頓並采譯美利堅種棉法日本紡績規約札行各商會統籌改良辦法一面提倡工業獎勵織品於紡紗織布各公司呈部註冊立案者罔不優加保護擇尤彙獎以期風氣漸開爲自保利權之計此臣部歷年辦理棉業之情形也此次欽奉 諭旨通飭整頓亟應欽遵辦理臣等通盤籌畫提綱挈領擬分調查提倡保護三期辦法刻先從調查入手除通咨各出使大臣轉飭商務隨員詳查該國棉花種類種植成法并選購種子繪圖貼說迅寄臣部彙核外一面由臣部擬訂表式通咨各省將全境棉業情形再行詳晰調查遵式列表各省所屬地方土性宜棉者若干處業經產棉者若干畝歲收平均之數畝得若干量以何屬爲最多以何區爲最良

實業

農工商部奏歷年辦理棉業情形並擬現在辦法

八十三

戊申

以何種爲最嘉以及歷年穰歉分數衰旺原由及所出紗布歲額若干行銷能否暢旺比較洋紗洋布良楛優劣差別若何卽由各商務議員商務總分各會分別考核彙報臣部續行遴派農科專門人員分往各省測驗天度之寒煖審察土性之燥溼辨別種類之良窳采用泰西農學家選子交種培肥料去害蟲諸法集訊鄉農實行試驗務令人人知棉業爲大利所在其業經產棉地方固當研究改良競求進步卽未經種棉之區亦諭令相土之宜量爲試種以興地利西北諸行省土性高燥地本宜棉尤宜加意提倡廣闢利源一俟辦有頭緒再由臣部通咨各省招商設立紡織工廠訪購新式機器改良織品務求精美期與各國紗布棉花相埒其出棉產地以及行銷處所並通飭地方官妥爲保護以資獎勵謹 奏奉 旨知道了欽此

熱河都統廷奏陳辦理蒙墾情形摺

竊光緒三十三年八月十七日承准軍機大臣字寄奉 上諭徐世昌奏覆東三省內蒙墾務情形預籌辦法一摺著廷杰誠勳按照所陳分別派員查勘仍著徐世昌咨商該都統等妥籌與辦原摺著鈔給廷杰誠勳閱看將此各諭令知之欽此遵 旨寄信前來仰見朝廷軫念邊陲興利殖民之至意欽佩莫名伏維近來時勢艱虞談防務者必以經營蒙

地開闢蒙荒爲主義熱河所屬昭烏達卓索圖兩盟十七旗幅員寥闊袤延二三千裡其散處於黃河以北者則有昭烏達盟之巴林左右兩翼阿魯科爾沁東西札魯特等三旗氣候土宜均占優勝之地位若不及時圖維著手愈難此原奏所謂經營蒙地宜從墾荒辦起開墾蒙荒東西宜從巴林辦起誠爲扼要之論惟是籌辦墾務法不一端而形勢之異同蒙情之向背有不可不詳察者東西各國殖民墾荒如英之於坎拿大日本之於北海道類皆無主廢地一經招墾歲收所入盡歸國家足以給殖民闢地一切之敷設是以開辦之初凡牛犂籽種房舍器物絲毫悉由公家置備故各國興業補助費有多至數千萬者事前雖屬糜費事後不難取償中國沿邊各營多屬盟地分茅胙土二百餘年與無主之業產可以隨意占有者不同主權雖屬國家土地仍歸自有今既責令報墾押荒錢糧不能不分半酌給公家徒擲大宗之款以組織一切事後仍無取償之期此在國家全盛之時財力或僅能支而非所論於今日漢加天下之賦以開拓窮荒而海內大耗宋竭內帑之財以營治西夏而國力頓虧亦前事之可爲殷鑒者也奴才之愚以爲就已成之款辦未成之事則易就未成之款辦未成之事則難若如原奏所云爲通盤合籌之法則必特派大員預籌鉅款重之以區畫之任濟之以財賦之權竊恐經費浩繁既非尅期所能集事地段寥闊亦非計日可

以開通不若各就地情形以目前之款辦目前之事得尺則尺得寸則寸收效較爲切實是以奴才自上年^{午丙}勸辦蒙荒以來即以招領爲宗旨其未墾也則妥爲勸諭凡里數寬廣地畝多寡皆令地方自行報効並不強爲索取其既墾也則嚴定章程凡繩丈長短土地肥磽皆依一定準則不准任意高下又爲奏請多留餘地俾資牧養少收押荒以廣招徠計自去今^紅兩年先後據各旗王公貝勒等指報荒地如敖漢旗之九道灣上臺昭烏達盟之巴林左右兩旗阿魯科爾沁東西札魯特三旗業經奏明設局開放而卓索圖盟之東土默特小庫倫奈曼各旗亦均派員勸導尙無端緒綜計可放之地與各旗面積比較亦不過十分之三^四然已大費周折良以蒙人狃於游牧雖知墾荒之利終懷失地之疑惟有因勢利導逐漸擴充不敢過事操切一切丈地招領皆略仿綏遠城墾荒辦法酌量變通以期盡善開辦經費先由庫款撥墊將來卽於荒價項下作正開銷其建築廬舍購買籽種仍照向來墾荒成例由領戶等自行籌畫不由官府給費所有測繪地形區別道路以及擇勘城鎮各基均責成各局員預爲布置一俟辦理有緒擬先設立縣治派員試辦以順蒙情此皆現在辦理之實在情形大抵招民開墾之法與移民開墾之法不同移民則創始難而所費多招墾則創始易而爲費省移墾非通盤合籌預計成數不能見諸實行招墾則度地因時逐漸經

營自可漸臻成效非不知墾荒宗旨不在籌款然非款則無以集事一經開放凡設官置署練兵籌餉以及添巡警設學校立公司皆地面上應有之施設此數端者均非無米所能炊也當此度支奇絀既不敢請領部款重累司農熱河貧瘠情形與奉天不同就地自籌尤非易易籌思至再似覺目前辦法只能因地制宜暫主招墾以爲徐圖擴充之計謹 奏奉 硃批該衙門知道欽此

東三省總督徐等奏清丈東流圍荒以正經界摺 附片並清單

竊查奉屬東西流水圍荒地畝經前任將軍先後丈放分設縣治惟原定放地辦法係聽民自擇並非挨段領墾以致餘賸夾荒任民侵占私墾在事人員又不免從中舞弊勾串折扣所在多有自光緒二十九年經墾務大臣廷杰將西流圍荒覆丈該圍弊竇爲之一清民間稱便惟東流圍地卽東平縣全境迄未覆丈其間侵欺隱占殆較西流爲尤甚近來私墾各戶互相競爭狡黠者肆意侵吞良懦者甘受欺壓紛紜聚訟糾葛滋多每願補交地價以保永業據度支司酌擬試辦章程呈請覆丈前來臣等查丈放荒地本爲招徠農民使之安業若經界不正隱匿侵漁互相控告殊非整理農政之道況西流圍荒旣已覆丈頗洽輿情東流事同一律自應援案清丈以息紛爭但能一秉至公使墾占各戶不失原業補收地價免

究私占民自樂從藉可集成鉅款實於裕課便民兩有裨益茲將試辦章程繕具清單恭呈御覽俟命下之日臣等即派員設局次第試辦再查東流巴勒克園樹川山荒前經廷杰撥補餘贖奏明封禁現查此項荒田多堪墾種未便任其曠廢應請一併丈放以厚民生而興地利謹奏奉 硃批度支部知道單片併發欽此

再奉屬鳳凰岫巖安東寬甸等四處葦塘山荒曾經前將軍趙爾巽奏明派員丈放旋因承辦員司辦理不善以致觀望遲延虛糜局費臣等到任後察知情形又因青黃不接若按則收價民力實有未逮隨飭停緩以恤民隱一面將辦理尤爲不善之鄧景臨等參革以示懲儆茲查安東葦塘徵稅甚微而隱占居其多數山荒私墾及曠廢者該四屬所在多有且均與朝鮮接壤從前每因越占迭次交涉當此開通商埠尤慮邊民愚頑私擅鬻售清界保權實未可視爲緩舉自宜趕緊接辦以興要政惟原定地價科則尙覺煩重自須略予變通以期便民易行臣等悉心酌核擬請將山荒私占種柞養蠶及開墾成熟者價分三等上等每畝改收庫平銀一兩中等六錢下等三錢生荒改爲上等每畝庫平銀五錢中等三錢下等一錢五分葦塘科則改爲二正一耗與別項糧銀徵數一律此外仍依前定章程辦理似此改減庶於裕課正界之中仍寓恤民之意嗣後如有應行變通之處再由臣等察酌辦理謹

奏奉 硃批覽欽此

謹將清丈東流水圍地試辦章程繕具清單恭呈 御覽

一東流初放新闢圍荒隱匿浮地弊混叢滋經此次覆丈之後其有私占額外無課地畝免其既往仍准原戶補繳地價照原額地不分等則每畝徵正課銀二分耗羨一分熟地當年起科荒地四年起科以裕課賦 一熟地按照錦州官莊章程分三等交價上等每畝庫平銀二兩一錢中等一兩四錢下等七錢平荒上等每畝庫平銀一兩四錢中等七錢下等三錢五分山荒定爲上等七錢五分中等五錢下等二錢五分鱸窪量予折扣册內仍滿入繩弓每地價銀百兩均加收銀十五兩以資經費 一凡覆丈後查出侵及夾荒及占墾封留之地其爲領戶原占者仍准原戶繳價認領其爲佃戶私自創墾者應歸該佃承領六成其餘四成歸承佃地戶分領如均無力繳價招戶另放儘首先呈報之戶價領以杜爭競 一額地如已出典經典戶耕種墾有浮多如在原典四至以內先儘原業價領仍歸典受之戶耕種將來准原業一併回贖如原業無力交價准典受者價領將來回贖祇准抽贖原典四至以內之地倘典受之戶另在原典四至以外自墾官荒概歸典受之戶承領與原業無涉以昭平允 一覆丈之初候委員示期挨段勘丈各戶應將從前交價領地照據或典兌契

據一併赴地段呈驗倘臨期不到先令地鄰鄉保將該地指丈註冊予限赴局補領丈單倘再逾限撤地另放 一丈明一戶地畝即由委員就地填給丈單註明戶名畝數四至坐落繪具地形自給單之日起予限一箇月持單赴行局清交地價經費等銀填發大照並將支單黏附照尾以昭信守而祛積弊 一浮地廣狹不同自應明定界限今定以地形方及東西長者均以西爲浮多南北長者北爲浮多如西北有廬墓者東南爲浮多又或一地而兼二則者以次則爲浮多即按次則收價以杜取巧 一浮地所蓋房屋仍准該戶照舊居住但將地價按則補繳所葬墳墓四圍准留三弓餘地免其遷移並免交價此外浮多按則補交至原有車道及不堪耕種之窪泡照舊畫留亦免補價以示體恤 一從前辦理墾務設立總行各局今在東平縣設立清丈行局由度支司總司稽核應免專設總局以節經費在事員司如果勤慎廉明迅速竣事應准照章擇尤保獎倘有徇私舞弊查明分別參處以資勸懲 以上各條係屬試辦章程嗣後如有應行變通之處再行擬議

開缺陝西巡撫曹奏試辦延長石油摺

竊臣於光緒三十一年十月初三日奏請試辦延長石油一摺奉 硃批商部知道欽此遵即咨承部臣督飭司員次第開辦計開辦至今已逾一年雖美利尙未大興而成效現已

漸著臣仰奉 恩召交卸在卽理合將經手始末情形歷溯陳之先是大荔縣人于彥彪窺延長縣煙霧溝石油礦苗甚旺與德國公司私訂合同行將開辦經前撫臣藩司力拒不許數爭而事始寢嗣是延長石油乃定歸自辦然以試驗不確礦師無人故歷一二年之久其議雖定而其事終未舉臣到任後詳查情形非速自開辦不能杜外人之覬覦乃督同藩司一面考查一面籌備先添員攜資至漢口聘定日本礦師阿部正治郎來陝採煉阿部復攜油至漢與其師日本化學博士稻並幸吉重爲試驗驗有把握始行具奏復派員至漢與稻並訂立合同令其回國購機聘師定期來陝開工一面先開北山車路以備轉運機器嗣由日本聘到技師佐藤彌市郎等購定各種開井煉油機器先後抵陝適車路告成遂卽築廠運機派員督工先鑿一井試辦當將歷次辦理情形陸續開列圖表咨部在案開工以後地質石土不一日鑿數尺或尺餘不等八月初開鑿至二十四丈餘深之度石油隨水湧出安機採取每日可得三千餘觔煉提輕油約可得半以化學驗之光白煙微足與美孚相敵日本所產反出其下及採取數日忽爾井水注滿油量大減技手幾爲束手繼用唧筒汲水尋源而取於是原油復出源不少衰蓋因油脈在下水源在上必避水以取油始不至油爲水掩也並聞技師言東洋越後之井深常一二百丈淺亦六七十丈美國俄國亦如之臺灣

井淺者亦四五十丈今此井僅二十四丈已抵油層是不惟油質之佳在各國之上即井工之省亦各國所無今第一井已成明年申戊開春便可於該處左近一帶次第開鑿如能添至數十井則利源所在正未可量惟查技師佐藤於化合之理尙未甚精油內硫酸漂洗不淨則色微帶黃而蝕力亦重與原日阿部所洗之油相較懸殊當此井油發現開廠伊始若前途之名譽有損即後日之銷售有礙技師佐藤既不擔煉油之責任又毫無改良之方法屢次商籌自媿弗能情願告退勢亦不可強留且北地苦寒水土將凍工作難施惟有飭令廠員督率華工就此已成之井取油煉油不輟其功免致廢棄至此後辦法則以另聘技師爲急務凡添購機器廠築工廠製造藥品諸事皆當次第舉辦以圖擴充而其最要者又莫如多籌資本預儲廠才蓋辦礦一事同於經商利益之厚薄恆視母財爲準若連開數十井其資本皆仰給於公家不惟庫款無此餘力且恐經理偶不得人則本利俱落於中飽蓋同此一事一經官辦則利必減等非官之盡不肖也一官一差不能數年而不易當其來時已懷去志既不能久自不能專其勢然也臣以爲保護利權非官不可經營利益非商不可今既由官創辦示效於人必再集合商力以承其後而後費厚力專方能爲百年經久之計應先將產油處所分別官地全行圈定歸公民地則給價典買不准私售外人亦不得私行開挖

然後設立公司。廣招商股。仍執定不收洋款。不借洋款之例。先由本省招集。不足復及外省。集有成數。或專歸商辦。或官督商辦。不敢預爲臆斷。致有窒礙。然商辦之愈於官辦。斷斷然矣。至若廠中諸業開辦之初。原不得不借材於異地。然使常常假手外人。不特要素挾執諸多不便。且恐垂涎者日闕。其旁將釀爲利源之大蠹。臣意擬於省城高等師範兩學堂內。選化學較通之學生若干名。先令在廠實驗。再擇其尤者。送洋留學習此專門。俾其學成回國。皆能膺礦師之任。則較之借材異地。利弊判然。凡此數端。容俟撫臣恩壽到任。舉所知者與之熟商。當能有以善其後。此事臣適居中。紐其先。爭回利權。惟督臣之力。其後補偏救弊。百端擴張。又一一期諸來者。臣尺寸圖功。未竟其效用。自愧矣。謹 奏奉 硃批著恩壽查明情形。妥籌辦理。片併發欽此。

再石油既開。須籌運送。議者謂宜由延長開路至黃河。由河而下。順達晉豫。臣初建之。及勘驗其處。距河二百里。路甚崎嶇。開通匪易。卽勉強開成。而該處黃河下游有名龍王辿者。卽禹貢之壺口。其地垂懸千仞。河水倒注。舟不能行。比三門砥柱尤爲奇險。尋常商筏至此。起舟登岸。用人拖曳。過龍王辿。始復下水。其滯笨萬狀。人力難施。若由延長開自龍王辿以下。則地勢益遠。無徑可通。此河運之不可行也。或又謂仿自來水法。安設暗管。令其自流。亦各

國石油舊用之法勘延長以南地勢自高而下似尙順易然中間深溝窪下之處甚多管形須直不能越過此安管之不可行也臣定議開辦石油之初即奏明由延長至省城開通車路嗣即分段估工繪圖咨部於上年^{丙午}春間開工至機到陝之日車路已一律開通重大機器用車運往毫未費難嗣又由延長開至榆林以爲北路運道亦經告竣榆林地方東渡黃河即入晉之包頭歸化北循邊牆即達甘之甯夏相距各數百里俱是商場再將該路略爲修治即可直達無礙北山一帶素稱瘠苦從此車路交通不惟運油爲便即民間一切生計亦可藉此轉機謹奏

廣西巡撫張奏勸實富賀煤礦撥款開辦摺

竊查廣西富賀兩縣交界西灣一帶煤礦前經派分省補用道周平珍集股專辦並經前撫臣林紹年奏明在案嗣以資本短少純用土法獲利不厚據該員稟請辭退經臣批准並聘前在巴黎國立礦學堂畢業生張金生前往探勘旋據稟稱北自香爐山小狗母嶺大嶺起南至鷄公洲泗塘止長約七里許東自觀音巖老虎沖天堂嶺起西至寶珠山龍過水止寬約三里許場面寬闊探得煤層五處苗脈頗爲暢旺煤格斜下六七十度係屬立槽寬狹不一自二三尺至六七尺不等可以開採依目下所勘情形布置兩年後每日出煤三百噸確

有把握約計開辦經費及活動成本實需五十萬金之譜自西灣以下沿途煤脈隱現綿亙數百里如賀縣以上三十餘里之鷓鴣頭以下十里之浮山寺地方河岸一帶顯露煤苗場面尤大俟西灣辦有成效即可漸次推廣等情前來臣查廣西地瘠民貧善後要政首在爲民興利而利之最豐者莫如開礦廣東及港澳等處近來輪船鐵路與各項製造廠日益增多無不需煤銷路愈廣煤價愈昂前閱農工商部官報調查近年香港進口洋煤約百萬噸核計時價已千萬兩誠爲一大漏卮挽回利權尤爲急務既據勸明西灣煤礦苗極豐旺自應委派專員先就該處開辦藉立基礎查有補用知府胡銘槃胸有經緯守潔才優現充礦政調查局提調考求精邃深資得力堪以派令總辦其事工程一切仍責成張金生一手經理至所需資本查廣西上年溢額實官捐款前經奏請以一百萬兩撥充廣西鐵路礦務墾牧專款經部議覆奏准在案擬卽就此款動撥五十萬發由胡銘槃具領核實支用謹 奏

中俄訂立吉林煤礦合同

第一條 中國東省鐵路公司有在吉林省議定界內勘挖煤礦之權其開挖應在何處應用何法均由該鐵路公司自擇惟勘礦之時仍須會同華官同往驗明實在無礙方准勘辦所謂礙者須指離民居或墳墓遠近而言如有市場之處所開礦口不得在二里內如不過

十家之鄉村礦口相距不得在一里內如有大墳地或禁林礦口相距不得在半里內 第二條 鐵路路線兩旁三十華里內之煤礦由公司勘辦但中國人亦可享在該路兩旁三十里內挖採煤餉之利益祇要於該公司已開煤礦無礙該公司不得攔阻或有他項洋人或華洋合股在三十里內挖煤應商准華官及該公司方能辦理其路線三十華里以外與該公司無涉無論洋人等勘挖煤礦准否均由華官自主該公司不得過問如該公司欲在三十里外勘挖煤礦仍須先稟准本省巡撫方可施行亦與各項華洋人等無異 第三條 凡鐵路公司自開之煤左近居民日用不妨可至煤審價買煤餉惟各處情形不同價值自難一律某處何價均應由哈爾濱鐵路公司酌定開單通示一面知會哈爾濱交涉局亦行通示華民 第四條 如遇尋得煤苗之處相近或房子三五所或小塊墳塋不過十墳之塋地而其地必須應用則鐵路公司可向地主房主商酌移墳等事價值派派交涉局員秉公商定妥辦隨時稟明本省督撫立案 第五條 凡勘明某處實可開挖煤礦應需地段若干由公司會同交涉局員向業主查看地勢公平議價或租或買即准開辦其勘採不用之地應由該公司出資填平交還原業主該公司無地面業主之權若有損傷樹木及殘壞禾苗之處亦由該公司會同交涉局員向業主和平議價償給 第六條 凡煤礦

應需木料在購定界內者由公司隨意砍伐如在界外民地應與地主和平議價按照與公司所定木植章程辦理其官地辦法亦須按照木植章程辦理 第七條 開出之煤每千斤鐵路公司交納吉省平銀一錢二分每年分四季交納第一次俄三月底二次俄六月底三次俄九月底四次俄十二月底又每座出煤窰洞每年交納山課吉省平銀十七兩六錢四分此項山課銀俄六月底一次交清 第八條 凡係官地亦須會同華官勘明畫定界址由公司議給租價惟須比照墾荒按等交納不得或過 第九條 凡鐵路公司與該處中國官家或華民有尙未商定事件將來就地商議不合之事均歸哈爾濱鐵路交涉總局查核定辦 第十條 以上章程係專爲鐵路公司自開之礦而定其華人自辦之礦無論新舊無論何處均仍照中國各章辦理鐵路毫無干預 第十一條 本合同應用華俄文繕寫二分核對如遇辯論以華文爲准 第十二條 公司所辦各礦由吉林之交涉局派員駐廠稽查出煤若干會同該礦辦事俄人登簿記數委員住房由公司豫備礦廠必須指定地段或圈一圍牆以內巡警可不闌入倘有犯事華人逃匿礦地界內應隨時由地方官知照廠員派人協同中國巡警前往查拿

光緒三十四年七月 日吉林專員花翎候補道杜學瀛押

俄歷一千九百零七年八月 日東省鐵路公司總辦霍爾瓦特 東省鐵路公司全權 達聶爾押

各省礦務彙誌

直隸○宛平縣屬珠窩村銀鉛礦產其富近經職司王君蘭亭稟請農工商部給發探礦執照以便探查確實後集股開採當奉批准照給○房山縣西北口子澗柳樹溝二處夙多晶礦所產有水晶墨晶茶晶及紫英藍英等料無一不備又光景礦洞坡二處盛產銀砂其饒厚尤勝於晶苗近經黃君毓彬延請礦師確實探勘招集股銀二十萬元一律開採業已稟由礦政調查局咨請農工商部立案發給執照○職商閻君魯卿等稟辦完縣屬康莊各煤礦歷經農工商部咨行直督轉飭該縣黃大令詳查於所指礦地界內並無窒礙核與定章相符當即准發探礦執照以憑探勘○建昌縣屬德賢溝金香鐘溝大石頭溝等處均有金礦近由職商孫君裕國呈請開採當奉農工商部批准○畿輔一帶戶口日盛用煤益多而水師製造等事尤以煤為命脈非開平林西兩處礦產所能敷給近經鐵路總局勘定灤州一帶煤礦稟由省憲札飭天津官銀號招集商股擇要開採以與利源而維久遠

奉天○安奉旅長鐵路沿線所有煤礦近歸中日兩國合辦已由東督徐菊帥奉撫唐少帥與駐奉日本總領事荻原君特訂條約茲錄如下 一安奉旅長鐵道沿線所有煤礦無論已開未開統歸中日兩國公司合辦如一方認為無利不願合辦之處彼一方可以獨辦 一中日公司合同可比照直隸臨城公司向比國借款合同訂定 一如中國將來與各國訂有合辦各處煤礦之利益此中日公司亦必利益均沾○與京屬屬峰靈煤苗顯露其實其佳近經高君元品等備集股銀一萬兩稟請開採已由東督徐菊帥奏奉 硃批農工商部知道

山東○戴君式芬稟請農工商部試開掖縣金銀各礦經該部核與定章相符當即批准發給探礦執照

山西○晉省士紳自與福公司交涉贖回開礦合同後即創設商辦全省保晉礦務有限總公司期將各種礦產一律開採除開辦款捐外再招股銀三百萬兩每股五兩分三期交收業已訂定章程早請農工商部註冊立案

河南○榮陽縣屬雀廟一帶礦地近由張君玉琳等勘定集股開採以百兩為一股共集百股合銀一萬兩○職商馬君

吉森等招集股銀二萬四千兩在武安縣屬薛村地方開設信成煤礦公司議訂章程十三條呈請農工商部註冊當奉

批准填給執照並咨飭地方官保護○修武縣屬鳳凰嶺一帶為太行支脈各礦皆有而以產鐵為最富近經本地士紳

劉君純仁等設廠開採名曰中州鐵礦廠先招股銀二萬元為優先基本陸續招至四十萬元徐圖推廣○光山縣屬朱

家灣鉛礦鉛苗甚富近已由官開採

江蘇○上元縣屬佛甯門山產有煤礦經江甯造幣分廠燒驗較日本二號馬崎煤為佳可合鑄造之用江督端午帥特

飭財政局撥銀五萬兩與辦名曰官辦阜甯煤礦並將試探期滿無力開採之商辦寶華公司併入辦理已奏奉 硃批

農工商部知道○徐州利國驛礦產甚旺自去歲于觀察森甫奉委調查回甯稟請江督端午帥籌撥資本十萬以資開

辦當奉批准飭在財政局領取官款前往督辦

安徽○宣城及涇縣一帶礦山林立而尤以南鄉之雞箕山東鄉之金家邊北鄉之鳳凰山獅子山煤產為佳鑿山路崎

嶇轉運非易而鳳凰山礦逼近南湖可以稍省運費近由陳君禮璋鄭君獻元發起招集股銀五萬元先從鳳凰山煤礦

入手開採議定章程稟奉農工商部暨江督皖撫批准註冊立案保護既於新河莊設立總公司並在蕪湖常州等處設

立轉運分局以期逐漸推廣銷路云○貴池縣屬陳家沖煤礦近由職商宋君起呈請開採當經農工商部核與定章相

符准給執照開採以興地利又貴池縣屬煤壕山柴煤小礦近由職商焦君壽林集資開採名曰日盛有限公司業已稟奉農工商部批准發給執照○歙縣屬龜形山煤礦近由職商汪君林集股開採稟由省憲咨部請照當奉核准發給咨由馮夢帥轉給該商祇領

江西○樂平職商袁君近在縣屬銅鼓嶺地方開採煤礦業已招集股本稟由該縣轉詳農工商礦局批准設局開採○上饒縣屬瀾泥塘煤礦近由過君體乾稟請開採已於丁未十二月初旬開辦○宜春縣屬吳家尖銅礦其苗質之佳堪與贛州銅礦相匹近由劉君宗義等稟請農工商礦局准予開辦當奉批示准予試辦○萍鄉西南一帶除油煤鐵錫等礦外鉅尤盛旺前經該縣紳商聯名稟准省憲倡辦廣豫公司開採鉅礦近以該縣礦產不止一處爰集多數同志廣招商股設立萍鄉礦務總公司並聯合全邑山主無論何等礦砂統歸該公司收鍊以保利權○泰和李君主盛等籌集股銀二萬元在縣屬水溪村地方創設集益鐵礦公司業已擬訂章程稟詳農工商礦局立案○贛縣屬下地方銅礦會由甯贛兩省籌款合辦已由礦師池別駕貞銓設局開辦近並勘得萬松山地方金礦苗甚佳旺擬先試辦該金礦然後大舉開採屬下銅礦已稟請甯贛大吏批准照辦

浙江○臨安縣屬甘山脚煤礦近經周君欽等集資開採已稟由農工商礦局轉詳省憲咨准農工商部給發探礦執照○天台縣屬之巖店饒有柴煤小礦近經陳君恩蓉等稟請農工商礦局詳咨農工商部准給探照試探○仙居縣屬水巖頭灣錫鉛礦近由富商吳君竹賢等與山主楊君體三等訂約合辦共集股銀一萬元稟經農工商礦局咨部核准給照開採○開化縣屬鉅溪溪谷兩處錫礦近由徐君士琛集資請探業經省憲咨部准給探照試探○遂安縣屬植樹坑姜灣山錫礦近經湖紳沈君毓麟集資開辦已備具章程稟准農工商部發給探照承領開採


福建○安溪縣屬珍地鄉尾崙山等處煤鐵鉛灰各礦皆有近由職商胡君國廉籌集股本二百萬元大舉開採已稟准農工商部填給執照並咨行閩督飭屬保護

湖北○興國州屬之龍港山礦極富近由鐵路局程觀察大徵戴大令思駿籌集資本稟准省憲開採

四川○達縣屬萬安場金礦近由魯君仲儀發起籌集股銀三十萬兩呈請開採當奉農工商部批准立案

廣東○番禺縣屬鶴邊村何姓山煤礦近由職商陳君講榮具稟農工商局請領探礦執照先行試探經農工商局轉請省憲咨准農工商部發給執照以憑探勘○增城縣屬橫頭值鉛礦近由李君大鳴赴農工商局稟請試探經局詳稟省憲咨准農工商部給照試探已轉飭李君承領矣○乳源縣屬官村煤礦近已由官開採派委鄭大令兆夔為總辦已於丁未八月興工○儋州屬那大墟附近烏槍嶺茶山欄洞嶺南雷嶺加蘭嶺大寶嶺灰窰嶺一帶官荒錫礦皆由職商胡君國廉區君昭仁探定開採共招華股三十萬元呈請農工商部批准填給執照轉飭承領以憑開辦而興地利

甘肅○阜蘭縣屬鐵石山礦苗頗旺由官先用土法化驗得鐵在四成以上遂即購地建築官鐵廠一所如法採煉一俟成效大著或再招商承辦或另籌官本擴充以圖久遠業由甘督升吉帥奏奉 硃批知道



商務印書館廣告

戊申年 第五

東方雜誌

近年報章發達出版日夥記載繁博苦難備覽本社欲定編
閱特仿日本太陽報英美而利費報體裁創設東方雜誌 已及五年 除自撰
論說廣

輯新聞編譯要件外又選錄各種月報旬報七日報雙日報名論要件區類十五分爲 圖畫社說論旨內務軍事

外交教育財政實業交通商務宗教雜俎叢談 並附 小說

洋裝精美 每月一冊 預定全年十二冊本埠洋銀三元外埠郵費六角

日本同外國郵費一元五角青島香港澳門與外國同零

售每冊洋三角加郵費五分 信局寄費購者自給一人定購五份寄送
一處者九折十份者八折詳章登載本雜

志內如蒙 賜閱請向 上海商務印書館總發行所 (棋盤街北段四馬路口) 及 京都天津

奉天開封濟南太原漢口長沙成都重慶福州廣州潮


州各分館 並各省代理處函購可也 再丁 戊申年首冊仍於正月

二十五日出版 凡編輯印刷諸事均當精益求精以副 雅意 閱者鑒之
再甲辰第一年十二冊二元五角外埠郵費五角乙巳第二年

十二冊二元五角外埠郵費六角丙午第三年十三冊三元外
埠郵費六角丁未第四年十二冊三元外埠郵費六角特白

上海商務印書館
專售各種印書機器等件

本館運售各種紙墨及印書機器等件物美價廉早蒙海內同聲稱許現在營業已逾十稔新建廠屋



增置機器添聘名師精益求精貴官紳商欲辦下列諸件者自當格外克己以期仰副惠顧之盛意

各種紙張

結實精美花色全備印刷書籍圖畫大小單件及裝面等無不適用

五色洋墨

光亮鮮美耐久經用無論石印鉛印純黑五彩各色一應全備

銅模鉛字

自鑄中西銅模鉛字自頭號至七號以及各色花邊無不精美合用

大小機器

有英德美各廠所製不同石印鉛印各隨所宜(大號搖架)(二號搖架)(自來墨架)(打樣架)各項全備

銅板鉛板

自鑄各種電鍍銅版照相銅版及大小鉛版選料完善製造精工

精印圖書

印刷中西書籍各種文件石印鉛印均可承辦排印精良裝訂美備

石印五彩

鈔票股票大小仿單地圖畫片招帖月份牌等圖繪精巧顏色光亮

總發行所在棋盤街中市

商務

論今日宜急開內國賽會以興工商 錄戊申二月二十八日時事報

西人工商之進步。出於格致之精益求精。實出於賽會之有加靡已。格致內也。賽會外也。賽會者。所以提全歐之精神。而便之一振。所謂登高一呼。衆山皆應是也。中國之工商疲甚矣。一人精。衆人妬。之且衆人毀之。毀之不已。並假其牌號。以壞其名。此中國工藝不精之大本也。然謂西人無嫉妬之心。則又不然。但西人之境地。與我不同。一人精。人人效之。并人人欲駕而上之。爭奇炫異。各獻其聰明才力。以誇耀於五洲。原其爲妬之心。未始不與吾國同。而用其爲妬之心。則又與吾國大相反者。其故何哉。此卽有賽與無賽之別也。

無賽則一人之精。一里一巷知之也。一廠之精。一城一鎮知之也。推之於各省。通行猶之俟河之清也。不甯惟是一里巷。知之一里巷之人。卽可以毀之一城。鎮。知之一城。鎮之人。卽可以毀之何也。源未長流。未遠正一人不勝衆人之傾軋。一廠不勝衆廠之擠排也。凡天下是非顛倒之境。大抵如斯。豈獨工藝乎哉。一旦合五大洲而賽矣。天下不患無物色者。而獨患無真才。天下不患有美於我者。而獨患無以取法於天下。天下不患有今日之賽。而敗獨患。

他日之終不能賽而勝天下不患我物之賽而敗獨患吾國之人之均不能賽而勝人之物精矣猶未精也我之物精矣猶未精也人人之心思如此人人之精神由此而奮而強人人之聰明材力由此而爭而長私者不能秘之公者不能忌之是非有定毀譽有憑天下之求進者由此進天下之求改者由此改此誠實業上日新月異之真公益此誠財政上旋乾轉坤之大公益哉

惟是列邦之賽陳陳相因吾國之賽特開生面特開生面者恐不足與人對待也宜先訂一賽法章程招集各省之物設一賽場作為豫備會品題其質權衡其材激揚其藝獎勵其人列之奏登之報筆之書何者優何者劣何者最何者殿劣而殿者慚優而最者奮精神躍然心智豁然則其中爭奇之效有改良者有新製者有翻舊者摩厲以須待以三年然後再訂一統章程招集五洲之物大賽於吾國絜長較短萬國來同逞海外之奇觀壯寰中之氣概豈不雄哉

且我有豫備其物既足以對待於人其人又足以取法於人一則關全國之心思二則興商場之市面三則固天下之根本四則合上下之心志無不趨入於農工商三者之間不言富而富有基不言強而強有路豈不快哉

惟是合王會之圖博物之院萃於一區必先築絕後空前之會所四通八達之市場蕩心駭目巍然煥然乃足以容受中外與會之人與物及中外觀會之人與觀會應用之物非細故也興之者斷非一地之官民所能成宜合天下之全力爲之第一責成各省之關與輪電路礦諸公司籌款爲之其次責成上海廣東漢口之總商會及外洋流寓商民之大者爲之輔其三責成各省商會與各省紳富之名譽人爲之殿孰興會所孰關市場或歸公司或作公私業產宜隨時訂章辦理夫如是一年之後可舉行本國豫備會三年之後可舉行全球大賽會極世界之大觀極世界之大公益也

度支部等奏核覆通州天生港設埠辦法摺

兩江總督端方奏通州天生港口岸修築躉船碼頭各工程用款由官商分別籌認擬在江海關常稅項下撥還商墊一片光緒三十三年十月十六日奉 硃批該部知道欽此欽遵由軍機處鈔交到部原奏內稱通州天生港係在江海鈔關轄境部議以天生港一處應祇作爲起下貨物之口岸不必預籌開埠通商所設分關卽作爲江海鈔關之分卡至關埠兩項工程約需銀十萬兩息借大達輪步公司款項以爲設關築埠之用應准照辦等因當經分行遵辦並委員駐工稽核茲據江海關道瑞澂詳稱疊商稅務司妥訂關章一面將碼

頭江岸如何辦理派理船廳與公司商定自上年十月開工至今工程大半告成現據該公司總理翰林院修撰張謇開送各工用款清摺聲稱已辦之工如蘆船兩號鐵浮筒船兩隻木跳兩座共用庫平銀八萬七百四十八兩一錢請剔歸大達公司自行籌認其石駁岸碼頭馬路等工程暨員司薪資一切開辦經費又應辦未辦之工如建築關房驗貨場各一所及隄內開港一道造橋二道統需庫平銀十萬六千九百三十四兩三錢均須由官籌認現在商墊場蹶請迅賜籌款撥還等情查蘆船鐵浮筒船木跳等項該公司請剔歸商認係與奏案相符其歸官認還各款雖較原估溢支銀六千餘兩實因員司薪費雜支等項原估皆所未及至公司墊用一切工料應歸官認之款照案須在天生港收稅項下陸續提還惟此項息借商款議定周年八釐照公司借墊十萬六千餘兩核算歲需息銀八千四百餘兩還本愈遲則耗息愈多不如俟全工告竣自明年_申起統在江海關常稅項下照數先行撥還似屬官商兩便至該港分卡章程現據稅務司請照大通等六處章程辦理毋須另訂以免歧誤詳請核辦除飭該關道督飭將全工趕緊告竣仍會商稅務司將該分卡章程復加體察應否斟酌損益妥議稟辦外謹附片具陳等語臣等伏查上年兩江總督奏請開天生港為起下貨物之不通商口岸並隸江海鈔關轄理就大達公司現有蘆船兩號接造碼頭

所有設關築埠費用業據聲明委員勘估約需銀十萬兩由該公司息借興辦息借周年八釐在每年官收稅項照數撥還當經外務部會同臣部議准奏覆有案今據該督奏陳該港自上年十月開工至今工程大半告成除蓋船鐵浮筒船木跳等項銀八萬七百四十八兩一錢別歸該工司自行籌認外其石駁岸碼頭馬路等工程暨員司薪資一切開辦經費又應辦未辦之工如建築關房驗貨場及隄內開港造橋統需銀十萬六千九百三十四兩三錢請由官認還核與原案辦法尙無不符惟此項由官認還之款較之原估銀數實溢支銀六千九百三十四兩三錢雖據聲稱實因員司薪費雜支等項爲原估所未及或亦實在情形然臣部核銷款項當以細冊爲據如將來全工告竣造銷到部核計所支款項毫無浮冒自可准其照銷至原奏請將官認各款俟全工告竣自明年起在江海關常稅項下照數撥還一節係爲藉紓商力節省息款起見自應准如所奏自明年起由江海關常稅先撥還銀十萬兩其溢支之六千九百餘兩俟造報到日經臣部核銷後再行酌予撥還擬請 飭下該督轉飭江海關道督令該公司迅將應辦未辦之工剋期蒞事並即詳細造具銷冊送部核銷其天生港每年所收稅項應令該關道於江海關常稅奏銷案內另款開報現在如秦王島關所收常稅亦係另款開報附入天津關常稅案內奏銷自當仿照秦王島關辦理

以便稽核。又原奏請將該港分卡章程照大通等六處章程應否損益令該關道會商稅務司妥議稟辦一節。稅務處查天生港開埠前由外務部會同戶部奏准作為起下貨物之不通商口岸。當經臣處以該處係在江海鈔關轄境。並經奏准作為江海鈔關分卡。所有辦事收稅及派員經理一切章程。咨行南洋大臣飭令該關道悉心妥議。申由臣處核覆再行照辦。在案。此次奏稱照大通等六處章程應否損益。令該關道會商稅務司妥議稟辦等語。應由兩江總督飭該關道就近會商稅務司從速妥議。仍咨由臣處核覆以昭慎重。謹 奏請 旨奉 旨依議欽此。

農工商部右侍郎考察商務大臣楊奏考察南洋華僑商業情形摺

竊臣奉 命前往南洋考察商務於上年九月二十日乘海圻海容兩兵艦由上海放洋。歷經美屬之飛獵濱法屬之西貢暹羅之曼谷都城和屬瓜哇之巴達維亞三寶壟泗水日惹梭羅及附近蘇門答臘之汶島英屬之新加坡檳榔嶼及附近之大小霹靂等埠。所有考察大概情形業經先後電奏在案。伏查南洋各埠為神州之外府瀛海之隩區。唐宋以來。通中國航舶互市琛賚偕來。昔人所謂海外雜國東南際天地以萬數。時候風潮入貢者也。自西人航海東來。逐漸佔據。始則通商建埠。久而屯戍設官。豆剖瓜分。夷為領土。昔之蠻酋

島長僅有存者而中國海疆多事亦萌芽於此然地當赤道炎瘴最深西人以水土不宜居留甚少土人則性情喬野嗜竈偷生惟我國閩粵之人生長南紀耐勞冒險所到之地類能翦除榛莽手闢利源其流寓久者已數百年擁贊巨者或數千萬而衣冠禮俗仍守華風屬市規模猶同內地敦本思源之念有足多者臣舟車所至廣布 皇仁博諮民隱舉凡工商消長之原物產盈虛之故與夫疆域戶口政令風俗之宜謹就考察所及爲我 皇太后 皇上陳之飛獵濱羣島大小千餘以小呂宋爲最巨其地西連閩粵北枕臺澎距香港廈門均不過二千餘里土產以煙糖蔗米爲大宗轉售行銷皆操自華人之手貿易則閩商最盛粵商次之商會學堂醫院銀行規模具備惟商稅既重工禁又嚴來者日形減少前此華僑不下十餘萬人現在統計戶口不滿四萬而市面亦因之減色美官紳漸知非策始議設法招徠本年正月間在該埠特開賽會凡華人來埠者一律優免進口稅名爲賽會意在招商臣晤美督時亦彼此推誠商權以期互收利益業經函知臣部酌核辦理西貢爲越南沿海巨埠上通瀾滄江內連南圻各省水陸輻輳商貨流通華僑約五六萬人其散處各省者共二十餘萬距海口十二里有巨市曰隄岸係華人貿易舊街尤爲富商所萃土沃宜稻播種於田不煩耘耨故產米之富甲於海南運銷出口者歲約一千二百餘萬石未經

墾闢者尙多碾米公司九家而華商居其七米市利權幾盡歸掌握惟人心換散因省縣之異分爲五幫曰閩幫廣幫潮幫瓊幫客幫各立公所互分畛域經臣邀集各幫商人勸令聯絡一氣迅設商會學堂並助法幣二千爲之提倡該商等咸感激樂從不久可期成立暹羅爲南洋大國北接滇傲東西介越南緬甸之間越躡於法緬躡於英獨暹羅尙能自立近歲採用西法外交內政均極講求惟民貧財殫於海陸軍備尙未能擴充整頓其都城曰曼谷居湄南河下游民物殷贍產米豐賤埒於越南象牙犀角珊瑚燕窩尤稱珍品全國華僑約三百萬人氣誼團結過於西貢暹政府間歲課華民身稅一次特爲入款大宗此外尙無苛待情事現閩粵各商正在籌設商會復經臣手札勸諭商情益形鼓舞俟訂定章程後卽呈報臣部奏明立案爪哇全島大於和蘭本國四倍分爲二十三府環海而治西部五府以巴達維亞爲都會中部九府以三寶壟爲都會東部九府以泗水爲都會日惹梭羅則爲內地著名都會其地在赤道以南與澳洲相近氣候炎煥土脈膏腴物產最富東部以糖業爲大宗西部以米業爲大宗瀕海則擅魚鹽近山則饒林礦華僑散居全島約六七十萬人和官選其才者爲馬腰甲必丹等官專理華民事務各埠現已設立商會七處學堂四十餘所頗能講明大義愛戴君親民氣最爲純樸惟和官稅重政苛事事箝制華人不以平等相

待·殊·違·公·理·汶·島·屬·蘇·門·答·臘·在·爪·哇·之·西·北·地·富·錫·礦·工·五·萬·餘·人·均·係·粵·籍·華·工·入
境·後·即·受·和·人·束·縛·食·以·粗·糲·居·以·茅·茨·驅·策·鞭·箠·視·同·奴·隸·臣·道·經·該·島·停·輪·撫·慰·並·派
員·往·視·附·近·礦·場·華·工·數·百·人·環·求·拯·拔·情·殊·可·憫·亟·宜·設·法·保·護·以·衛·民·生·暹·羅·之·西·南
海·岸·有·地·如·股·斗·入·海·中·內·多·巫·來·由·部·落·昔·皆·羈·屬·暹·羅·稱·為·地·股·今·歸·英·人·保·護·統·名
曰·海·門·屬·部·地·股·之·極·南·有·島·曰·新·加·坡·幅·員·甚·小·農·產·亦·稀·自·英·人·開·埠·後·免·稅·以·廣·招
徠·由·此·商·舶·雲·集·百·貨·匯·輸·遂·為·海·南·第·一·巨·埠·華·僑·二·十·餘·萬·人·工·商·而·外·擅·墾·沼·園·林
之·利·商·會·成·立·最·早·勢·力·甚·雄·英·官·頗·假·以·事·權·而·海·外·各·商·會·亦·以·此·為·樞·紐·學·堂·四·所
課·程·規·則·悉·遵·學·部·定·章·宗·旨·純·正·英·人·法·令·較·為·寬·簡·商·民·尚·得·自·由·惟·五·方·雜·處·良·莠
不·齊·奸·宄·之·萌·尚·難·盡·絕·地·股·之·西·岸·有·島·曰·檳·榔·嶼·商·務·亞·於·新·加·坡·而·農·產·過·之·果·品
海·產·尤·為·出·口·大·宗·華·僑·二·十·餘·萬·人·自·商·會·成·立·以·來·公·訂·規·條·自·相·約·束·游·惰·者·資·之
回·籍·貧·窶·者·教·以·營·生·英·官·頒·行·新·例·有·不·便·商·民·者·商·會·得·援·律·駁·阻·故·華·人·權·限·以·此
埠·為·最·寬·中·華·學·校·一·所·為·前·太·僕·寺·卿·張·振·勳·等·所·設·經·臣·部·奏·明·立·案·蒙·恩·賞·給
扁·額·一·方·圖·書·集·成·一·部·宸·翰·褒·題·規·模·遂·為·各·校·冠·從·前·商·人·子·弟·肄·業·英·校·者·僅
以·律·師·醫·士·起·家·今·則·講·求·政·學·研·究·中·文·商·智·漸·形·發·達·由·檳·榔·嶼·東·渡·海·峽·登·大·陸·逾

商務

皇工商部右侍郎考察南洋大臣楊奏考察南洋華僑情形摺

三十一

戊申

山南行而至大小霹靂亦海門屬部之一四山皆礦產錫最饒華人來此往往以赤手致富所產之錫歲值九千餘萬元由檳榔嶼出口運銷東西洋近歲錫價低賤年甚一年業此者頗多折閱若礦業一停則華工二十萬人皆虞失所而新檳兩埠商務亦視此爲盛衰關繫至爲鉅要以上所歷皆係通都大埠華僑薈萃之區商務以新加坡檳榔嶼爲最繁物產以小呂宋爪哇西貢暹羅爲最富而經營墾闢全恃華人故志南洋者輒謂西人雖握其政權而華人實擅其利柄其中不乏開敏通達豪傑有志之士徒以懸隔海外不覩中國禮樂衣冠之盛者幾數百年忠愛之忱末由自達此次蒙 朝廷特派專使撫慰商民以爲奇榮使車所至衢市闐溢家設香案戶懸國徽結綵張燈恭迎 恩命臣每抵一埠卽赴商會學堂公所等處演說敬謹宣布 皇太后 皇上德意萬衆圍聽額手嵩呼歡聲雷動外人旁觀亦爲改容觀民心愛戴之深可知 聖化涵濡之遠所到各學堂均酌給獎賞以資鼓勵總期爲 朝廷多布一分膏澤卽爲僑氓多添一分感情謹 奏奉 旨知道了欽此

農工商部訂定商務總分會與地方官衙門行文章程

一設立商會原爲聯絡商情提倡實業裨益地方起見是以總協理必須由衆商公舉才地

資望合格者充選而與地方官隨時接洽自無隔閡之虞至商務總分會與地方各衙門不能無公牘往來茲特定行文體例以資遵守 一總會既由本部奏給關防體制較崇其於本省及他省督撫均用呈司道以下用移各總會分會用照會 一分會與本省及他省督撫司道均用呈府廳州縣用牒各分會均用移各總會用牒 一商務總會總協理分會總理無論本身有無官階遇有商會與地方官衙門交接事件均以上項定例爲準不以總協理官階高下致分軒輊 一總會總協理及分會總理如遇地方公事箇人已事無關商務者即不准用商務總分會字樣出名具稟並不准鈐用關防圖記仍按箇人官職資格列銜與商會例無涉

中藏英印通商章程

大清一統帝國大皇帝 大英國兼五印度大皇帝 今因光緒三十二年四月初四日續訂藏印條約第一款內開光緒三十年七月二十八日藏英所立之約暨其英文漢文約本附入現立之約作爲附約如遇有應行設法之時彼此隨時設法將約內各節切實辦理等語又據光緒三十年拉薩約之第三款內開光緒十九年十月二十八日中英條約所有更改之處應另行酌辦等因現值應行更改此項章程之時是以 大清國大皇帝特派張蔭

棠爲全權大臣 大英國大皇帝特派戴諾爲全權大臣會同商議暨西藏大吏選派噶布倫汪曲絕布爲掌權之員稟承張大臣訓示隨同商議 大清國欽差大臣張 大英國欽差大臣戴各將所奉全權文憑互相校閱並藏員掌權文據一併查閱俱屬妥善改定章程如左

第一條光緒十九年所定通商章程與此次章程無違背者仍應照行 第二條 各商埠內向有難得合宜房棧之情事茲允英國人民亦得在各商埠內租地建築房棧此種建築地基坐落之處應由中藏官在每埠與英國商務委員特行商酌畫定英國商務委員與英印人民除在此處外不得在他處建築房棧但此種辦法不得有一毫侵害中藏官於此處之治理權亦不得損及英印人民在此處以外租賃房棧居住存貨之權利凡英印人民欲租建築地基應轉由英國商務委員向工部局申請租地文憑其地基之租價年限與合同應由租客與地主自行和平商訂如地主與租客因租價年限及合同等事意見不合應由中藏官商同英國商務委員調處其地基租定後應由工部局中藏官會同英國商務委員勘定又未經工部局給與租客建築文憑該租客不得興工建築但約定工部局給發建築文憑不得任意延宕 第三條各商埠治理權應歸中國官督飭藏官管理各商埠商務委員

與邊界官均須合宜品級彼此往來會晤以及文移往返應互以禮貌優待凡商務委員及埠官因意見難合不能斷定之事應請拉薩西藏大員及印政府核辦印度政府照會之意應並行知照中國駐藏大臣如拉薩西藏大員與印度政府仍不能斷定之事應按光緒三十二年北京條約第一款由中英兩國政府核辦 第四條如英印人民在各商埠與中藏人民有所爭論應由最近商埠之英國商務委員與該商埠裁判局之中藏官員會同查訊面議辦法其會同面議之意係爲證明實情公平辦理如有意見不合之處應按照被告之國法律辦理凡屬此種交涉案件均由被告之國之官主審其原告之國之官只可會審凡英印人民因身家產業之權利而起之事俱歸英國官管理英印人民在各商埠及往各商埠之商道中有犯罪者應由地方官送交最近犯罪之商埠英國商務委員按印度法律審訊懲辦但地方官於此種英國人民除應行拘禁外不得格外凌虐中藏人民有對於各商埠內或往各商埠之道中之英印人犯罪者應由中藏地方官拿獲按律懲辦兩面審辦之法俱應至公且平凡中藏人民到英商務委員處控訴英印人民中藏官得有派員往英國商務委員公堂觀審之權利凡英印人民到商埠內裁判局控告中藏人民之案件英國商務委員亦得有派員往裁判局觀審之權利 第五條西藏大員遵北京政府訓令深願改

良·西·藏·法·律·俾·與·各·西·國·律·例·改·同·一·律·英·國·允·願·無·論·何·時·英·國·在·中·國·棄·其·治·外·法·權·並·俟·查·悉·西·藏·律·例·情·形·及·其·審·斷·辦·法·及·一·切·相·關·事·宜·皆·臻·妥·善·英·國·亦·即·棄·其·治·外·法·權· 第六條英軍撤退後所有由印邊界以達江孜一路英國所建旅舍等房屋共計十一處應由中國照原價贖回仍以公平租價租與印度政府每旅舍一半留為英國經營由各商埠至印度邊界電線之官役之用並存儲材具其餘則留為中藏英印體面官往來站宿之用一俟中國電線已由中國接修至江孜英國可酌量將由印邊界至江孜之電線移售於中國當未移售以前中藏人之信當由此印政府所修之電線妥為接收傳奇又未移售以前應由中國擔任保護由各商埠至印邊界之電線茲約定所有人民如毀傷此電線或無論如何阻撓看管經理此電線之官役應立由地方官嚴懲 第七條凡因借債揭欠倒閉而起之控告案件應由該管官查訊設法追索賠償但如欠債者報窮無力賠償該管官不任賠償之責亦不得將公產官物扣抵 第八條駐寓西藏現在已開及將來新開各商埠之英國商務委員得安派往來印邊界傳遞郵件所用傳遞夫役於凡所經過之處應由地方官盡力相助與藏官所用傳遞文件之夫役同受一律保護俟中國在西藏妥立郵政中英兩國可即酌議裁撤英商務委員之傳遞夫役英國官商僱用中藏人民作合法事

業不得稍加限制此種受僱之人亦不得稍加擾害於西藏人民應享之權利亦不得因此稍受損失但此種人於應納賦稅不得豁免如有死罪情事應歸地方官按律懲辦僱主不得稍加庇匿 第九條凡往各商埠之英國官民以及貨物等應確循印藏邊界之通商大路前往不准擅往商埠外各地不得由亞東江孜無論由何道路繞入藏屬內地以往噶大克亦不得由噶大克無論由何道路繞入內地以往江孜亞東惟印度邊界土人向在藏屬居住貿易者因習慣既久仍得照舊按通行規例來往貿易但此種之如是往來貿易時應仍按向例服從地方官管理 第十條凡官商往來藏印其公私財產貨物途中被劫應即報明巡警官巡警官應立即設法拿獲劫盜交地方官立即審辦追贓如盜犯逃至巡警局地方官權力不及之地不能緝獲則巡警局及地方官咸不任償失之責 第十一條爲保公安起見凡存放大多數之火油及所有易燃危險之物應用池棧應安設在商埠內遠距民居之處英印商人未經按照章程第二條稟請合宜地基不得開築火油池棧 第十二條英國人民可任便以貨物或銀錢交易任便將貨物售與無論何人任便由無論何人購買上產貨物任便僱賃運載夫馬並任便照地方常規辦理一切貿易事宜不得格外限制刁難亦不得抑勒強逼凡英官商在商埠內及往各商埠道中之身家產業應隨時由巡警

局及地方官實力保護中國。允在各商埠及往各商埠道中籌辦巡警善法。之此種辦法。辦妥英國。允即將商務委員之衛隊撤退。並允不在西藏駐兵。以免居民疑忌生事。英國商務委員與西藏官民或通函件或面會往來。中國官並不禁阻。凡西藏人民至印度貿易游歷。居所享權利。與此章程給與在西藏之英國官民之權利相等。第十三條。此次章程自兩國全權大臣及西藏代表員簽押之日起。應通行十年。若期滿後六箇月內彼此俱未知照更改。此章應再行十年。每至十年俱照此辦理。第十四條。此次章程華藏英文字俱經詳細校對。遇有因解釋此章字句而起之辨論。應以英文作爲正義。第十五條。此項章程由中英兩國大皇帝批准。應自簽押之日起六箇月後。在北京及倫敦互換。

按以上章程。經外務部照會英使。轉印度陸軍大臣白德勒會同張大臣簽押。但尙未得英廷應允。以戴諾已調他處。總督急於赴任。未及待議結後。已離印京回倫敦矣。

上海南市勸業博覽會簡章

一宗旨。調取各省人力機器製造品羅列一處。比較良窳。研究得失。推廣其精美。改易其粗惡。俾工業振興。商業因之發達。二定名。會設於上海南市。因名曰上海南市勸業博覽會。三會場。在上海十六鋪南租地三四十畝。四圍繚以板牆。中蓋板屋。分設各品陳

一人董事五人查帳三人其辦事之帳房書記調查採辦管理經售各員俱由總協理遴選委任 七會期 俟招集股本十分之五開股東會時決議日期登報廣告約期在十箇月以外自開會至閉會以三箇月爲限 八售券 凡到會遊覽者先購入場券每人一紙每張售洋一元只用一次此項入場券在會場購物即可抵數其有躉購一箇月者每人洋十五元兩箇月者每人洋三十元三箇月者每人洋四十元均不能購物抵數

附 則

一調取各省製造品由會中函致各處商會如無商會者函致勸學所由當地紳商照引會中調查員向各業查考其有合用者勸其自運來滬到會自售其不願運滬者勸其指本批發以博名譽卽由採辦員備銀往購分批運回定價出售 一採辦之食品用品美術品分三所每所設一所長經理各項存貨售價每項經售處逐日結算售銀若干歸於所長由所長轉交總帳房收存查帳員每日至各項經售處分頭查核登記數目每一星期至總帳房核對凡自售貨不在此列 一自運貨物來會出售者計地繳租每方租銀若干分上中下三等以所售貨物貴賤爲憑售貨時收進之入場券准其向本會帳房兌回現銀或抵地租 一會場另設精舍羅列宋元明及國朝名家書畫及各種古銅舊磁

器皿以供游客清賞 一會場開設酒樓茶寮各項點心舖俱由會員經理必精必美與外間迥別 一每一星期唱改良新曲一次如林步等閉會日期調集蘇滬伶界名角演戲三日凡有入場券者均不另收費 一閉會之後售存各貨八折作價爲第二期資本另填第二期股單勻給舊股東其貨安存金利源棧房爲下屆售品

商辦信義儲蓄銀行添招新股章程

第一條 本銀行爲推廣公益挽回利權起見添招新股本一百萬元正分爲一萬股每股收銀一百元正 第二條 本銀行早經度支部批准開辦農工商部註冊保護業在鎮江開設總行並在上海漢口武昌北京揚州南昌蕪湖長沙湘潭宜昌開設分行其餘各大省會大商埠均設有代理之處名譽之盛人所共知此次添招之新股銀即酌量分布各分行照章起息 第三條 凡入股之人以本銀行收到股本之日起息每年行息八釐 第四條 本銀行總理協理董事查帳各員均由股東公舉一切股東應得之權利悉照商律辦理 第五條 本銀行紅利作爲二十成分難以六成爲公積以四成爲任事人酬勞以十成爲股東按股均分

各省商務彙誌

商務 商辦信義儲蓄銀行添招新股章程

直隸○房山縣屬陀里至花港約計四十餘里近由王君竹林發起招股創辦機運煤公司該處陀戶工人向恃轉運為生者概歸公司安置安貼以免失所業已稟奉農工商部批准開辦○熱河地處邊隅各屬商民類皆不明團體罔知商戰廷用賓都護因力為提倡勸令於熱河設立商務總會各屬一律設立分會以期聲氣聯絡商務日臻發達業已奏

奉 硃批農工商部知道

奉天○金州屬之普蘭店向係村墟人煙稀少近因港運漸通營業者建屋設舖別成一小市鎮輸入運出居然百貨皆有附近各埠商家莫不聞風踵至其商業之發達正未可限量云○營口水源污濁尤多鹹質居民飲之頗於衛生有礙水道電氣公司特即開辦自來水以供民戶飲用近已勘定大石橋地方為其來源云

吉林○吉省創辦電燈公司初擬招集商股二十萬元嗣因風氣未開入股者寥寥無幾爰稟請吉撫朱經帥暫由官帖局撥墊中錢二十五萬吊作為開辦經費俟股本招足或電燈稍有成效再歸還此款當奉批准隨即度地購機布置一切

山西○太原為晉省商界總匯之區自正太鐵路既成販路四達局勢尤形重要亟宜設立商務總會以為全省之倡爰公舉會君紀綱韓君謙為總協理已稟請農工商部奏准札委並給關防以資信守

河南○汴省煤礦迭經開採惟不能運銷他處近由王君樹森等招集股銀六萬兩創設阜豫轉運煤炭公司專運各礦煤炭至外屬暨津漢等處銷售近已擬定章程稟經商務局批准試辦

江蘇○寓滬職商李君雲書等發起招股於南市建造新式戲園名為新舞臺與伶界夏月珊潘月樵二人訂立草議資本各半全班移至南市以期振興市面故定名振市公司云又某君等發起招集股銀一百萬元設立交換所股分有限

公司以各種貨物股票債券評定價值買賣交換為目的近已擬定章程呈請農工商部註冊

江西○賀君爾登龍君鍾伊等發起招股創辦省城電燈公司業已稟奉郵傳部批准立案並咨行發撫飭令地方官照章保護○贛省創設勸業場即以萬壽宮改辦後殿簾廊改為畫室前殿兩旁布置一新分類陳列各貨均極精美惟開辦之始商人罔知用意咸不願往且紛紛具稟求請遷地嗣經通人再四開導始無阻撓

浙江○職商吳君等糾合同志招集股銀二十萬元在杭城西大街創設電燈公司業已稟請省憲立案

湖北○鄂省武勝門外距城十里之江濱地方經升督張中堂奏准開闢商業經查定基址在案鄂督程次帥以該地為京漢粵漢鐵路交會之所粵漢之武岳一段將次開工通商場亦應同時舉辦特札飭商場委員將該商場兩積繪具全圖所有一切應行佈置各事如市廛廠棧局所捕房廳佔地位一併籌議開列辦法呈候核定即照印千百張出示招中外商人承租與辦

新疆○疆撫聯星帥以新疆茶務日疲特奏請設立茶業公司以資整頓當奉 旨准已由農工商部所訂公司章程併一切製茶之法以期切實講求速收成效

伊犁○蒙古哈薩克部落風產羊毛皮張俄商每以低價收去製成熟皮哈喇氈片等物仍行販售蒙哈各部以高價索值往返盤剝恆什倍以取償伊犁將軍長少帥有鑒於此特設皮毛公司以與蒙哈貿易集股三十萬元官商各半取蒙哈日用所需如茶葉布疋等物先行購買儲積以備各游牧來購者與之按照時價定議其皮毛則隨時交納或按春秋兩季交納悉聽其便至轉售與俄商安集延等亦按時價定議以敦和好近已奏咨立案

廣東○大埔商民招集股銀二十萬元設立富羣地方銀行其辦法以附揭積聚匯兌為先俟有成效再行提辦實業

商務 各省商務彙誌

商務

韓開商港 荷屬賽會

四十四

五月

植工藝以符地方二字名義總行設於大埔分行設於永定近已擬定章程稟請農工商部註冊
 廣西○南甯自開商埠後商務日形發達亟宜設立商務總會以資聯絡近由職商蔣君虞等公舉黃君增榮陳君廷祿
 為總協理稟請農工商部奏准立案並給關防以資信守
 貴州○黔省設立農工商務總局辦理通省關於農工商一切事宜其中分設四所曰農務曰工務曰商務曰庶務自總
 辦提調以至四所員司皆以官為之而會議調查員則派紳士充當每月會議兩次遇有特別事件則開特別會議以期
 集思廣益事無不舉云

韓開商港

韓國咸鏡北道富甯郡之青津港自隆熙二年四月一日即光緒三十四年三月初一日起改為外國通商口岸業已訂定條件布告各國

荷屬賽會

西歷一千九百零八年八月三十一號即光緒三十四年八月初五日為荷蘭女皇誕辰南洋各島荷官屆期於蘇門答臘日麗所屬之棉
 蘭舉行賽會邀請各國工商赴會作十日陳設以圖慶賀業由南洋僑商張京卿煜南布告同胞屆時各賣商品前往赴
 賽以期師長補短於我國工商有所進步至賽物入口時須預先報明公署以便給憑免稅藉廣招徠云

小說

小戰記 英雄骨 續前

幼烈思

幼烈思本乍野王後。因希臘人侵伐不已。去而至荒僻之區。畫地爲城。嗣遇一女神。名開普沙。有殊色。百方炫誘。幼烈思介介自持。不爲所動。開普沙後心欽之。不復來。然幼烈思身居荒地。久必生奮。常念及意色開。意色開者。幼烈思故鄉也。與其婦別已十餘年。益切懷思。遂帥兵數百。乘舟往意色開。中途爲巨颶所引。至賽康口岸。是時賽康已被希臘人攻奪。幼烈思心不能平。卽勒兵與希臘人戰。勝之。無如幼烈思紀律不嚴。縱部曲掠奪。民苦其騷擾。欲破滅之。乃佯設宴會。賀幼烈思功。一軍皆醉。民羣起殲兵。幼烈思跳而免。部下所餘無幾。知不能報。航海而歸。達墨尼阿。忽北風大起。又退回薛收米地。行十餘日程。若未行。然後抵一島。幼烈思之兵飢渴甚。島中人授以菓。分啖之一。轉瞬間。皆迷惘。不知人事。幼烈思在舟。待之不來。遣招之。彼輩躑躅忘返。幼烈思命牽曳以行。強納諸舟中。急張帆。乘風以游。知此菓果能迷人性也。行經一夜。不識何地。至午。復傍一島。係色那頗人居之。其人皆強壯。不知耕

種田產麥刻刻。猶患無糧。葡萄且觸處纍纍然。輒以無酒爲苦。農學不修。文字早廢。無所謂種族。無所謂合羣。無君臣。無父子。無禮義廉恥。各肥一身。不復他顧。因山爲居。亦無室宇。無商無士。無舟車。幼烈思則遣十二人先往察覽。見其居人體頗修偉。形狀詭異。其所居或於窟穴。或以不斷之木爲柱。幼烈思知此島人勇而愚。與之相交。當以禮不以氣。奉美酒爲敬。島人荒鄙。酒至輒盡。酬以殺皮。幼烈思攜以行。隨見彼所列食品。皆野獸乳酪之類。忽聞吼聲自後起。幼烈思大驚。蓋此島本蠻夷族。不知外交。見幼烈思等入彼山窟。乃潛塞其門。擒之。曰。汝來何爲。爲商乎。抑將爲盜。衆聞其聲如霆震。皆辟易。幼烈思獨從容答曰。皆非也。吾曾爲乍野王。被希臘人侵迫而來。此時之乍野。已爲愛曲司之子野更來管轄。吾等飄流四方。無棲身所。乞垂憐鑒。中一人曰。波那飛者。聞幼烈思言。不信。手牽一兵破腦磔體。噉之。如食雞豚然。幼烈思急不得遁。視其食畢。他往。乃潛身於羊羣中。棲之。不敢動。欲待夜半人靜。拔劍斬波那飛。復思勢孤事危。何可妄舉。而波那飛亦懼幼烈思智勇。慮其逸。以一大石固戶。幼烈思心甚皇皇。不能成寐。明晨。色那頗人皆起。欲朝食。又捉二人烹炙之。然幸未及幼烈思也。幼烈思見屠宰呼號之慘。心骨俱碎。而彼族方津津齒頰間。日暮。色那頗人復宰幼烈思攜來之牲畜供食。幼烈思知將及已。不若拚一死。設謀圖之。於是沈思密想。欲得波那

飛之歡心。舉葡萄酒滿酌以進。曲媚之無不至。色那頗人嗜酒。再酌再飲。復命將所煮人肉。和羹以備晚餐。幼烈思亦從之。波那飛見幼烈思能聽其所使。喜甚。叩其名。幼烈思不以實告。曰。吾名無人。凡吾友人。皆以無人呼我。波那飛曰。吾食衆人盡。行將及汝。言已。眊然僵於地。蓋波那飛從未得飲此美酒。今狂吸無算。以至大醉而仆。幼烈思即以鐵桿火叉灼熱之。約同伴共制波那飛。於是壓其足。扼其項。而束其手。幼烈思以火叉直刺波那飛右眼。波那飛由夢中驚醒。痛而大嗥。於是窟中人聞之。叩門以詰。波那飛曰。無人在此。無人殺我。衆不知此。即幼烈思之假名。乃應之曰。既謂無人。而汝發疾痛之聲。必有神道謀之。吾不能救也。遂散去不顧。幼烈思乘東方未明。令其衆皆身蒙羊皮。混合於羊羣之中。然波那飛目雖瞽。猶思報復。手摸得門徑。即坐守之。故每羊出此門。必經波那飛手抹。幼烈思知其意。獨退於後。蒙皮以出。而波那飛怒聲惡色。踞坐門前。竟不能得。徒切齒而已。幼烈思等急奔回船。張帆搖槳。直向西流。若恐不及。然波那飛猶狂奔來前。知幼烈思去尙不遠。聞幼烈思於船首痛詈曰。波那飛汝不善視客。而殘虐之。汝應得此報。波那飛大怒。拾石以投。幼烈思復呼波那飛曰。若有人問孰刺汝目。汝可以意色開王理第之子幼烈思對。非無人也。波那飛大悔恨。顧亦無可如何。是時風潮正順。幼烈思船若箭激。瞬息千里。後抵一島。島有風神。曰以內

施生子十二。掌海上風潮。月行一周。幼烈思遇之。恭敬有加。月餘。幼烈思欲回意。色開。以內施以一物。贈幼烈思。以牛皮密紮。內貯風而不漏。蓋授幼烈思旅行之券。使之至家得速也。幼烈思感領。懸諸船首。衆不知其實。疑以內施以金銀爲餽。贖也行九日。卽達意。色開。其時幼烈思正酣睡。衆見已達岸。欣躍無已。見皮包懸船首。各欲爭覩。強自破之。但聞劃然有聲。不見一物。幼烈思驚寤。詎一點鐘時。舟復被回風。仍送至以內施島畔。咎衆妄動。徒廢此九日跋涉之勞。擬仍往以內施處乞贈。又恐遭彼誨責。終難辭罪。籌思既久。舍求以內施。別無他謀。於是撫心息氣。造以內施之門。而又不致遽入。以內施出見幼烈思回。異之。問幼烈思曰。爾來何疾。母乃不慣久居故鄉乎。抑以吾餽猶爲不足。第吾待汝。亦可謂至矣。幼烈思曰。吾偶臥舟。不幸爲衆破囊洩風。退至於此。以內施不悅曰。此中或有天道。汝不慎而自敗之。不可復言矣。幼烈思無以爲計。退卽竭力從事帆槳。然終不及前此之萬一。後七日。幼烈思至雷維思島。因風潮過大。不敢復行。乃暫停泊。見是島炊煙四出。迴不見人。使二人往探。行未遠。遇一少女。嫻雅艷麗。迴出倫輩。見二人來。招之。問此島爲何人居。則不答。遂相與至其居。有父曰。愛恩德。管轄是島。島人體多修岸。其父亦偉丈夫。母亦軀相等。二人見以爲異。俄而愛恩德驟攫此二人。欲生啖之。僅得其一。一則逃歸幼烈思舟中。愛恩德復大聲一呼。有

長人無數。聚而聽命。愛爾德投石破幼烈思之舟。幼烈思亟換一短艦。疾馳而去。後至亞意亞島。是島本爲賽爾司女神所居。然賽爾司父爲太陽神。其母爲海神女。故賽爾司饒仙術。幼烈思欲訪察亞意亞島情狀。又恐一敗再敗。不可復舉。乃思得一法。分所帶兵爲二隊。各二十二人。其一幼烈思自帥。一則曾悅羅帥之。因曾悅羅頗忠勇。能知公利大義。於是二隊分道出。曾悅羅與其兵隊至亞意亞城內。見賽爾司所居室。規模壯麗。不敢造次進。俟於門外。良久。賽爾司女神邀之入。兵隊先。曾悅羅獨後。旁皇不前。移時不見兵隊出。心益疑懼。蓋賽爾司既邀兵隊入。款待至殷。置酒以饌。潛以毒藥入酒。衆不及加察。爽飲不辭。飲畢。賽爾司變色而怒。手鐵桿擊兵隊。衆一時聲形頓變。非復人類。嗚嗚不已。已成豚豕狀矣。賽爾司投以稻殼。驅而飼之。曾悅羅俟久不見兵隊之出。知有變。奔告於幼烈思。幼烈思聞言欲與偕探。曾悅羅不敢行。幼烈思乃隻身往。以衆人被害。則勢益孤。烏能圖大事。比至賽爾司居門已鍵。叩之不應。忽見一女神自旁出。止之。是神名墨可。早知幼烈思來意。謂之曰。汝來何爲。汝必欲以己身投危地。吾亦不能阻汝。汝亦知曾悅羅之兵隊。胡爲入而不出。蓋彼輩已受賽爾司之毒。易形爲獸矣。汝有何術。欲圖拯救。雖然。汝之公忠。誠爲可敬。甯可坐視而不爲之計。遂以一靈枝授幼烈思曰。此枝可以消滅邪術。汝持此以入。則無患矣。但遇事必勇。

往無却。或可濟事。吾料賽爾司見汝進。必飲汝以迷人之酒。且操戈以待汝。斯時萬萬不可疑懼。且當奮勇以迎。奪其所持器。使無術可使。則此仇可復矣。言竟。忽杳。幼烈思即入見賽爾司。賽爾司禮貌益恭。彈箏勸飲。待幼烈思酒酣。遂操戈擊之。不知幼烈思得靈技之護。賽爾司不得行其術。知幼烈思有異。不能加害。曰。汝爲何人。吾自行此術以來。鮮得解脫。汝以何術。而能困我所爲。倘肯見示。願以身許。幼烈思曰。天下有惡人者。至殺其身。愛人者。至以身配。既欲殺人之身。又不自愛其身。則汝之反復無常。已不可問。汝有邪術。化人爲畜。今日遇我。則汝技已窮。汝趣還其原體。則我不毒汝。賽爾司從之。呼婢灑掃別室。邀幼烈思入。設盛饌。與之歡飲。命引豕至前。復施其法。瞬息間。皆轉爲人。衆見幼烈思在此。知必以術制賽爾司矣。於是歡舞之聲。徹於內外。而幼烈思之兵隊。不見。幼烈思歸。亦疑之。詣賽爾司處。即聞幼烈思與賽爾司宴飲。先來者皆無恙。遂亦進見。惟酋悅羅氣餒。獨留舟中。慮禍及於已。何其選懦無丈夫氣也。自是幼烈思等頗相安。流連者約一載。幼烈思忽悵然懷妻子。惘然不樂。一日賽爾司謂幼烈思曰。汝行吾不之阻。凡未來事。必使汝先知之。幼烈思曰。吾所以躊躇者。實不願舍汝而之他。賽爾司曰。庸何傷。惟泰爾士島之行。汝似不可已。幼烈思如其言。駛舟前發。得見普士朋。引幼烈思至冥府。亦有人民。往來錯雜。別爲一世。大異之。其後又

至泰爾士島。普士朋曰。吾有言。願子聽之。往徹葛爾島時。切不可屠聲思神人之牛。不然。難必不免。幼烈思深信其言。又見鬼神異類。而幼烈思之母亦得相見。訴別後狀。依依不能舍去。其後幼烈思仍欲返意。色開。視其妻子。又遇賽爾司。賽爾司曰。汝死法有二。何其不幸。此後汝聞色爾恩之歌。汝必忘情於爾妻子。而爲邪術所愚。雖此時歸心。綦切。他日恐早棄置勿道矣。幼烈思慮之。乞賽爾司以術爲抵。曰。匪止此也。當汝返意。色開時。尤先後見三女子來。一曰色爾恩。立草澤中。人骸環繞。此骸骨卽彼等平日以歌曲迷人所得也。汝欲求免。必先塞同行者之耳。使之不聞。而爾亦當自束手足。則無妨礙矣。幼烈思曰。又有二女爲誰。賽爾司曰。一曰師客來。一曰客悅波。蓋是處之險。無出其右。自阿戈船得脫。師客來客悅波之難後。吾不復聞之矣。師客來與客悅波正遙遙相對。居於二山之間。行舟過此。稍偏必不免毀亡之慘。因師客來居山下。有水旋流。師客來之脛。修可六尺。吞巨舶若一粟。至客悅波貪食最甚。一日不知啖幾許物。尙不足饜飫。今子之往。甯近師客來旁。以其母名客月帝。猶有善心。吾先爲汝往請。則彼必勸其女。師客來不擾亂於爾。使得過此。隨拿爾也。幼烈思從其言。行離色爾恩之島不遠。乃將賽爾司所云色爾恩之歌。實具迷人術。告諸衆。使皆塞耳。且命將已手足。悉束縛緊密。至色爾恩島。果聞歌聲載道。幼烈思情不自禁。跳躍如狂。幸手足

小說 英雄骨

十四

五月

不得轉動。而諸人以塞耳不聞。得脫於險。後舟過師客來旁。亦無他變。客月帝之力也。卒達意色開。見其妻披因阿。與其子鐵墨開。極室家之樂。意色開之人。因幼烈思遠出。方思之。不置。茲得相與歡然道故。樂故未央。要亦幼烈思堅忍之念。不憚艱阻。有以致此。嗣是幼烈思遂安居於意色開。終其天年云。

未完

雜俎

光緒三十四年四月中國事紀

▲爲記者知此事之見於是日也
▲爲記者以見報之在是日也

四月初一日。△雲南革命軍起事。河口陷。會辦王鎮邦死之。初二日。△綏遠城將軍貽穀革職拿問。以辦墾墾。與副都統文哲理互劾。被查得實也。其隨同舞弊諸員。各請既有差。文哲理亦以侵挪庫款。交部嚴議。▲以信勳接充督辦綏遠城墾務大臣。暫行兼署將軍。初三日。△安徽英山縣土匪鬧教。焚署劫獄。並毀天主教堂。▲諭令禁煙大臣嚴定章程。認真摘發。並令言官於辦理禁煙三箇月後。揭參沾染嗜好。巧爲掩飾各員。▲安徽裁撤安廬險和道。添設巡警勸業道。並改徽甯池太廣道名皖南道。鳳穎六泗道名皖北道。各加兵備。街從巡撫馮煦之請也。△鄂爾喀入貢。△賞湖南舉

雜俎

光緒三十四年四月中國事紀

人王闈運翰林院檢討。以興學有功也。初四日。▲准浙江巡撫柯逢時開缺。仍資成督辦土膏統稅事務。遺缺以增韞補授。▲以吳廷斌補授直隸布政使。朱其燿補授山東布政使。鹿學良補授福建按察使。初五日。▲大清銀行所存國民捐。諭令改存儲蓄銀行。本息准原捐人隨時收取。初六日。▲吉林候補道王昌燦以前在長春府知府任內貪苛賍妄革職。並勒繳銀十萬兩。▲賞前署山東督糧道郭慶襄三品卿銜。內閣中書尹果內閣侍讀銜。以鄉舉重逢也。△前福州將軍崇善卒。初七日。▲廷試東西洋游學畢業生。△尼泊爾入貢。△命開缺滇藩劉春霖。以三品京堂候補。督辦雲南軍務。初八日。△駐俄使臣薩蔭圖。電告外務部郵傳部。派二等譯員鄭延禧入萬國行船會。並派學生陳瀚范其光。隨同考察。初十日。△蘭復已故提督董福祥革職處分。以其家屬報効鉅金及槍械也。十一日。▲鎮江兵警交關。十二日。▲以惠森補授浙江

十三

戊申

接察使。王慶平補授新濟鹽運使。▲直隸布政使吳廷
 鑑因病開缺。遺缺以崔永安補授。▲京師實行報律。△
 度支部通電各督撫。一律禁借外債。舉辦新政。十三
 日。△陸軍部通電各督撫。武備學堂。一律添設礮工專
 科。十四日。▲漢口小販。因警局禁止設攤。聚衆滋事。
 鬧鎮罷市。十五日。△滇督錫良出駐通海縣。督師剿
 匪。十六日。△令桂撫張鳴岐派龍濟光赴滇平亂。並
 令協餉三十餘萬。△福建泉州屬馬家巷民因械鬪戕
 官。▲日使林權助解任回國。十七日。△中日鴨綠江
 森林條約成。▲達賴喇嘛到京。諭飭內務府理藩部
 估修普靜禪林以居之。十八日。▲達賴喇嘛人覲。
 十九日。▲江北提督王士珍丁艱開缺。遺缺以徐紹
 楨暫署。△湖南改派朱恩絨為粵漢鐵路總理。賞四
 品卿銜。命解奉錦山海關道任。二十一日。▲廷試
 游學畢業生章宗元等。授為翰林院編修庶吉士主事
 內閣中書七品小京官知縣等官。▲浙江鐵路湖墅至

臨平一段。工竣開車。△各使允禁各該國軍艦隨意游
 歷內地。政府通告各省查照。二十三日。△外務部照
 會各使。凡各國政府與中國商民及蒙古王公所訂物
 權抵押借貸契約。如未經外務部及理藩部承認者。概
 無效力。二十四日。▲都察院都御史陸寶忠因病開
 缺。遺缺以張英麟補授。▲五品卿銜吏部主事勞乃
 宣以四品京堂候補。在憲政編查館行走。二十五日。
 ▲以莖岫補授烏里雅蘇臺將軍。▲以達壽調補理藩
 部左侍郎。寶熙補授學部右侍郎。二十六日。△貴州
 裁撤糧儲道貴西道。改設巡警勸業道。並改仁懷同知
 名赤水廳同知。普安同知名盤州廳同知。從黔撫龐鴻
 書之請也。▲賞前署貴州布政使糧儲兵備道黃元善
 內閣學士銜。以鄉舉重逢也。二十七日。▲雲南西路
 官軍趙金鑑克復河口。中路官軍王正雅克復老范寨。
 △福建詔安縣匪亂。提督洪永安派兵馳剿。△俄簡克
 羅斯為駐使。二十九日。△政府通電各督撫。轉飭所
 屬設立議事會。遴選正紳充當會員。惟不得干預調訟。
 三十日。△開缺都察院都御史陸寶忠卒。